




Лев Толстой

# Икронома



**Лев Николаевич  
Толстой**



Лев ТОЛСТОЙ

# ИКРНОМЛА



«O'zbekiston milliy ensiklopediyasi»

Давлат илмий науқариёти

Тошкент – 2020

УЎК: 821.161.1-31  
КБК 84 (2Рос=Рус)  
Т 64

**Таржимон  
Озод Шарафиддинов**

Улуг рус ёзувчиси Лев Толстойнинг “Икрорнома” кисаси адибнинг бошка асарлари сингари дунё китобсеварларининг такрор ва такрор ўқиладиган асарларидан биридир. Унда ёзувчи инсон ҳётининг мохиятига бошқалардан фарқли ўларок теран ва қенг, енгил ва тушунарли услубда ёндашган.

“Ўзбекистон миллий энциклопедияси” Давлат илмий нашриёти жаҳон адабиётининг бу нодир асарини шахсий кутубхонангиз учун яна бир тухфа сифатида чоп этишни лозим топди.

УЎК: 821.161.1-31  
КБК 84 (2Рос=Рус)

ISBN 978-9943-07-745-4

© «O'zbekiston milliy ensiklopediyasi»  
Давлат илмий нашриёти, 2020.

# **ИҚРОРНОМА**

*Босытмаган асарга мүқаддима*

## **I**

Мен православ христиан дини рухида чўкинтирилганиман ва тарбия топғаниман. Болалигимдан, бутун ўсмирилигиму ёшлигим мобайнида мени диний руҳда тарбиялашди. Аммо 18 ёшга тўлиб, дорилфунунинг иккинчи курсини битирганимда менга ўргатганиларининг ҳеч кайсисига ортиқ ишонмай колдим.

Баъзи бир хотираларимга караб хукм килинса, ҳеч қачон менга ўргатилганига ва катталарнинг хузуримда килган иқрорномасига жиддий ишонмаганиман. Уларга факат ишонкираб каардим холос, аммо бу ишонқирашининг замини жуда бўш эди.

Эсимда, мен ўн бир ёшда эдим – аллакачон оламдан кўз юмган Володенька М. деган бир гимназия талабаси бозор куни бизниги келиб, гимназияда кашф этган бир гапни катта янгилик сифатида гапириб берди. Кашфиёт шундан иборат эдики. Худо йўқ ва бизга ўргатганиларининг ҳаммаси бехуда гаплар (бу 1838 йилда бўлган эди). Эсимда, акаларим бу янгиликка қизиқиб колди ва мени маслаҳатга чакиреди. Яна эсимдаки, биз ҳаммамиз анча ҳаяжонга тушдик ва бу гапларни жуда ғалати ва бўлиши мумкин гаплар тарзида баҳоладик.

Яна эсимда – акам Дмитрий дорилфунунда ўқиб юрган кезларида бирдан унинг табиатига хос жўшкинлик билан динга берилиб колди ва ҳамма ибодатларга катниай бошлади, рўза тутди, озода ва покиза хаёт кечира боилади. Шунда биз ҳаммамиз, ҳатто, катталар ҳам тинимсиз тарзда

унинг устидан кулиб юрдик ва уни негадир Нуҳ деб атадик. Эсимда, ўша кезларда Қозон дорилғунунининг мутаваллиси бўлган Мусин-Пушкин ҳаммамизни рақс тушгани уйига таклиф килганди. Акам боришдан бўйин товлади. Шунда у истехзо билан Довуд ҳам кема олдида рақс тушган деб, акамни кўндиришга уриниб кўрди. Ўша кезларда катталарнинг бунақа ҳазил-хузуллари менга анча маъкул тушган эди. Мен улардан битта хулоса чикардим – диний китобларни ўқиш керак, аммо буларнинг барини ҳаддан зиёд жиддий қабул килмаслик керак. Яна шу хотирамда муҳрланиб қолганки, мен жуда ёшлигимда Вольтерни мутолаа килганиман ва унинг истехзоларидан норози бўлиш ўрнига уларни ўқиб, кайфим чоғ бўларди.

Менинг диндан қайтишим бизга ўхшаган ўқимишли одамлар ўртасида қандай содир бўлган ва бўлаётган бўлса, худди шундай рўй берди. Менинг назаримда, кўп ҳолларда бу қуидагича содир бўлади шекилли: ҳамма қандай яшаса, айрим-айрим одамлар ҳам шундай яшайди. Ҳамма эса шундай ибтидолар асосида ҳаёт кечирадики, бу ибтидоларнинг диний эътиқодга алоқаси йўқ эмас, балки кўп ҳолларда унга бутқул зид ҳамдир, диний эътиқод тирикчиликда иштирок этмайди. бошиқа одамлар билан сұхбатга киришганда ҳеч качон диний эътиқодларга рўпара келмайсиз ва ўз ҳаётингизда ҳам ҳеч қачон ундан баҳраманд бўлмайсиз; диний эътиқодга қундалик ҳаётдан олиседа ва унга боғланмаган ҳолда сигинасиз. Агар унга тўқнашсангиз, факат ҳаётга алоқаси йўқ ташки ҳодисадек муомалада бўласиз.

Одамнинг ҳаётига, унинг ишларига қараб, Худога ишониши-ишонмаслигини билишининг имкони йўқ. Авваллари шундай эди, ҳозир ҳам шундай. Мабодо, православ динидаги одам билан уни инкор этувчи кас ўртасида бирон-бир тафовут бўлса, бу диндор одамнинг фойдасига эмас. Аввалиги каби ҳозирги пайтда ҳам православ мазхабини тан оловчилар, уни ўзининг иймони деб билгандарнинг аксарияти акли нокис, бағритош ва виждонсиз одамлар. Улар ҳаддан зиёд

ўзига бино қўйган. Донолик, тўғрилик, номус, очиккўнгиллилик ва диёнат кўпинча ўзини динга ишонмайдиган, дебтан олувчилар ўртасида учрайди.

Мактабларда диний китобларни ўқитадилар ва шогирдларни черковга катнашга ундайдилар; мансабдорлардан ибодатга катнашлари ҳакида гувоҳлик талаб қилинади. Аммо ортиқ бирон жойда ўқимайдиган, бирон давлат ишида хизмат қилмайдиган бизнинг тоифадаги одам ҳозирги пайтда ҳам, ўтган замонда эса инчунин, ўнлаб йиллар мобайнида насронийлар орасида яшаётганини бирон марта хаёлига келтирмасдан ва ўзи ҳам христиан православ динидаги одам хисобланишини эсламай умргузаронлик килиши мумкин эди.

Ана шунаقا. Ҳозир ҳам худди ўтмишдаги каби ишониб кабул қилганимиз ва ташки тазиик билан қўллаб-кувватланиб туриладиган диний эътиқод диний таълимотга зид бўлган ҳаётий билим ва тажриба таъсирида камдан-кам эриб битмоқда. Одатда, одам болалигидан унга сингдирилган диний таълимот ҳамон унинг онгига тўла-тўқис мавжуд деган ўй билан кўп йиллар ўзини ўзи овутиб юраверади. Ҳолбуки, унинг онгига диний эътиқоднинг изи ҳам қолмаган бўлади.

С. деган жуда доно ва росттўй одам қандай қилиб динга ишонмай қўйганини менга ганириб берган эди. Йигирма олти ёшига кирганида, ов қилиб юрган чогида, болаликдан ўрнашган одатига кўра, кечқурун ибодат қила бошлабди. У билан бирга овга келган акаси пичан устида ётиб, уни кузатибди. С. ибодатни тугатиб, ётишга чоғланаётганда, акаси ундан: «Ҳали ҳам шу ишингни қўйганинг йўқми?» деб сўрабди. Улар бир-бирига бундан бошка бир оғиз ҳам гап айтишмабди. Аммо С. шу кундан бошлаб ибодатдан бўйин товлаб, черковга катнашни қанда қилибди. Черковдан оёгини узганига ва тоатезиз яшаётганига ўғтиз йил бўлибди. Бундай қилганига сабаб у – акасининг эътиқодидан хабардорлиги ва уларга қўшилишга тайёрлиги ё қалбида бирор қатъий қарорга келганидаям эмас, шунчаки акасининг оғзидан чиккан гап оғирлигидан кулай-кулай деб турган деворга туртки бўл-

ган. У диний эътиқод бор, деб ўйлаган жойда аллакачон ҳеч вако қолмаган экан. Ибодат вактида унинг оғзидан чиккан иборалар, чўкиниши, саждага кетиши – бари-бариси маънилизлик бўлиб туюлган. Ибодатдан маъно топмагандан кейин у хаммасини йигиштириб кўйган.

Мен ўйлайманки, жуда кўп одам ҳам шундай аҳволга тушган ва тушади. Мен бизнинг тоифамизга мансуб зиёли, ўз-ўзига рост гапирадиган одамлар тўғрисида сўзлаяпман. Диний эътиқодини вактинчалик, ўткинчи мақсадга эришишнинг воситаси килиб олганлар бундан мустасно, албатта (Бундайлар, аслида, уччига чиккан кофир, негаки бундайлар учун дин хаётда муайян мэрраларга эришиш воситасига айланган, лекин бундай дин дин бўлмайди). Бизнинг тоифамизга мансуб ўқимишли одамлар шунака аҳволдаки, хаёт ва билим нури сунъий иморатни эритиб юборган ва улар ё буни сезиб, жой бўшатишган ёхуд ҳали уни сезишганларича йўк.

Болалигимдан менга сингдирилган диний эътиқод бошкalarда қандай бўлса, менда ҳам шундай йўколди. Фақат фарқ шунда эдики, мен жуда эрта ўкишу фикрлашни бошлаганим сабаб диндан кайтишим илк кадамларданок онгли характер касб этди. Мен ўн олти ёшимдан ибодат қилмай кўйдим ва ўз ихтиёrim билан черковга катнашни тўхтатдим. Боз устига болаликдан шууримга сингдирилган ақидаларга ишонмай кўйдим. Аммо нимагадир ишонар эдим, бирок нимагалигини сўз билан очик-равшан ифодалаб беролмасдим. Мен Худога ҳам ишонгандман, тўғрироғи, Худони инкор этган эмасман, аммо канака Худога ишонишмни айтиб беролмасдим. Мен Исони ҳам, унинг таълимотини ҳам инкор этмадим, бироқ бу таълимотнинг мохияти нимадалигини билмасдим.

Эндиликда ўша вактларни эсларканман, эътиқодим, яъни ҳайвоний инстинктдан ташкари ҳаётимни ҳаракатга келтиргани – ўша кезлардаги яккаю ягона иймоним – комил инсон бўлишга ишонч эди. Аммо комилликнинг мазмуни қандай, унинг қандай мақсадлари бор – буни айтиб беролмасдим.

Мен ўзимни ақлий жиҳатдан мукаммаллаштиришга ҳаракат қилдим – қўлимдан келган ҳамма нарсани, ҳаёт мени рўпара килгандарнинг барини ўрганишга интилдим; мен иродамни мукаммаллаштиришга ҳаракат қилдим – ўз-ўзимга коидалар яратиб, уларга амал қилишга уриндим; ўзимни жисмонан мукаммаллаштиришга киришдим – ҳар хил машклар билан кучимни ва чакқонлигимни ўстирдим, ҳар хил муҳтожликларни кўриб, ўзимни сабр-тоқатга ўргатдим. Буларнинг ҳаммасини мен мукаммаллашув, деб ҳисобладим. Албаттаки, барининг ибтидоси маънавий мукаммаллашувимда эди, аммо орадан кўп ўтмай, унинг ўрнини, умуман, мукаммаллашув эгаллади, яъни ўз-ўзимнинг наздимда ёхуд Худо қаршисида эмас, балки одамлар олдида яхшироқ бўлиш истаги эгаллади. Орадан кўп ўтмай бошқа одамлар қаршисида мукаммалликка интилиш ўрнини бошқалардан кучлироқ, яъни бошқаларга қараганда шуҳратлироқ, донгдорроқ, бадавлатроқ бўлиш истаги эгаллади.

## II

Вакт-соати келса, мен ҳаётим тарихини ҳикоя қилиб берман – ёшлигимдаги ўн йиллик умрим жуда ибратли ва таъсирчан кечган. Ўйлайманки, менинг кўнглимдан кечган туйгуларнинг аксарияти бошқаларга ҳам таниш. Мен бутун қалбим билан комилликка, яхши бўлишга интилгандим; аммо мен ёш эдим, хирсларимга асир эдим. Аммо яхши бўлиш йўлларини излаганимда ёлғиз эдим, мутлақо ёлғиз эдим. Ҳар гал қалбимдаги энг эзгу майлларимни, яъни маънавий жиҳатдан камолотга эришмоқчилигимни намойиш қиласам, мени мазах қилишар ва атрофдагилар нафратига дучор бўлардим, аксинча, ёмон эҳтиросларга бериладиган бўлсам, мақташар ва рағбатлантиришар эдилар. Манфаатпарастлик, шуҳратпарастлик, ҳокимиятпарастлик, шаҳвоният, мутакаббирлик, ғазаб, интиқом – буларнинг ҳаммаси ҳурматга сазовор эди. Бу хисларга берилганимда мен катта одамларга

үхшаб қолардим ва мендан мамнун эканликларини хис ки-лардим. Мен холажоним билан бирга турардим. Күй оғзидан чүп олмаган бу покиза аёл хамиша менга бир тилак билдириб: «Эр күрган аёл билан алокада бўлишишнинг истайман, чунки боадаб аёл билан алоқа килган йигитнинг саводи тез чикади», дерди. У менга яна бир тоифа баҳт тиларди – менинг алъютант бўлишимни, бўлғангага яраши подишонинг алъютанти бўлишимни истарди; унинг менга тилаган энг катта баҳти шу эдики, менинг жуда хам бадавлат қизга уйланишимни истар, бу уйланиш оқибатида, менда сон-саноксиз қуллар бўлишини хоҳлар эди.

Дахшатсиз, ижирғанмасдан, юрак зил кетмасдан шу йилларни эслай олмайман. Мен урушда одам ўлдирганман, ўлдириш ниятида дузлга чакирғанман, тасарруфимдаги мужикларни картага бой берганман, уларнинг меҳнати эвазига яшаганман, уларни катл этганман, фахш ишлар билан шугулланганман, алдаганман. Ёлғончилик, ўғирлик, ҳар хил раигдаги зинкорлик, ичкиликбозлик, зўравонлик, қотиллик... Мен килмаган жиноят колган эмас ва бунинг ҳаммаси учун мени макташган, тенгдошлиларим мени нисбатан виждонли одам, деб хисоблашган ва ҳозир хам хисоблашади.

Шу ахволда ўн йил яшадим.

Бу давр мобайнинда шуҳратиараастлигим, манфаатпаастлигим, мутакаббирлигим важидан ёза бошлиладим. Ҳаётда нима номаъқулчилик килган бўлсам, ёзганларимда хам шуни ёздим. Шуҳратга эришмок ва пул топмок учун жамики яхши нарсани яшириб, ёмон нарсани ёзмок керак эди. Мен шундай килдим. Ёзганларимда локайдлик пардаси остида ва ҳатто, жиндай истеҳзо аралаш яхшиликка интилишимни неча мартараб яширганман. Ҳолбуки, яхшиликка интилиши – ҳаётимнинг мазмунини ташкил киларди. Шу йўл билан шуҳратга эришдим – мени мактадилар.

Йигирма олти ёшга тўлиб, урушдан кейин Петербургга келдим ва ёзувчилар билан топишдим. Мени яхши карши

олишди, ўзларига яқин тутишди, менга хушомадлар ки-  
лишди. Бир айланиб улгурмасимдан мен топишган одамлар-  
нинг хаётга мутакаббирона карашларини ўзлаштирдим ва  
яхширок бўлиш борасида килган аввалги ҳамма уринишла-  
рим таг-туги билан хаёлимдан учди-кетди. Ушбу карашлар  
бебошлиқ билан кечираётган умримга қўшилиб, бу хаётни  
окладиган назарияга айланди.

Ёзувчилик борасидаги бу шерикларимнинг хаётга кара-  
ши шундан иборат эди: умуман, хаёт ўз йўлида ривожланиб  
боради ва унинг бу ривожида биз, яъни фикрловчи одам-  
лар асосий иштирокчилар сифатида кўринамиз; фикрловчи  
одамлар орасида эса биз – санъаткорлар, шоирлар асосий  
таъсир кучига эгамиз. Зиммамиздаги бурчимиз – одамларни  
ўргатиш. Аммо бунда ўз-ўзингга бериладиган савол кўнда-  
ланг бўлиши мумкин – хўш, мен ўзим нимани биламан-у,  
одамларга нимани ўргатаман? Шу савол кўндаланг бўлмасин  
учун юкоридаги назариямизда бир гап айтилди – санъаткор  
бировга бир нима ўргатиши учун ўзи бирон нарса билиши  
шарт эмас, санъаткор билан шоир ғайришуурый тарзда ўрга-  
тишади. Мен жуда ажойиб санъаткор ва шоир хисобланар-  
дим, шунинг учун хам ғоят табиий бир тарзда бу назарияни  
ўзлаштирдим. Мен – шоирман, санъаткорман, ўзим нимани  
ўргатаётганимни билмаган холда асар ёзиб, одамларга ўр-  
гатаман. Бунинг учун менга қалам ҳаки беришади, еганим  
олдимда, емаганим кетимда, турар-жойим соз, аёллар бисёр,  
улфатларим жойида. Хуллас, шухратим юксак. Бундан ке-  
либ чикадики, мен ўргатган нарса жуда яхши экан.

Поэзиянинг аҳамиятига ва ҳаётнинг ривожланишига бўл-  
ган бу ишонч – иймон эди ва мен унинг муҳибларидан бири  
эдим. Бу иймоннинг муҳиби бўлиш қулай ва ёқимли эди. Шу  
ахволда шу иймонга сажда килиб, унинг чинлигига шак кел-  
тирмай анча яшадим. Аммо, икки йил ўтгач ва айникса, бу  
тахлит ҳаётимнинг учинчи йили бошлангач, мен бу иймон-  
нинг бенуқсонлигига шубҳа кила бошладим ва уни тадқик  
килишга киришдим. Менда шубҳа туғилишига туртки бўл-

ган биринчи омил шу эдики, бу иймоннинг муҳиблари ҳамма вақт ҳам ўзаро иттифоқ эмасдилар. Баъзилар дейишарди: биз – энг яхши ва энг фойдали устозлармиз, биз кераклисини ўргатамиз, бошқалар хато ўргатади. Бошқалари эса бундай дейишади: йўқ, биз чин устозмиз, сизлар нотўғри ўргатасиз. Шундай деб улар бир-бирлари билан баҳсга киришади, тортишади, сўкишади, бир-бирларини алдайди, бир-бирларига маккорлик килишади. Бундан ташқари, уларнинг орасида шунақа одамлар ҳам кўп эдики, улар ким ҳақу ким ноҳаклигини ўйлаб ҳам ўтиришмасди, балки бизнинг шу фаолияти миздан фойдаланиб, ўзларининг ғаразли ниятларига осонги на эришардилар-кўярдилар. Буларнинг ҳаммаси мени иймонимизнинг чинлигига шак келтиришга мажбур қилди.

Бундан ташқари, ёзувчилик иймонининг чинлигига шубҳа туғилганидан кейин мен унинг муҳиблари ҳаётини синчилаб кузата бошладим ва амин бўлдимки, бу иймоннинг деярли ҳамма муҳиблари – ёзувчилар виждонсиз одамлар экан, уларнинг кўпчилиги ярамас одамлар экан, уларни иккι пулга арзимас каслар деса ҳам бўлади; улар аввалги бебоши ҳаётимда, ҳарбий ҳаётимда учратган одамларнинг кўпидан тубан туради, лекин улар жуда ҳам ўзига бино қўйган ва ўз-ўзидан бениҳоя мамнун одамлар. Фақат авлиёларгина ўз-ўзларидан шунақа мамнун бўлишлари мумкин ёки авлиёлик нималигини билмайдиганларгина шунақа бўлсалар, эҳтимол. Мен одамларни ёмон кўрдим, ўзимдан ҳам кўнглим колди. Шунда англадимки, бу иймон – ёлғон!

Аммо ғалати жойи шундаки, бу иймоннинг ёлғонлигини тушуниб, ундан юз ўгирганимдан кейин шу одамлар томонидан менга берилган рутбадан – санъаткор, шоир, устоз рутбасидан юз ўгирамадим. Гўллик билан ўйлабманки, мен шоирман, санъаткорман, бинобарин, ўзим нимани ўргатаётганимни билмаган холда ҳаммага акл ўргатавераман. Шундай қилдим ҳам.

Бу одамларга яқин бўлиб мен янги бир гуноҳ орттиридим – менда мутакаббирлик жуда авж олиб кетди ва нима ўрга-

таётганимни билмаган холда одамларга аkl ўргатиш зиммамдаги бурчимдир, деган мажнунона ишонч пайдо бўлди.

Эндиликда ўша замонларни эсга оларканман, ўзимнинг ўша пайтдаги кайфиятимни ва ўша одамларнинг (бунака одамлар ҳозир ҳам беҳисоб) кайфиятини хотирларканман, ҳам қулгим келади, ҳам йиғлагим, ҳам раҳмим қўзғалади, ҳам даҳшатга тушаман. Жиннихонага тушган одамнинг кўнглидан шунака туйгулар кечса керак.

У пайтларда биз ҳаммамиз астойдил ишонган эдикки, биз кўп гапирмоғимиз, тинмай ёзмоғимиз, ёзганимизни бетўхтов чоп этмоғимиз даркор, буни қанча тез ва қанча кўп килсак, шунча яхши, чунки буларнинг бари инсоният манфаатлари учун зарур ва бизга ўхшаганлардан сон мингтаси бир-бирини инкор этиб, бир-бирини сўкиб, бошқаларга аkl ўргатиб тинмай ёздилар ва ёзганларини чоп этдилар. Шундай қилиб, биз хеч нарса билмаслигимизни пайқамаган холда, хаётнинг «яхши дегани нима-ю ёмон дегани нима?» деган энг оддий саволига нима деб жавоб беришни билмаган, бир-биримизнинг гапимизни тингламаган холда ҳаммамиз ёппасига гапирдик. Аммо баъзан менга ҳам «баракалла» десинлар ва мени ҳам жиндай мактаб қўйсинлар деган мақсадда, бир-биримизга офаринлар ёғдирдик ва бир-биримизни мактаб, кўкларга кўтардик. Бу ғала-ғовур ичida аҳён-аҳёнда ғазабимиз ҳам кўзиб турад ва бир-биримизнинг овозимизни босиб, қичкиришга тушардик. Бу айни жиннихонанинг ўзи эмасми?!

Минглаб ишчилар, туну кун кучдан қолиб, хориб-толикиб ишлашар, миллионлаб сўзларни теришар ва босишар, почта эса уларни бутун Россия бўйлаб таркатар эди, биз эса ҳамон узлуксиз равишда жазавага тушиб ўргатар, ўргатар ва яна ўргатар эдик, бу ўргатишимиznинг кети-охири кўринмас эди ва биз яна зарда ҳам қилиб қўярдик – бизнинг гапимизни кам тинглашяпти.

Кўп ғалати эди бу, лекин энди менга ҳаммаси тушунарли. Ҳақиқий, чин юракдан чиққан мулоҳазамиз шу эдик, биз имкони борича кўпроқ пул олишни ва мақтов

эшитишни истар эдик. Бу мақсадга эришиш йўлида биз китоб ёзиш ва газета чиқаришдан бошка ҳеч нарса билмас эдик. Биз шу ишларни килдик ҳам. Аммо шу қадар беҳуда ишларни килиб туриб, ўзимизни комил ишонч билан жуда керакли улкан одамлар, деб хисобламогимиз учун бизнинг фаолиятимизни оқладиган, унга бирон маъно ато этадиган мулоҳаза ҳам керак эди. Шу сабабдан биз қуйидаги гапни тўкиб чиқардик: мавжуд нарсаки бор, уларнинг ҳаммаси аклга мувофиқдир. Нимаики мавжуд бўлса, уларнинг ҳаммаси ривож топади. Ривожланиш эса маърифат воситасида амалга ошади. Маърифат деганимизнинг даражаси китоб ва газеталарнинг қай даражада таркалиши билан ўлчанди. Китоб ёзганимиз ва газета чиқарганимиз учун бизга пул тўлашади, шунинг учун ҳам биз энг фойдали ва яхши одамлармиз. Агар биз ҳаммамиз шу мулоҳазага қўшилсак, ундан яхши мулоҳаза бўлмас эди. Аммо бир одам томонидан айтилган битта фикрга карши бошка бир одам ҳар доим бутунлай унга зид бошка бир фикр айтарди, бу эса бизни ўйланишга мажбур этарди. Аммо биз буни пайкамас эдик. Бизга пул тўлашарди ва фирмамизга мансуб одамлар бизни макташарди – шундок бўлгандан кейин бизнинг ҳар қайсими ўзимизни ҳак, деб хисоблардик.

Энди менга аёнки, буларнинг бари жиннихонадаги ахволдан сира ҳам фарқ килмайди. У пайтларда эса мен буни гира-шира англардим холос ва ҳамма жинниларга ўхшаб ўзимдан бошка ҳаммани жинни деб атар эдим.

### III

Ана шу тентаклик қўйнида мен уйлангунимга қадар яна олти йил умр кечирдим. Бу вакт ичидаги хорижга бориб келдим. Оврўподаги ҳаёт ҳакида Оврўподаги илфор, ўқимишли одамлар билан мулокот шу пайтгача амал килиб яшаб келганим мукаммаллашув ҳакидаги эътиқодимни янада мустаҳкамлади, чунки бу ердаги одамлар ҳам айни шу эътиқодга сиғинар эканлар. Мендаги эътиқод бизнинг даври-

миздаги ўқимишли одамларнинг кўпчилигига бўлгани каби одатий бир шаклга кирди. Бу эътиқод «тараккий» деган сўз билан ифодаланарди. Ўша пайтларда менга бу сўз аллақандай маъно англатадигандай туюлар эди. У пайтларда ҳали тушунмас эдимки, мен «қандай килиб яхшироқ яшамоғим керак?» деганга ўхшашиб саволлар гирдобида изтироб чекаётган ҳар қандай одам каби «тараккийга мувофик яшамоқ керак», деб жавоб берар эканман, тўлкинлар юзида шамол ҳар томонга судраётган кайикка тушиб колган одам «Йўл бўлсин?» деган унинг учун ягона ва асосий саволга жавоб бериш ўрнига «аллақаёкка елиб кетиб боряпмиз» дегандек бўлган эканман.

У пайтларда мен ҳали буни пайқамаган эдим. Бизнинг давримизда ҳаётни тушуниб етмаган одамлар ана шу умумий хурофт қобигига бурканиб оладилар. Мен ахён-ахёнда аклим билан эмас, туйғуларим билан бундан норози бўлиб қўядим. Масалан, Парижда бўлган вактимда катл манзарасини кўрдим-у, мендаги тараккийга эътиқоднинг замини бўш эканини сезиб қолдим. Катл килинган одамнинг калласи танасидан жудо бўлиб, иккови ҳам гупиллаб қутига тушгандай бўлганини кўриб, аклим билан эмас, бутун вужудим билан англадимки, мавжуд нарсанинг аклга мувофиқлиги ва тараккиёт ҳакидаги хеч қандай назария бу ишини сира-сира оқлай олмайди. Агар дунёдаги ҳамма одамлар қандайдир назарияларга амал килиб, дунё яратилгандан бери шуни зарур деб хисоблаб келган эканлар, мен биламанки, бу керак эмас, бу ёмон иш. Шунинг учун нима нарса яхшию нима нарса зарур эканини одамларнинг гап-сўзию қилғиликлари эмас, тараккиёт эмас, балки мен юрагимнинг амрига кўра белгилайман. Тараккиёт деган нарсага хурофий эътиқод қўйишнинг ҳаёт учун кифоя эмаслигини англашимга сабабчи бўлган яна бир воеа катта акамнинг ўлими эди. Доно, бағрикен, жиддий одам эди у. У жуда ёш касалга чалинди, бир йилдан ортиқрок азоб тортди ва кийналиб, нимага яшаганини тушунмай ва нега вафот этаётганига янада камрок акли стиб

оламдан күз юмди. У кийналиб узила-узила жон таслим қи-лаётган кезларда ҳеч қанақа назария бу саволларга на менга, на унга жавоб беря олди.

Аммо бундай шубхалар ахён-ахёндагина юрагимни чулғаб оларди, аслида эса мен тараққиёт ҳақидаги эътиқодга ихлос қўйиб, яшашда давом этардим: «Ҳамма нарса ривожланяпти, мен ҳам ривожланяпман, нима учун ҳамма билан бирга мен ҳам ривожланяпман – кейинчалик кўрармиз».

Ўша пайтлардаги эътиқодимни шундай деб ифодаласам бўлар дейман.

Хориждан қайтганимдан кейин мен қишлоқда истиқомат қила бошладим ва дехқон болалари ўқийдиган мактабда дарс бердим. Мактабдаги машғулотлар менга жуда маъқул келди, чунки уларда адабий устозлик фаолиятида мен учун аён – ошкор бўлиб қолган, хўб жонимга тегиб улгурган ёлғон йўқ эди. Бу ерда ҳам мен тараққиёт йўлида жонбозлик қилдим, бирок энди тараққиётнинг ўзига танқидий муносабатда бўлиб қолгандим. Мен ўзимга ўзим дедимки, баъзи бир ҳодисаларда тараққиёт нотўғри содир бўлган, эндиликда ибтидий одамларга, дехқон болаларига батамом эркин муносабатда бўлмоқ керак, уларга ўзлари хоҳлаган тараққиёт йўлини танлаб олишни таклиф килмоқ лозим.

Ваҳоланки, мен ҳамон ўша-ўша ҳал қилиб бўлмайдиган битта масала атрофида айланаётган эканман. Бу масала – нимага ўргатаётганингни билмай туриб, бирорвга акл ўргатиш эди. Нега десангиз, мен кўрдим – ҳамма ҳар хил нарсани ўргатар экан ва нима ўргатаётгандари ўзи учун ҳам коронғи эканини ўзларидан яширмоқ учун бир-бири билан баҳслашиб ётар экан. Мен ўйлайманки, шу заҳотиёқ дехқон болалари билан биргаликда бу қийинчиликни бартараф қилиш мумкин – бунинг учун болаларга ўзлари хоҳлаган нарсани ўргатиш керак. Эндиликда кўнглимга келган ўша номаъқулчиликни амалга оширмоқ учун қанчалик ўлиб-тирилганимни эсласам, кулгим қистайди. Шунинг учун номаъқулчиликни, мен уларга ҳеч қанақа

керакли илмни ўргата олмаслигимни ич-ичимдан яхши билардим, чунки нима кераклигини ўзим ҳам билмасдим. Мактабда бир йилча дарс берганимдан кейин яна хорижга жўнадим. Бу гал мақсадим – хорижда ўзи ҳеч нарсани билмаган ҳолда бошқаларга қандай таълим беришнинг йўлларини ўрганмок эди.

Менга шундай туолдики, мен хорижда буни ўргандим ва хорижнинг бу борадаги жамики донолиги билан қуролланган ҳолда, дехқонлар озодликка чиққан йили Россияга қайтдим ва воситачилик ўрнини эгаллаб, мактаблардаги саводсиз одамларни ҳам, ўзим нашр эта бошлаган журнал оркали эса ўқимишли одамларни ҳам ўқита бошладим. Ишлар юришиб кетгандек кўринган эди, лекин кўп ўтмасдан ақлан унча соғлом эмаслигимни ва бу аҳвол узок давом этиши мумкин эканлигини ҳис қилдим. Балки мен ўшандаёқ кейинчалик – эллик ёшимда бошимга тушадиган чуқур тушкунлик дардига гирифтор бўлардим. Мени бундан факат бир нарса кутқариб қолди – ҳаётимнинг яна бир томони бор эдики, мен ҳали уни тотиб кўрганим йўқ эди. Ҳаётимнинг шу томони мени кутқаради деган умидда эдим. Бу – оиласвий ҳаёт эди.

Бир йил мобайнида мен воситачилик билан шуғулландим, мактабда дарс бердим, журналда ишладим ва ҳаддан ташқари қийналиб кетдим. Мен учун ҳамма нарса айқаш-уйқаш бўлиб кетди – воситачилик борасидаги курашлар менга жуда оғирлик қилди, мактабдаги машғулотларимдан ҳам путур кетди, журналдаги мавкеим ўз-ўзимга жуда ёмон кўриниб қолди. Буларнинг барига сабаб ҳамон ўша-ўша эди – нимадан сабоқ беришни билмаган ҳолда ҳаммага таълим бермоқчи, ақл ўргатмокчи эдим ва буни ҳаммадан яширишни истардим. Шу туфайли мен жисмонан эмас, руҳан хасталикка чалиниб қолдим. Шунда ҳамма нарсага қўл силтадим-да, тоза ҳаводан нафас олиш, тўйиб қимиз ичиш ва вахшиёна бир тарзда ҳаёт кечириш учун чўлга, бошқирдлар хузурига йўл олдим.

У ердан қайтиб келиб уйландим. Бахтиёр оиласвий ҳаёт-нинг янги шароити мени ҳаётнинг умумий маъносини излаш борасидаги ҳар қандай хатти-харакатлардан бутунлай қайтарди. Бу вакт мобайнида бутун диккат-эътиборим оиласмга, хотинимга, болаларимга қаратилди, шунинг учун тирикчилик йўлида тузукроқ маблағ топиш ташвишлари биринчи ўринга чиқди. Камолотга интилиш ўрнини, аввалроқ, умуман, камолотга, тараккиётга интилиш эгаллаган эди. Энди унинг ўрнига тўғридан-тўғри оиласминг ахволини бакадри имкон яхшилаш иштиёки пайдо бўлди.

Шу ахволда яна ўн беш йил ўтди.

Мен ёзувчиликни ҳеч нарсага арзимайдиган беҳуда иш деб ҳисобласам-да, бу ўн беш йил мобайнида ёзишда давом этдим. Мен энди ёзувчиликнинг мазасини тушуниб қолгандим, арзимаган меҳнат учун олинадиган жарак-жарак қалам ҳақига, қарсақлару офаринларга мазахўрак бўлиб қолгандим. Шунинг учун дамимни ичимга ютиб, улардан моддий ахволимни яхшилаш воситаси сифатида фойдаланишда давом этдим ва улар ёрдамида менинг ҳаётим ва умуман, ҳаётнинг маъноси тўғрисидаги кўнглимдаги ҳар қанақа саволларнинг унини ўчиришга харакат қилдим. Бу кезларда мен учун ягона ҳақикат бор эди – шундай яшагинки, бунинг оқибатида оиласнг билан бирга ҳузур-ҳаловатда ҳаёт кечир, имкони борича фароғатда яша. Ёзган асарларимда ҳам шундай таълим бердим. Шу ахволда яшашда давом этдим, аммо бундан беш йилча муқаддам мен ғалати ҳолатларни кечира бошлидим – аввалига бир неча дақиқа давомида ҳаётим тўхтаб қолаётгандай туюлди. Гўёки қандай яшашим кераклигини, нима килмогим кераклигини мутлақо билмас эдим. Бундай ҳолларда эсанкираб, тушкунликка тушиб қолардим. Аммо бу ўтиб кетарди ва мен аввалгидай яшашда давом этаверардим. Кейин бу довдираш дақиқалари тез-тез такрорланарди. Бу ҳар гал бир хил шаклда содир бўларди. Ҳаётнинг бундай тўхтаб қолишлари ҳар сафар бир хил – «Нима учун?», «Хўш, кейин-чи?» деган саволларда ифодаланаарди.

Аввалига менга шундай туюлдики, булар максадсиз, ноўрин берилган саволлар. Назаримда, буларнинг ҳаммаси маълум гаплар эди, агар мен вакти-соати келиб уларни ҳал қилиш билан шуғуллансан, бу иш мен учун сира-сира кийин бўлмайди, факат хозир бу билан шуғулланишга ортиқча вактим йўқ, керак бўлганда уларнинг ҳаммасига жавоб топа оламан. Бироқ, саволлар устма-уст қалашиб ёғилаверди, борган сари қатъйроқ тарзда уларга жавоб талаб қилинаверди ва устма-уст бир нуктага тушган каби бу жавобсиз саволлар бирлашиб, каттакон бир қора доғни ташкил килди.

Одамзод дарди бедаво бир дардга чалинса, одатда шундай бўлади. Аввалига хастиликнинг арзимас белгилари на-моён бўлади. Бемор уларга эътибор бермайди. Кейин бу белгилар тақрор-тақрор учрайверади ва бора-бора бўлинмайдиган, битта яхлит дардга айланади. Дард кучайгандан кучаяди ва bemor бирор тадорикни кўриб улгурмай англайдики, у оддий хастилик деб қабул қилган нарса унинг учун дунёдаги энг муҳим нарса экан. Бу – ажал экан!

Мен ҳам худди шуни бошимдан кечирдим. Англадимки, бу тасодифий хастилик эмас, балки бошка жуда муҳим бир нарса. Модомики, бир хил саволлар тақрор-тақрор кўндаланг бўлавераётган экан, уларга жавоб бермоқ керак. Шунда мен уларга жавоб беришга уннаб кўрдим. Саволлар жуда жўн, болаларникига ўҳшаган, бемаъни саволларга ўҳшарди. Аммо мен уларни олиб, ҳал қилишга уннашим биланок шунга амин бўлдимки, биринчидан, улар болаларнинг саволи эмас, беҳуда эмас, балки ҳаётдаги энг муҳим ва энг теран саволлар экан. Иккинчидан, мен ҳар қанча бошимни қотирмай, уларни сира ҳам ҳал килолмайман. Самарадаги мулким билан шуғулланишдан аввал, ўғлимнинг тарбиясига киришмоқдан, қўлга қалам олиб, китоб ёзишга ўтироқдан аввал буларнинг ҳаммасини нима максадда қилмоқчи эканлигимни билмоғим керак. Нима максадда эканини билмагунимча, мен ҳеч нарса килолмайман. Ўша кезларда хўжалик ҳакидаги

фикрлар жуда ҳам фикру зикримни банд этган эди. Бир куни шу ўйлар ичида бир фикр миямга келди: «Хўп, яхши, Самара губерниясида сенинг 6000 десятина еринг, 300 бош йилқинг бўлсин... Хўш, кейин-чи?..» Менинг жуда ҳам бошим қотиб колди. Ундан нари нима деб ўйлашни ҳам билмай қолдим ёки болаларни қандай тарбиялаётганим ҳакида ўйлай бошлишим биланоқ, ўзимга: «Нима учун?» – дердим. Ёки ҳалк қандай қилиб фаровонликка эришмоғи мумкинлиги тўғрисида мулоҳаза юритганда, тўсатдан ўз-ўзимга: «Менинг нима ишим бор-а!» деб юборардим. Ёки менинг асарларимни қандай шон-шуҳратлар кутаётгани ҳакида ўйласам, ўзимга ўзим дердим: «Хўп, яхши, сенинг шуҳратинг Гоголь, Пушкин, Шекспир, Мольер, дунёдаги жамики ёзувчиларнидан ҳам ортиқроп бўлади. Хўш, нима бўпти? Иннайкейин-чи?»

Бу саволга жавоб тополмай, тилимни тишлаб қолардим.

#### IV

Ҳаётим тўхтаб колди. Мен нафас олишим, овқат ейишим, сув ичишим, ухлашим мумкин эди, нафас олмасам ҳам, овқат емасам ҳам, сув ичмасам ҳам, ухламасам ҳам бўлаверар эди. Лекин, барибир, ҳаётим тўхтаб қолган эди. Негаки, менда «қондирсам ақлга мувофиқ иш килган бўламан» деб ҳисоблайдиган биронта хоҳиш қолмаган эди. Агар мен бирор нарсани хоҳлаб қолсам, аввалданоқ билар эдимки, уни қаноатлантираманми ёки йўқми, барибир бундан хеч нарса чиқмайди.

Агар бирор сеҳргар фаришта келса-ю, менга ҳамма истакларингни бажо келтираман деса, мен унга нима дейишимни билмаган бўлардим. Агар ширакайф вақтларимда кўнглимда истак эмас, йўқ, аввалги кўникилган истакларнинг қораламаси кўриниб қолса, соғ дакиқаларимда биламанки, буларнинг бари рўё, истайдиган нарсанинг ўзи йўқ. Ҳатто ҳакиқатни билишини ҳам истамай кўйгандим, ҳакиқат нимада эканини сезиб турардим. Ҳакиқат шунда эдики, яшаашда ҳеч қандай маъно йўқ эди.

Мен гүёеки яшаб-яшаб, юриб-юриб бир тубсиз жарлик бўйига келиб колгандай ва олдинда ҳалокатдан бошка ҳеч нарса йўқдай эди. Тўхташ ҳам мумкин эмас, оркага қайтиб ҳам бўлмайди, олдинда ёлгон ҳаёт ва ёлгон баҳтдан ўзга, чинакам изтироблар ва чинакам ўлимдан, яъни тўла-тугал маҳв бўлишдан бошка ҳеч нарса йўклигини кўрмаслик учун кўзни юмиб ҳам бўлмайди.

Ҳаёт қўнглимга урди – аллақандай енгилмас бир куч мени бир амаллаб ундан қутулишга ундей бошлади. Менда ўз-ўзимни ўлдириш истаги пайдо бўлди, деб айтмолмайман. Мени ҳаётдан халос бўлишга чорлаётган куч хошидан кўра кучлироқ, тўлароқ, умумийроқ эди. Бу куч авваллари менда жўш урган яшаш истагига ўхшарди, факат унга тескари йўналишга эга эди. Мен бутун кучим билан ҳаётдан мосуво бўлишга интилардим. Авваллари ҳаётни яхшилаш ҳакидаги фикрлар канчалик табиий равишда қўнглимга келган бўлса, энди ўзимни ўлдириш ҳакидаги фикр ҳам шунаقا ўз-ўзидан келди. Бу фикр шунчалар жозибадор эдики, шошиб-пишиб уни амалга ошириб қўймаслик учун мен ўзимга нисбатан баъзи бир чора-тадбирларни кўришга мажбур бўлдим. Мен фактат бир сабаб билан шошмасликни ихтиёр этдим – калаванинг учини топиш учун ҳамма ҳаракатни қилиб кўрмоқчи бўлдим. Калаванинг учини тополмасам, «Бу ишни қилишга ҳамма вакт улгураман», дедим ўз-ўзимга. Мен баҳтли одам эканман-да – ўшанда ҳар куни оқшомларда ўзим ёлғиз ўтирадиган хонадан тизимчани олиб чикиб ташладим – ечинаётib, бехосдан икки жавон ўртасидаги тўсинга ўзимни ўзим осиб қўймай дедим-да. Овга ҳам милтиқ қўтариб бормай қўйдим, чунки тепкини бир босиши билан одам осонгина ҳаётдан маҳрум бўлади-кўяди – шунга лаққа учмай дедим. Нима исташимни ўзим ҳам билмай колган эдим: бир томондан ҳаётдан безиб бўлган эдим, ундан халос бўлишни истарпдим ва айни чогда ундан яна нимадир умидвор эдим.

Бу воқеалар бошимга тушган кезларда мен ҳар жиҳатдан мукаммал баҳт эгаси деб хисобланишим керак эди, яъни

мен хали эллик ёшга түлганим йўқ эди. Менинг олийжаноб аёлим бор эди, у мени севарди, мен уни севардим, фарзандларим яхши болалар эди, мулким бор эди – мен сира харакат килмасам-да, у ўсиб, гуллаб-яшина бўтарди. Якинларим ва танишларим мени хурмат килишар, бегоналар мени аввалинга караганда ўн чандон ортикроқ макташар ва ҳеч қандай зўрма-зўракиликсиз мен ўзимни машхур одам, деб ҳисобласам бўлаверарди. Бунинг устига мен нафакат жисмонан ёки рухан бирон хасталикка чалинган эдим, балки, аксинча, ҳам жисмонан, ҳам рухан шунақа бақувват эдимки, бунака қувватни тенгқурларим орасида камдан-кам ҳолларда учратганман: жисмонан олганда, мен пичан ўримида мужиклар билан тенгма-тенг ишлай олардим, аклий иш билан эса сурункасига саккиз-ўн соат ишлашим мумкин эди. Ишлаганда ҳам бунака зўрикиш оқибатида, ҳеч қанака азият чекмасдим. Ана шундай ахволда мен шунга келдимки, яшай олмай колдим ва ўлимдан қўркканимдан жонимга бехосдан қаед килиб кўймаслигим учун ўзимга нисбатан баъзи чора-тадбирларни кўриб кўйишга тўғри келди.

Рухий ҳолатим мен учун шундай ифодаланди: аллаким менга карши ёмон бир бемаъни ҳазил қилиб, менга шу ҳаётимни ато этган. Мен ўзимнинг «бирор» кимса томонидан яратилганимни тан олмас эдим. Шунга қарамай, бу дунёда мени барпо эта туриб, аллаким устимдан ёмон бир бемаъни ҳазил килган деган тасаввур мен учун энг табиий тасаввур шакли эди.

Беихтиёр равиша мenda шундай тасаввур пайдо бўларди: юкорида – аллақаерда кимдир бор. У менинг оз эмас-кўп эмас, 30–40 йил умр кечирганимни, бу йиллар мобайнида ўқиб ўсганимни, жисмонан ва рухан бақувват тортганимни, энди эса аклий бутунлай балогатга етганда, мен ҳаётнинг энг баланд чўккисига етиб келганимни, бу чўккидан бутун ҳаётни кафтдагидек кўриб турганимни ва шу ахволда шу чўкки устида ҳаётда ҳеч нарса йўклигини, ҳеч нарса бўлмаганини ва бўлиши ҳам мумкин эмаслигини аник-ти-

ник англаганимча овсарларча қакқайиб турганимни қўриб устимдан роса мазах килиб қуляпти. «У яна қулади-я...»

Аммо менинг устимдан қулаётган бу аллаким борми ё йўқми – бунинг менга фарки йўқ. Мен на бутун хаётимга, на ундаги бирон хатти-харакатимга акл бовар қиладиган ҳеч канака маъно беролмадим. Мен факат бир нарсага ҳайрон эдим – қандай килиб хаётимнинг дастлабки фаслларида менинг бунга аклим етмадийкин? Буларнинг бари кўпдан бери ҳаммага маълум эди-ку? Бугун бўлмаса эртага севган одамларим бошига ҳасталиклар ёғилиб келади, ажал ғинна бўғади (баъзиларни олиб ҳам кетди). Ҳасталиклару ажал менинг бошимга ҳам тушади ва улардан кейин қўланса хид билан куртлардан бошка ҳеч нарса колмайди. Нимаики иш килган бўлмай уларнинг ҳаммаси унутилади, эртами-кечми ўзимнинг хотирам ҳам буткул ўчади. Шундок бўлгандан кейин бу сарсону оворагарчиликнинг нима кераги бор? Қандай килиб одамзод буларнинг барини кўрмаслиги ва яшашда давом этавериши мумкин? Ҳаммадан ҳам ҳайрон коладиган жойи шунда. Факат сархуш ҳолатдагина яшасанг бўлади, кайфинг таркаши билан эса, буларнинг ҳаммаси ёлғон, ўта бехуда ва бемаъни ёлғон эканини кўрмасликнинг иложи йўқ. Ҳа, шунака, бу ишнинг ҳеч канака қуладиган жойи йўқ, мазах килишининг ҳам кераги йўқ, бу ўта шафқатсизлик ва бемаънилиқдан бошка нарса эмас.

Кўпдан бери бир сайёх ҳакида Шарқ масалини айтиб юришади. Сайёх дашту биёбонда каҳру ғазабдан тутаккан йирткичга рўпара келибди. Ундан халос бўлиш ниятида сайёх сувсиз қудукка сакрабди. Аммо кўреаки, унинг тубида даҳшатли бир аждаҳо сайёхни ейман, деб оғзини очиб турибди. Шўрлик сайёх нима қилишини билмай аросатда колибди – қудуқдан кайтиб чикай деса, консираган йирткичнинг чангалида ўлади, қудукнинг тубига тушса, аждаҳога ем бўлади. Қудук деворидаги ёриқдан бир бута ўсиб чиккан экан – йўловчи шу бутанинг шохига илиниб, муаллақ осилиб колади. Борган сари унинг билакларидан қувват кетади, ора-

дан кўп ўтмай кисмати тугашини, икки томондан уни кутиб турган хатарнинг бирига рўпара келишини ҳис қиласи, лекин шундок бўлса ҳам, у бутани маҳкам чангллаганича осилиб тураверади. Бир маҳал сайёҳ осилган ҳолида ўгирилиб қараса, бири қора, бири оқ иккита сичкон у осилиб турган бутанинг теварагида баравар уймаланиб, тагидан кемираётган эмиш. Ана, кўп ўтмай, шох ўз-ўзидан қирсиллаб синади-ю, сайёҳ аждахонинг оғзига тушади. Сайёҳ буни кўриб турибди, у биладики, муқаррар ҳалок бўлади. Аммо ҳозирча осилиб туар экан, у теварак-атрофига алантгайди ва шохнинг баргларида бир неча томчи асал кўради. Сўнг бир амаллаб, уни тили билан ялай бошлайди. Мен ҳам худди шу сайёҳга ўхшайман: мен ҳам ҳаёт бутогига зўр-базўр осилиб турибман, биламан мени парча-парча килиб ташлашга тайёр турган ўлим аждахоси кутяпти; нима учун мен бу мислсиз қийноклар чангалига тушиб колганимни ўзим тушумайман. Шундай бўлса-да, мен авваллари менга тасалли берган асални ялашга ҳаракат қиласман, лекин бу асал энди менга ортиқ ҳузур баҳш этмайди, оқ сичкон билан қора сичкон, яъни тун билан кун мен ушлаб олган шохни кемиргандан кемиряпти. Мен аждахони аниқ-равшан кўриб турибман ва энди асал менга ширин туюлмаяпти. Кўзим факат бир нарсани – муқаррар аждахонию сичконларни кўряпти, холос. Ва мен улардан нигоҳимни айириб ололмаяпман. Бу эса масал эмас, бу чинакам, ҳеч қандай шубҳа түғдирмайдиган ва ҳаммага аён бўлган ҳақиқатдир.

Авваллари ёлғон ҳаёт қувончлари аждаходан тараладиган даҳшатни босиб турарди, энди бу мени ортиқ алдай олмайди. Менга «сен ҳаётнинг маъносини тушуна олмайсан, бу ҳақда ҳадеб ўйлайверма, яшайвер» деб ҳар қанча уқтиришмасин, мен буни қилолмайман, чунки авваллари буни анча узок муддат давомида қилганман. Эндиликда қаршимда югуриб кетаётган ва мени ўлим сари элтаётган кун билан тунни кўрмаслигимнинг иложи йўқ. Мен факат шуни кўраман, негаки факат шугина ҳақиқатдир. Қолганларнинг ҳаммаси – ёлғон!

Менинг кўзларимни шафқатсиз ҳакиқатдан бошка нарсалардан кўра узокрок вакт мобайнода тўсиб турган анави икки томчи асал эса, яъни оиласа муҳаббат ва мен санъат деб атаган ёзувчиликка иштиёқ, мен учун ортиқ ширасини йўкотди.

«Оила...» – дердим мен ўз-ўзимга, лекин оила дегани – хотин, фарзандлар... улар ҳам одам. Мен кандай шароитда яшасам, улар ҳам шундай шароитда ҳаёт кечиради; улар ҳам ё ёлғонга ботиб яшамоклари керак ёки даҳшатли ҳакиқатни кўрмоклари зарур. Улар нима учун яшамоклари керак? Нима учун мен уларни севмоғим керак? Уларни авайлаб, уларга ғамхўрлик килиб, ўстириб нима қиламан? Улар ҳам менга ўхшаш тушкунлик ўтларида қоврилсинми ё ҳамокат учунми? Уларни яхши кўрадиган бўлсан, мен улардан ҳакиқатни яшира олмайман – билиш бобида қўйилган ҳар бир қадам шу ҳакиқатга олиб боради. Ҳакиқат эса – ўлим!

«Санъат, поэзия?..» Одамларнинг мактоби таъсирида мен узок вакт давомида ўз-ўзимни ишонтириб келдимки, бу ишни бажарса бўлади. Ҳа, қай бир сонияда ўлим келади, у ҳамма нарсани – мени ҳам, ишимни ҳам, улар ҳакидаги хотирани ҳам маҳв этади, аммо шунга қарамай, барибир, у ишни бажариш керак. Бироқ кўп ўтмай кўрдимки, бу ҳам ёлғон экан. Менга шу нарса аён эдики, санъат ҳаётнинг безагидир, китобхонни авраб, ҳаёт қўйнига чорлайди. Аммо ҳаёт мен учун ўзининг жозибасини йўқотиб бўлган, шундай бўлгач, мен қандай қилиб бошқаларни аврашим мумкин? Мен ҳали ўз ҳаётим билан яшай бошламаган кезларда, бегона ҳаёт тўлкинларида сузиб борар эканман, ҳали мен ифодалашни билмасам-да, «ҳаётда маъно бор» деб ишониб юрган пайтларимда ҳар хил тусдаги ҳаётнинг шеъриятда ва санъатда акс этиши менга хузур бахш этар эди, мен санъат кўзгусидаги ҳаётни томоша килиб завқланар эдим, аммо ҳаётнинг маъносини кидира бошлаганимдан кейин, яшамогим зарурлигини хис кила

бошлагандан сўнг, бу кўзгу мен учун ё ортиқча, кераксиз ва кулгили буюмга айланди ёки менга азоб бера бошлади. Кўзгуда кўрган нарсаларим, унда акс этган ахволимнинг бемаънилиги ва тушкунлиги менга ортиқ тасалли бермай кўйди. Қалбимнинг ич-ичида менинг хаётимда маъно бор деб ишонган пайтимда мен бажонидил бу кўзгудаги нарсаларни кўриб хурсанд бўлардим. У кезларда ана шу нур ва соянинг ўйини – хаётдаги кулгили, фожиона, таъсири, гўзал, даҳшатли нарсаларнинг ҳаммаси менга бир эрмакдай эди. Аммо хаёт бемаъни ва даҳшатли нарса эканини билганимдан сўнг кўзгудаги ўйин мени ортиқ машғул килмай кўйди. Менинг таянчимни кемираётган сичконлар билан аждаҳони кўрганимдан кейин асалнинг тоти мен учун сира ҳам totли бўлмай колди.

Аммо бу ҳали ҳаммаси эмас эди. Агар мен хаётнинг маъноси йўқ эканини шунчаки тушуниб кўя қолганимда, буни билиб хотиржам бўлиб кўя қолишим, «ха, энди кисматим шу экан-да» деб кўниб кўя қолишим мумкин эди. Аммо мен шунинг ўзи билан хотиржамланиб кўя колмас эдим. Агар мен бир ўрмонда истикомат килсану шу ўрмондан чиқиб кетадиган йўл йўқ эканини билсан, яшайверишм мумкин эди. Бироқ мен ўрмонда адашиб қолган бир кимса эдим. У адашганини билиб, янада таҳликага тушади, ҳар томонга бош уриб, йўлни топиб олгиси келади, ҳар бир қадами уни янада ҷалғитаётганини яхши билади, бироқ шунга қарамай, ўзини ҳар ёнга уришдан тўхтата олмайди.

Ана шуниси даҳшатли эди. Бу даҳшатдан ҳалос бўлмок учун мен ўзимни ўзим ўлдирмоқчи бўлдим. Мен бошимига тушажак даҳшатни ўйлаб, бенихоя даҳшатга тушдим, бу даҳшат юз берадиган ҳолатдан кўра даҳшатлироқ эканини билардим. Аммо бу даҳшатни кўнглимдан қувиб чиқаришга ва унинг поёнини бардош билан кутишга мажолим йўқ эди. Зулмат даҳшати ҳаддан ташқари катта эди ва мен тезроқ, имкони борича тезроқ ўқ билан ёки сиртмок ёрдамида ундан ҳалос бўлишни истар эдим. Худди ана шу туйгу

мени ўз жонимга қасд қилишга ҳамма нарсадан кучлирок ундаdi.

«Йўғ-э, эхтимол, мен бирон нарсани кўздан қочирган-дирман ёки бирон нарсани англай олмагандирман? – дердим мен қайта-кайта ўз-ўзимга. – Ана шу тутқунлик ҳолати одамларни доимо чулғаб олган бўлиши сира ҳам мумкин эмас-ку?» Шу важдан мен мени қийнаган саволларга одамлар жамғарган билимларнинг ҳамма соҳаларидан жавоб излай бошладим. Излашларим изтироблар ичидан узоқ давом этди, мен шунчаки бекорчи қизиқишимни қондириш учун бўшашибгина излаганим йўқ, балки ҳалок бўлиб бораётган одам нажот излаганидай, туну кун, тиш-тирноғим билан тиришиб, не-не азобларга дош бериб изладим, лекин ҳеч нарса тополмадим.

Мен ҳамма илмлардан жавоб изладим ва жавоб топа олмадимгина эмас, балки амин бўлдимки, менга ўхшаб илмдан жавоб излаган бошка одамлар ҳам ҳеч нарса тополмаган эканлар. Тополмагангина эмас, балки очик-ойдин шуни эътироф қилишганки, мени тушқунликка олиб келган ўша нарса, яъни ҳаётнинг маъносизлиги инсон эришиши мумкин бўлган бирдан-бир холосадир.

Мен ҳамма жойда изладим. Менинг олимлар дунёси билан алокаларим жуда яхши эди. Шунинг учун хилма-хил илм соҳаларидағи олимлар билан сұхбатлар курдим. Улар факат китоблар орқалигина эмас, жонли сұхбатларида ҳам менинг олдимда ўз билимларини яширмай тўкиб солдилар. Шу туфайли ва яна ҳаётнинг ўзи туфайли мен ҳаёт саволига илм нима, деб жавоб бершини батафеил билиб олдим.

Бироқ илм ҳаёт саволига берган жавобидан бошка ҳеч нарса деб жавоб беролмас экан. Мен бунга анча вактгача сира ишонмай юрдим. Илм оханглари жуда сипо ва ўта жиддий, унинг кўпгина конун-коидаларининг инсон ҳаётига дахли йўқ – илм уларни тасдиқлаш билан овора. Мен буларни кўриб, анча вактгача «илм соҳасига тишим ўтмаяпти, ҳеч нарса тушунмаяпман» деб юрдим. Менга шундай ту-

юлардики, мен топган жавоблар саволларимга мос келмаётган экан, бунда илмнинг ҳеч қандай айби йўқ, ҳамма гап ўзимнинг нодонлигимда, илмсизлигимда. Аммо бу иш мен учун шунчаки эрмак ёхуд бекорчиликдан шугулланаётган иш эмас эди, балки ҳаёт-мамот масаласи эди. Шунинг учун хоҳласам-хоҳламасам шундай эътиқодга келдимки, менинг саволларим ҳар қандай илмнинг негизини ташкил қилувчи бирдан-бир саволлардир, шунинг учун бу саволларни қўйган бўлсам, бунинг учун мен айбдор эмас, балки уларга жавоб беролмаган илм айбдор, чунки илм шу саволларга жавоб бераман, деб даъво килади.

Эллик ёшимда мени ўз-ўзимга суикасд килишга ундан-ган савол оддий гўдакдан тортиб, донишманд қариягача ҳар бир одамнинг қалбидан ўрин олган энг оддий савол эди. Лекин бу саволга жавоб топмаса, яшаб бўлмайди, буни мен ўз ҳаётимда синаб кўрдим. Бу савол қуидагича туур: «Мен бугун килаётган ишдан қандай самара чикади? Эртага кила-диган ишимдан-чи? Менинг жамики ҳаётимдан нима маъно чикади?»

Бошқача килиб ифодаласа, савол бундай бўлади: «Мен яшаб нима киласман? Бирон нарсани исташимдан нима маъно? Бирор иш килмоғимнинг нима кераги бор?» Яна бошқачарок саволни бундай ифодаласа бўлади: «Ўлим ҳак, мен, албатта, бу дунёдан ўтаман. Менинг яшашимда шундай маъно бормики, менинг ўлимим уни маҳв эта олмаса?»

Ҳар хил тарзда ифодаланган, аслида бир хил бўлган ана шу саволга мен инсон тўплаган турли билимлардан жавоб изладим. Окибатда шундай тўхтамга келдимки, шу саволга нисбатан олганда бутун инсониятнинг билими икки бир-бирига зид ярим доираларга ажралар экан. Бу ярим доира-ларнинг ниҳояларида бир-бирига зид икки қутб бўлар экан. Уларнинг бири манфий, иккинчиси мусбат; аммо на у қутбда, на бу қутбда ҳаёт масаласига жавоб йўқ.

Бир қатор илмлар бу саволни тан олишмайдиган кўри-нади, лекин улар ўзлари мустакил қўйган саволларга жуда

аник ва равшан жавоб беришади. Булар тажрибага асосланган илмлар, уларнинг энг чекка нуктасида математика турди. Иккинчи катор илмлар саволни тан олишади, лекин унга жавоб беришмайди. Уларнинг энг чекка нуктасида метафизика турди.

Илк ёшлигимдан бошлабок мен илми аклияга кизикиб келганман, кейинчалик эса математик илмлар хам, табиий фанлар хам эътиборимни тортди. Мен ўз саволимни олдимга аник-равшан килиб қўндаланг қўймагунимча, бу саволнинг ўзи ич-ичимда пишиб ўтмагунча ва қатъият билан ҳал килинишини талаб килмагунча, мен бу илмлар ўша саволга берган сохта жавоблар билан каноатланиб келдим.

Тажриба соҳасида мен ўз-ўзимга дердим: «Ҳамма нарса ривожланади, таркибий кисмларга ажралади, мураккаблашиш ва мукаммаллашиш сари боради. Бу харакатни белгилаб турувчи конунлар бор. Сен – бутуннинг бир кисмисан. Имкони борича бутунни билсанг, ривожланиш конунини билсанг, шу билан сен шу бутунликдаги ўз ўрнингни хам билган бўласан». Мен учун ҳар канча хижолатли бўлса хам тан олмогим керакки, бир замонлар мен шу жавобдан қаноат ҳосил килган эдим. Бу ўша ўзим мураккаблашиб, мукаммаллашиб бораётган кезларимда рўй берган эди. Мускулларим чиникиб пишиб борар, хотирам бойир, фикрлаш кобилиятим ва идроким ортиб борарди. Мен ўсиб-улғаймоқда эдим ва бутун вужудимда шу ўсиш-улғайишни хис килиб турадим. Табиийки, мен «ўз-ўзидан бутун дунёнинг конуни айни шунинг ўзи бўлса керак ва ҳаётим саволларига жавобни хам шундан топсам керак» деб ўйлагандим. Аммо вакти соати келиб мен ўсишдан тўхтадим, энди ортиқ ўсмаётганимни, қурукшаб бораётганимни хис килдим, мускулларим заифлаша бошлади, тишларим тўкила бошлади – шунда кўрдимки, бояги конун менга ҳеч балони тушунтириб беролмас экан. Қолаверса, ҳеч қачон бунақа конуннинг ўзи бўлмаган экан ва бўлиши хам мумкин эмас экан, ҳаётимнинг муайян бир даврида ўзимда топган нарсани мен

конун деб юрган эканман. Энди мен конунни белгилашга янада талабчанрок ёндоша бошладим. Шунда менга аён бўлдики, интихосиз ривожланиш конунларининг бўлиши мумкин эмас экан; яна шу нарса аён бўлдики, интихосиз маконда ва замонда ҳамма нарса ривожланади, таркибий кисмларга ажралади, мураккаблашади, мукаммаллашади, дейиш ҳеч нарса демаслик билан баробар экан. Буларнинг ҳаммаси маъносиз сўзлар, негаки интихосиз нарсада на мураккаблик, на соддалик, на орқаси, на олди, на яхши, на ёмони бор.

Энг муҳими эса – менинг шахсий саволим, яъни «ҳоҳишу истакларим билан бирга мен ўзим нимаман?» деган савол ҳали ҳам мутлако жавобсиз қолмоқда эди. Шунда англайдимки, бу илмлар жуда кизикарли ва жозибали, аммо бу илмларнинг аниклиги ва равшанлиги уларнинг ҳаёт саволларига татбик килинишига тескари мутаносибdir: улар ҳаёт масалаларига канча кам татбик килинсалар, шунча аникрок ва равшанрок бўладилар. ҳаёт масалаларини ҳал килишга канча кўпроқ ҳаракат килсалар, шунча мукаммалроқ ва жозибасизроқ бўла борадилар. Агар бу илм соҳаларининг ҳаёт масалаларини ҳал қилишга уринганларига, яъни физиология, психология, биология, социология кабиларга мурожаат килсанг, бунда кишини лол колдирадиган фикрий қашшокликни, уччиға чиққан мужмалликни, ҳал қилиб бўлмайдиган масалаларни ҳал қиласман деган беҳуда дағдағаларни кўрасан. Бунда бир мутафаккир бошкаси билан узлуксиз кирпичок бўлиб ётади, ҳатто бир мутафаккирнинг ўзида, фикрларида чигал зиддиятлар учрайди. Агар борди-ю, ҳаёт масалаларини ҳал қилиш билан шуғулланмайдиган илм соҳаларига мурожаат қилсанг, улар ўзларининг илмий, махсус саволларига берган жавобларини кўриб, инсон тафаккурининг кудратига лол қоласан, лекин олдиндан биласанки, уларда ҳаёт масалаларига жавоб йўқ. Бу илмлар тўғридан-тўғри ҳаёт саволларини четлаб ўтишади. Улар дейди: «Сенинг ким эканинг ва нимага яшаётганинг тўғрисидаги саволга биз-

да жавоб йўқ. Ва, умуман, биз бу билан шуғулланмаймиз. Аммо борди-ю, сен ёргулик қонунларини, кимёвий бирикмалар қонунларини, организмлар ривожининг қонунларини билмоқчи бўлсанг, мабодо сен жисемлар, уларнинг шаклларининг қонунларини, сонлар ва катталиклар нисбатини билмокни ихтиёр этсанг ёхуд ўз аклинг қонунларини билишга зарурият туғилса, буларнинг ҳаммасига бизда аниқ, равшан ва шубҳа тұғдирмайдиган жавоблар бор».

Умуман, тажрибага асосланган илмларнинг ҳаёт саволига муносабатини бундай ифодаласа бўлади. Савол: «Мен нима учун яшаяпман?» Жавоб: «Чексиз катта фазода чексиз узок вакт давомида чексиз кичкина зарралар чексиз мураккабликда турларини ўзгартирадилар. Агар сен ана шу турлар ўзгаришининг қонунини англасанг, нима учун яшаётганингни ҳам англаб оласан».

Илми аклияга тааллукли илмлар соҳасида ўзимга ўзим шундай дердим: «Бутун инсоният маънавий ибтидолар, уларга раҳнамолик килювчи идеаллар асосида яшайди ва риҷовжланади. Бу идеаллар динларда, фанларда, санъатларда, давлатчилик шаклларида ўз ифодасини топади. Бу идеаллар юксалгандан юксала боради ва инсоният энг олий неъматлар сари боради. Мен инсониятнинг бир бўлагиман, шунинг учун ҳам менинг вазифам инсоният идеалларини англаш ва амалга оширишга кўмаклашишдир». Мен аклим кодир вактларимда шу гапларга каноат килган эдим, аммо кўнглимда ҳаёт саводи аник-тиник холда кўндаланг бўлиши билан бу назария бир зумда бошдан-оёқ кунпаяқун бўлди. Аввало шуни айтиш керакки, бунга ўхшаш илмларда муайян ғирромлик бор – улар инсониятнинг кичик бир кисмини ўрганиш оқибатида чикарган холосаларини умумий холосалар ўрнида тақдим этадилар. Бундан ташкари бундай карашларнинг турфа хил тарафдорлари ўртасида «инсоният идеаллари нимадан иборат», деган масала устида бир-бирига зид фикрлар мавжуд. Аммо энг бемаъниси демайлигу, энг ғалатиси шундаки, бу назарияга қўра ҳар бир одам қаршисида кўнда-

ланг бўлувчи «Мен нимаман?» ёхуд «Мен нима учун яшайман?» ёки «Мен нима қилмоғим керак?» деган саволларга жавоб беришдан аввал инсон битта масалага жавоб бермоғи лозим. Бу масала қуйидагича турур: «Бутун бир инсоният бор. Унинг нима экани менга маълум эмас. Мен унинг бир заррасиман, бинобарин, шу зарранинг кисқагина бир муддат мобайнидаги хаётини биламан. Шунга карамай, мен «бутун инсониятнинг хаёти нимадир? деган масалани хал килиб беришим керак». Бинобарин, одамзод ўзининг нима эканини англамоқ учун унинг ўзи каби хали ўзлигини англақ етмаган айрим-айрим одамлардан ташкил топувчи сирли имкониятнинг нима эканини англақ олмоғи зарур.

Эътироф этмоғим керакки, мен бунга ишонган чоғларим бўлган. У чоғларда мени ўзимнинг севимли идеалларим бор эди, бу идеаллар менинг инжикликларимни оклар эди. Ўшанда мен бир назарияни яратиш иштиёқида эдим. Бу назарияга асосланиб, мен ўз инжикликларимга инсоният конуни сифатида карамоғим мумкин бўларди. Аммо менинг кўнглимда ҳаёт саволи бутун равшанлиги билан кўндаланг бўлгани ҳамон, бу жавоб ҳам коқигулдай тўзиб кетди. Шунда англадимки, худди тажрибага асосланган илмларда ҳақиқий илмлар билан бир каторда ўзларига тегишли бўлмаган саволларга жавоб беришга уринадиган чала илмлар бўлгани каби, бу соҳада ҳам ўзларига тегишли бўлмаган масалаларга жавоб беришга ҳаракат қиласиган бир катор илмлар бўлиб, улар анча кенг тарқалган экан. Бу соҳанинг чала илмлари – хуқуқшунослик, ижтимоий илмлар, тарихшунослик – айрим инсон масалаларини хал килишга киришганида у қолиб кетиб, хар қайсиси ўзига хос тарзда бутун инсоният ҳаётининг масалаларини хал қилишга киришиб кетадилар.

Аммо тажрибага асосланган илмлар соҳасида «қандай яшамоғим керак?» деб чин юракдан сўрайдиган одам «Чексиз маконда чексиз замонда чексиз мураккаблик билан содир бўладиган чексиз зарралар ўзгаришини ўрган, шунда сен ўз ҳаётингни англайсан», деган жавобга каноат ҳосил

киполмайди. Худди шунга ўхшаш самимий одам «биз инсониятнинг на ибтидосини, на интихосини биламиз, биз унинг кичик бир кисмини ҳам била олмаймиз. Лекин сен ана шу инсониятни яхлит олиб, унинг нималигини англа. Шунда ўзингнинг кимлигингнинг англаб оласан», деган жавобга ҳам қаноат қила олмайди. Худди тажрибага асосланган чала илмларда бўлгани каби бу чала илмлар ҳам ўз вазифаларидан нечоғли ҷалғиб кетсалар, улардаги мужмалликлар, ҷалқашликлар, бемаъниликлар ва зиддиятлар шунчалик кўпайиб бораверади. Тажрибага асосланган илмнинг вазифаси моддий ҳодисалар ўртасидаги сабабий изчиликни ўрганишdir. Аммо бу илм ҳодисалар орасидаги энг сўнгги сабабият масаласини қўйиши билан бемаъни бир ҳол юзага келади. Илми аклиянинг вазифаси ҳаётнинг бе-сабабий моҳиятини идрок этишdir. Унда ҳам ҳодисаларни ижтимоий, тарихий деб ажратиб олиб, улар орасидаги сабабий алоказаларни тадқиқ қилишга киришиш билан бемаъни бир вазият юзага келади.

Тажрибага асосланган илм ўз тадқиқоти доирасига энг пировард сабабни киритмаган тақдирдагина ижобий самара беради ва инсон ақлиининг улуғворлигини намойиш этади ва аксинча, илми аклия сабабий алоказаларнинг мунтазамлиги ҳакидаги масаладан мутлақо юз ўгириб, инсонни пировард сабабга нисбатан олиб тадқиқ қилгандагина ҳакиқий фан бўлади ва инсон ақлиининг улуғворлигини намойиш этади. Бу соҳадаги илм, яъни ярим доиранинг қутбини ташкил ки-лувчи метафизика ёхуд илми аклия – фалсафа ана шунака. Бу илм битта масалани аниқ-равшан қўяди: «Мен ва бутун дунё нима? Мен нима учун яшаемману дунё нима учун мавжуд?» Бу илм вужудга келганидан бери бу саволга бир хил жавоб бериб келади. Файласуф мендаги ва жамики мавжуд нарсадаги ҳаётнинг моҳиятини гоя дейдими, субстанция деб атайдими ёки рух, ирова деб белгилайдими, барибир, битта гапни айтади: «Бу моҳият мавжуд ва мен ўша моҳиятни ташкил киласман». Бирок у аниқ мутафаккир бўла-

диган бўлса, бу моҳиятнинг нима учун кераклигини билмайди ва бу саволга жавоб бермайди. Мен сўрайман: «Бу моҳиятнинг борлиги нимадан? Бу моҳият мавжуд бўлса ва келгусида ҳам бўлса, бундан нима келиб чиқади?» Фалсафа нафакат бу саволга жавоб бермайди, балки ўзи ҳам кўшилишиб сўрайди. Агар у чинакамига фалсафа бўладиган бўлса, унинг бутун иши шундан иборат бўлмоғи керакки, у шу масалани аниқ-тиник кўймоғи керак. Агар у ўз вазифасига қаттиқ риоя қиласидиган бўлса, «мен нимаман ва бутун дунё нима?» деган саволга «ҳамма нарса ва ҳеч нарса» деб, «дунё нечун мавжуд ва мен нимага яшайпман?» деган саволга «билмайман» деб жавоб беришдан ўзга иложи бўлмас эди. Шундай килиб, фалсафанинг илми аклия борасидаги жавобларини ҳарчанд айлантириб кўрмайлик, мен улардан жавобга ўхшаган ҳеч нарса тополмайман. Бунинг сабаби нима бўлсайкин? Албатта, тажрибага асосланган фанлардаги каби жавоб саволимга таатлуқли бўлмай колганидан бўлмаса керак. Йўқ, бу ўринда ҳамма аклий фаолият менинг саволимга жавоб топишга қаратилган, лекин шунда ҳам жавоб берилмади. Негаки, жавобнинг ўзи йўқ. Шунинг учун жавобнинг ўрнига яна ўша саволнинг ўзи кўндаланг бўла-веради. Факат ҳар гал янги, мураккаблашган шаклда...

## VI

Ҳаёт саволига жавоб излар эканман, мен худди ўрмонда адашиб қолган одамда кечадиган туйгуни кечирдим.

Юра-юра ўрмон четидаги ялангликка чиқдим. Бир дарахт тепасига чикиб, олис-олислардаги худудеиз маконни кўрдим, аммо унда биронта ҳам иморат йўқ ва бўлиши ҳам мумкин эмас эди. Қайтиб ўрмон қаърига кирдим, у ерда зулмат хукмрон эди, бу ерда ҳам биронта иморат йўқ эди.

Шу ахволда инсон билимлари ўрмонида тентираб юрдим. Бир томонимда математик билимлар ва тажрибага асосланган билимлар ёғдуси. Улар менинг кўз ўнгимда равшан уфкларни намоён этди, бироқ улар шундай уфклар

эдики, уни мўлжаллаб бориб, биронта ҳам иморатга йўлика олмасдинг, чунки иморатнинг ўзи йўқ эди. Иккинчи томонимда илми аклияга мансуб илмлар зулмати. Мен бу зулмат қаърига кириб борганим сари зулмат қуюқлашгандан қуюқлаша борарди. Нихоят, ишонч ҳосил килдимки, қутулишнинг иложи йўқ ва бўлиши ҳам мумкин эмас.

Билимларнинг нурли томонларига маҳлиё бўлиб юриб, англардимки, мен саволдан ўзимни олиб кочяпман, холос. Менинг нигоҳим қархисида намоён бўлган уфклар ҳар канча равshan, ҳар қанча жозибадор бўлмасин, бу интиҳосиз илмлар қўйнига шўнғимок ҳар қанча марокли бўлмасин, мен энди яхши англардимки, улар, яъни бу билимлар менга қанча камрок керак бўлса, менинг саволимга жавоб беришдан қанча узоқ бўлса, шунчалик равшанрок эдилар.

«Ҳа, илм-фан шу қадар матонат билан нималарни билишни исташи энди менга маълум», – дердим ўз-ўзимга. Аммо бу йўлда менинг ҳаётим маъноси ҳакидаги саволга жавоб йўқ. Илми аклия соҳасида эса билардимки, илмнинг мақсади тўғридан-тўғри менинг саволимга жавоб беришга қаратилган бўлишига қарамай, балки айни шу қаратилгани туфайли бўлса ҳам ажаб эмас, мен ўз-ўзимга берган жавобдан бошқа жавоб йўқ эди: «Менинг ҳаётимнинг қандай маъноси бор?» – «Ҳеч қандай» ёки: «Менинг ҳаётимдан нима чиқади?» – «Ҳеч нарса». Ёки: «Ҳамма мавжуд нарса нима учун мавжуд ва мен нима учун мавжудман?» – «Мавжудлигинг учун мавжудсан». Инсоният илмининг бир томонини сўрекка тутиб, мен сўрамаган нарсаларим ҳакида бехисоб микдорда аниқ жавоблар олдим. Улар юлдузларнинг кимёвий таркиби, қўёшнинг Геркулес юлдузлари туркуми сари ҳаракати, инсон ва унинг турларининг келиб чиқиши, чексиз кичик атомларнинг шакллари, эфирнинг чексиз кичкина вазнсиз зарраларининг тебраниши ҳакидаги жавоблар эди. Аммо «менинг ҳаётимнинг маъноси нимада?» деган саволимга билимларнинг бу соҳаси берадиган жавоб бир хил эди: «Сен – менинг ҳаётим деб атаётган нарсанинг айнан ўзисан,

сен – зарраларнинг мувакқат тасодифий қўшилувисан. Бу зарраларнинг бир-бирига таъсири, ўзгариши сен «менинг ҳаётим» деб атайдиган нарсани барпо этади. Бу қўшилув бир неча муддат амал килиб турди, кейин бу зарраларнинг ўзаро алоқаси тўхтайди – шунда сен «ҳаётим» деб атайдиган нарса ҳам тўхтайди. Ана унда сенинг саволларинг ҳам тўхтайди. Сен – тасодифан қорилиб қолган бир тутам алланимасан. Бу бир тутам алланима чирийди. Шу алланиманинг чиришини сен «ўзимнинг ҳаётим» деб атайсан. Алланима шаталоқ отиб югуриб кетади – шу билан чириш ҳам тугайди, ҳамма саволлар ҳам тўхтайди». Илмларнинг аниқ томони шунака жавоб беради. Агарда у ўз асосларига катъий амал килиш ниятида бўлса, бошка гап айта олмайди ҳам.

Бунақа жавобдан маълум бўладики, жавоб саволга жавоб бермас экан. Мен ҳаётимнинг маъносини билмоғим керак, «сенинг ҳаётинг чексиз бир нарсанинг заррасидир» деган гап нафакат ҳаётимга маъно баҳш этмайди, балки бўлиши мумкин бўлган ҳар қандай маънони маҳв этади.

Тажрибага асосланган аниқ илмларнинг бу томони акли илмия билан ғира-шира тил бириктириб, «ҳаётнинг маъноси тараққий этишда ва бу тараққий этишга кўмаклашувда» дер экан, бу гапни ҳам ўзининг мужмаллиги ва хирагигига кўра жавоб категорида хисоблаб бўлмайди.

Билимларнинг бошка томони, яъни илми аклия ўз асосларига катъий амал килиб, бу саволга бевосита жавоб берар экан, ҳамма асрларда ва ҳамма жойда факат битта жавобни айтиб келган ва ҳозир ҳам шуни айтади: «Дунё чексиз ва англаб бўлмайдиган бир нарса. Инсон ҳаёти ана шу англаб бўлмайдиган нарсанинг англаб бўлмас бир бўлаги». Мен яна илми аклия билан тажрибага асосланган илмларнинг тил бириктириши оқибатида пайдо бўладиган хукукшунослик, сиёsatшунослик, тарихшунослик деганга ўхшаш чала илмларнинг кераксиз, ортиқча юкини истисно қиласман. Бу илмларга ҳам яна мутлако хато килган холда тараққиёт мумкаммаллашув тушунчаларини олиб кирадилар! Факат фарки

шундаки, аниқ фанларда ҳамма нарсанинг тараккиёти хақида гапириларди, бу ерда эса гап одамлар ҳаётининг ривожи ҳақида кетади. Аммо хар икковидаги хато бир хил: чексиз нарсанинг тараккиёти, мукаммаллашуви на мақсадга, на йўналишга эга бўйлмайди ва менинг саволимга нисбатан ҳеч нарса деб жавоб беролмайди. Илми ақлияга хос илмлар чинакам фалсафага ўхшаб, аниқ иш юритадиган бўлса факат мавжуд ҳодисаларни янги фалсафий катакларга жойлаб, уларни янги номлар билан аташга хизмат қилувчи ўша Шопенгауэр айтган профессорона фалсафа бўлмаса, философ энг муҳим масалани назаридан кочирмаса, унинг берадиган жавоби ҳамиша битта бўлади. Бу жавоб Сукрот, Шопенгауэр, Сулаймон пайғамбар, Будда томонидан берилган жавобдир.

«Биз ҳаётдан қай даражада узоклашсак, факат шу дараҷада ҳақиқатга яқинлашиб борамиз, – деган экан Сукрот ўлимга тайёргарлик кўраётганида. – Ҳақиқатни севгучи бизлар ҳаётда нимага интиламиз? Танимиздан мосуво бўлишига ва тан ҳаётидан келиб чикувчи жамики ёвузликдан халос бўлишга интиламиз. Шундоқ экан, ажал эшигимизни қоқиб келганда, биз нечук хурсанд бўлмайлик?»

«Донишманд одам бутун умри давомида ўлимни излайди, шунинг учун ўлим унга кўркинчли эмас».

«Дунёнинг ички моҳиятини ирода деб англааб, – дейди Шопенгауэр, – ва бу ирода табиат кўр кучларининг онгсиз интилишларидан бошлаб инсоннинг онг тўла фаолиятигача ҳамма ҳодисаларда моддий тарзда намоён бўлишини эътироф этган билан биз бир натижани мутлақо четлаб ўтолмаймиз: иродани эркин инкор этиш билан бирга, унинг ўз-ўзини маҳв этиш билан бирга ҳамма ҳодисалар ғойиб бўлади, моддийликнинг ҳамма босқичларидаги доимий интилишлар ҳамда бемақсад ва беистироҳат рўй берадиган майллар (холбуки, бутун олам шу интилишлар ва майлларда ҳамда улар орқали воқе бўлади) йўқ бўлади, хилма-хил мунтазам шакллари йўқолади, шакллар билан бирга унинг ҳамма ҳодисалари ўзининг умумий шакллари билан бирга, макони ва замони

билан бирга ғойиб бўлади ва ниҳоят, унинг энг сўнгги асосий шакли – субъект ва объект ҳам йўқ бўлади. Ирода бўлмаса, тасаввур ҳам йўқ, дунё ҳам йўқ. Бизнинг каршимизда, албатта, ёлғиз ҳеч нарса қолади. Аммо ана шу ҳечликка ўтишга тўскинлик қиладиган нарса бизнинг табиатимиздир. Табиатимиз эса яашага иштиёқимиздан, иродамиздан ўзга нарса эмас. Бизнинг дунёмиз каби ўзимиз ҳам таркибан ана шу иродадан иборатмиз. Биз ҳечликдан қўркиб даҳшатга тушилизми ёхуд айни шундок яашни истаймизми – бунинг факат битта маъноси бор: бизнинг ўзимиз турган-битганимиз ана шу яашаш иштиёқидан иборатмиз, ундан ўзга нарса эмасмиз ва ундан бошка ҳеч нарсани билмаймиз. Шунинг учун ўзимиз иродага тўла бўлсак, биз учун ирода мутлако маҳв этилгандан кейин нима қолади? Ҳеч нарса. Бирок, аксинча ҳам шунақа – агар кимлардадир ирода ўзгариб колган бўлса ва ўз-ўзидан юз ўғирган бўлса, улар учун бизнинг воеий дунёмиз жамики қуёшлари ва жамики сомон йўллари билан бирга ҳеч нарсадан ўзга эмас».

«Ҳамма нарса беҳудадир, – дейди Сулаймон пайғамбар, – беҳудадан-беҳуда, нимаики бўлса, бари беҳуда! Одамзод қуёш нурлари остида терга пишиб меҳнат қиласди. Бундан унга нима наф? Авлодлар кетади, авлодлар келади, ер эса мангу қолади. Нима бўлган бўлса, ўша бўлади, нима рўй берган бўлса, ўша рўй беради. Бу ёруғ дунёда ҳеч қанақа янги нарса йўқ. Баъзан бирон нарса тилга тушади – «қара, бу янгилик» дейишади. Аммо бу биздан аввал неча асрлар мукаддам рўй берган бўлади. Ўтганларни хотирада сакламаймиз, аммо бундан кейин бўладиган нарсалар ҳам биздан кейин бўладиганларнинг хотирасида сакланиб қолмайди. Мен – Еклезиаст, Кудлуси шарифда Истроил устидан подшо эдим. Кўнглимда бир хоҳиш уйғониб, ер юзида рўй бераётган воеаларнинг ҳаммасини тадкиқ этмоқчи ва акл тарозусидан ўтказмокчи бўлдим. Бани одамга Худо шу оғир машғулотни раво кўради. Бу ёруғ дунёда бўлаётган ишларнинг ҳаммасини кўрдим. Кўрдим – бари беҳуда, бе-

корга жонни қийнамант... Юракдан чикариб ўзимга дедим: мана, сен олий мартабага эришдинг, мендан аввал Қуддуси шарифда мавжуд бўлган жамики доноликдан ортикроқ доноликка эришдинг. Менинг қалбим ҳам кўп доноликлар кўрди, кўп билимларга ошно бўлди. Шунда мен бутун қудратимни доноликни англашга, фаросатсизлик билан аҳмокликни англашга баҳш этдим. Аммо билдимки, буларнинг бари жонга жабр экан. Сабабки, донолик кўп жойда ғусса кўп бўлар экан: билими кўп одамнинг боши қайгудан чик мас экан.

Шунда мен ўзимга дедим: «Қани, сени бир хуррамлик синовидан ўтказай, яхшилиқдан лаззатланай». Аммо бу ҳам беҳуда экан. Кулги ҳакида «бу бемаънилик» дедим, хуррамлик тўғрисида эса «у нима киляпти?» дедим. Кейин ичичимдан чикариб, танамни шароб билан лаззатлантироқчи бўлдим. Яна шуни ихтиёр этдимки, кўнглим доноликни раҳнамо деб билгани ҳолда, ўзим ҳамоқатнинг нималигини ҳам билмай, токи бани одам учун нима яхши эканини ўз кўзим билан кўрай, улар бу ёруғ дунёда кечирадиган киска-гина умрларида нима ишларни килмоқлари кераклигини билай. Мен катта ишларни амалга оширдим: ўзимга иморатлар курдим, токзорлар барпо этдим. Ўзимга боғлар яратдим ва у ерда ҳар хил мевали дараҳтлар ўтқаздим, боғ-роғларни, у ерда ўсаётган дараҳтларни суғориш учун ҳовузлар қазидирдим, ўзимга мулоғимлар ва канизлар олдим, бола-чақаларим ҳам серобгина эди, мендан аввал Қуддуси шарифда ўтганларнинг ҳаммасиникидан кўра мен тўплаган йирик ва майдада чорва кўпроқ эди: ҳар хил подшолардан ва вилоятлардан ўзим учун кумушу олтин ҳамда бошка қимматбаҳо тошлар йиғдим; саройимга хонандаю ракқосаларни тўпладим, бани одамга завқ-шавқ ато килувчи ҳар хил мусиқа асблорини келтирдим. Шунда мен Қуддуси шарифда мендан аввал ўтганларнинг ҳаммасидан ҳам улуғроқ ва бадавлатроқ бўлиб қолдим. Донолигимга ҳам ҳамма тан берган эди. Кўзим нимани кўрса, мен қайтармай ҳаммасини харид қилар, кўнглим

қанака эрмакни тусаса, мен ҳеч қайсисини рад этмас эдим. Нихоят, мен ўз қўлларим билан қилган ҳамма ишларимга, пешона тери тўкиб қилган меҳнатимга назар ташладим. Ва кўрдимки, буларнинг бари бехуда ва бари жонга жабр. Бу ёруғ дунёда улардан наф йўқ. Мен орқамга ўгирилиб, доноликка ҳам, фаросатсизликка ҳам, ахмоқликка ҳам назар ташладим. Лекин билдимки, барининг кисмати бир экан. Шунда ич-ичимдан чиқариб ўзимга дедим: «Ахир, тентак одамнинг кисмати менинг ҳам бошимга тушар экан, нима учун мен жуда ҳам доно бўлиб юрибман?» Шунда ич-ичимдан ўзимга айтдим: «Бу ҳам бехуда». Негаки, ахмоқ одамни хотирада сақламаганларидек, доно одамни ҳам мангув ёдда тутмайдилар, келажак кунларда уларнинг ҳаммаси унут бўлади ва надоматлар бўлсинки, доно одам ҳам ахмоқ билан баробар дунёдан ўтади! Шунда мен хаётни ёмон кўриб кетдим, чунки ёруғ дунёда қилинадиган ишлар кўзимга ёмон кўриниб кетди, чунки ҳаммаси бехуда ва жонга жабр эди. Ёруғ дунёда қилган жамики меҳнатим кўзимга ёмон кўриниб кетди, чунки мен уни ўзимдан кейин келадиган одамга колдирмоғим керак. Чунки одамзод бу ёруғ дунёда меҳнат килиб, бу меҳнатидан, чеккан ташвишларидан нима қўради? Негаки, унинг ҳамма куни қайғули, ҳамма меҳнати – ташвиш. Ҳатто, кечалари ҳам унинг юраги тиним билмайди. Бу ҳам – бехуда. Еб-ичмақдай неъмат ҳам, меҳнатдан сўнг роҳату фарогат билан жонини яйратиш ҳам одамнинг ўз хукмида эмас.

Ҳамма нарсанинг ва ҳамманинг кисмати бир. Батавфикс одамнинг ҳам, бетавфикнинг ҳам, яхши-ёмоннинг ҳам, по-киза ва ифлоснинг ҳам, курбонлик қилган ва қилмаганнинг ҳам, серсаҳоват ва гуноҳкорнинг ҳам, касам ичувчи ва қасамхўрнинг ҳам кисмати битта. Ёруғ дунёдаги ҳамма ишларда кисматнинг битта экани ёмон, шу туфайли бани одамнинг юраги ёмонликка тўла, уларнинг юрагидан ақл кочган, ҳаётларидан ҳам ақл кетган. Шундан кейин улар ўтганлар сағидан ўрин олади. Тириклар орасида қолганлар ҳали нималардандир умидвор бўлса бўлади, негаки, ўлиқ арслон бўл-

гандан кўра тирик кучук бўлган яхши. Тириклар вақт-соати етиб, казо топишларини биладилар, ўликлар эса ҳеч нарсани билмайдилар, улар ортиқ иноят ҳам кўрмайдилар, негаки, уларнинг хотираси ҳам унут бўлган, уларнинг мухаббати ҳам, уларнинг нафрати ҳам, уларнинг рашки ҳам ғойиб бўлиб бўлган, бу ёруғ дунёда энди улар ҳеч нарса билан ша-рафланмайдилар».

Сулаймон пайғамбар шундай дейди. Ёхуд шу сўзларни ёзган одам шундай дейди.

Энди хинд донишмандлари нима дейишини эшитинг: «Ёш баҳтиёр шахзода Сакна-Мунига хасталиклар, кариллик, ўлим бегона эди. Кунлардан бирида у сайлга боради ва тишлилари тўкилиб кетган, сўлаклари оқиб ётган, мункиллаган бир чолни кўради. Шу пайтгача кариликни кўрмаган шахзода аравакашдан бунинг нималигини, нима сабабдан бу одам шу кадар аянчли ва хунук ахволга тушганини сўрайди. Бундай қисмат ҳамма одамларнинг бошида бор эканини, ёш шахзода ҳам вақт-соати келиб, албатта, шу ахволга тушажагини эшитиб, шахзода сайлга боргиси келмай қолади ва бу гапларнинг ҳаммасини ўйлаб кўрмок учун оркага кайтишни буюради. Уйга етиб боргач, ичкарига беркиниб олиб, ўйлашни бошлайди. Бир неча муддат ўтгач, шахзода бир нарсадан таскин топади. У яна шоду хуррам ва баҳтиёр кайфиятда сайлга йўл олади. Бу гал унга бемор рўпара келади. Унинг кўз ўнгидаги ўлгудай толиккан, кўкариб кетган, кўзларидан нур кетган, дағ-дағ қалтирок босган бечораҳол бир одам гавдаланади. Шу пайтгача хасталик нима эканини билмаган шахзода тўхтаб, нима гап эканини сўрайди. Шунда бу хасталик эканини, ҳамма одамлар хасталикка учраши мумкинлигини, унинг ўзи, соглом ва баҳтиёр юрган шахзода ҳам, эҳтимол, эртага шунака бемор бўлиб колиши мумкинлигини эшитиб, кайфи бузилади, кайфичноғлик қилишга хуши қолмайди ва уйга кайтишни буюради. У уйида яна ўзича бирор таскин излайди ва уни топади, шекилли. Чунки у яна бир марта сайру томошага отланади. Аммо учинчи марта ҳам йўлда бир во-

кеага йўлиқади – одамлар нимадир кўтариб кетишаётганини кўради. «Нима бу?». «Бандаликни бажо келтирган одам». «Бандаликни бажо келтириш канака бўлади?» – деб сўрайди шахзода. «Бандаликни бажо келтириш шу одамга ўхшаб жон таслим қилиш бўлади», – деб жавоб беришади. Шахзода тобутнинг олдига боради, пардани кўтариб майитнинг юзига қарайди. «Бу одам энди нима бўлади?» – деб сўрайди шахзода. «Уни ерга кўмадилар», – деб жавоб беришади шахзодага. «Нега?». «Негаки, энди у ҳеч қачон бошка тирилмайди, у чириб-ирийди, кейин тупрокка айланади». «Ҳамма одамларнинг ҳам қисмати шунаками? Мен ҳам шу кўйга тушаманми? Мени ҳам кўмишадими? Мен ҳам ириб-чириб, қуртларга ем бўламанми?». «Ҳа». «Орқага қайт! Мен сайрга бормайман. Бундан кейин ҳеч қачон ҳеч қанака сайрга бормайман».

Шундай қилиб, Сакна-Муни ҳаётдан таскин топа олмади ва «ҳаётнинг турган-битгани улуғ бир ёвузликдир» деган тўхтамга келиб, бутун қалб қучини ундан халос бўлишга ва бошқаларни ундан халос этишга сарфлади. «Халос этганда ҳам шундай қилмок керакки, одамнинг вафотидан кейин ҳаёт бир амаллаб қайта тикланмасин, уни бутунлай, таг-туги билан тубдан маҳв этиш керак». Ҳинд донишмандлари шундай дейди.

Инсоният донолари ҳаёт саволларига берган бевосита жавоблар бундай туур:

«Жисмнинг ҳаёти ёвузликдан ва ёлғондан иборат. Шуннинг учун ҳам бу жисм ҳаётини маҳв этиш неъматдир, биз шу неъматни тиламогимиз даркор», – дейди Сукрот.

«Ҳаёт шунака нарсаки, унинг боридан йўғи яхшиrok бўларди. Ҳаёт – ёвузлик, ёвузликдан ҳечликка кўчиш ҳаётдаги бирдан-бир неъматдир», – дейди Шопенгауэр.

«Дунёдаги ҳамма нарса – ҳамоқат ҳам, донолик ҳам, бойлик ҳам, қашшоқлик ҳам, шод-хуррамлик ва қайғу-алам ҳам, ҳаммаси беҳуда ва арзимас нарсалардир. Инсон ўлади ва ундан ҳеч нарса қолмайди. Бу бемаънилиқдир», – дейди Сулаймон пайғамбар.

«Азоб-уқубатлар, заифлашиш, қариш ва ўлим муқаррар эканини англаб туриб яшаб бўлмайди, одам ўзини ҳаётдан халос этмоғи, ҳар қандай яшаш имконидан маҳрум этмоғи керак», – дейди Будда.

Ана шу катта акл эгалари айтган нарсаларни уларга ўхшаган миллион-миллион одамлар ҳам айтган, ўйлаган, ҳис этган. Мен ҳам шундай ўйлайман ва шундай ҳис киласман.

Шундай килиб, менинг билимлар ўрмонида довдираб юришим нафакат мени тушкунлик ботқогидан халос эта олди, аксинча, уни янада чукурлаштириди. Бир соҳадаги билимлар ҳаёт саволларига жавоб бермади, бошка соҳадаги билимлар эса жавоб берди-ю, бу жавоби билан тўғридан-тўғри менинг тушкунлигимни тасдиқлади. Бу жавоб яна шуни кўрсатдики, мен чикарган хулоса адашишларимнинг ҳосиласи эмас, хаста тафаккуримнинг маҳсули эмас, аксинча, у менинг ўйларим тўғри бўлганини тасдиқлади. Менинг ўйларим инсониятнинг энг бақувват акл эгаларининг хулосаларига тўғри келди.

Ўзини лақиллатишнинг ҳожати йўқ. Ҳаммаси – бехуда. Туғилмаган одам бахтиёр, ўлим ҳаётдан яхши; шунинг учун ҳаётдан халос бўлмоқ керак.

## VII

Саволимга илмлар бобида тузукроқ жавоб тополмагач, мен уни ҳаётдан излай бошладим. Мен бу жавобни теварагимни куршаган одамлар ҳаётидан топмоққа умид қилдим. Шунинг учун худди ўзимга ўхшаган одамлар ҳаётини кузата бошладим, менинг теварагимдаги одамлар қандай яшаётганини, мени қийноққа солган саволларга муносабати қанака эканини ўрганишга киришдим.

Шунда маълумот даражаси ва яшаш тарзига кўра мен билан бир хил мавқеда бўлган одамлардан топганим шу бўлди: шуни топдимки, менинг доирамга мансуб одамлар учун ҳаммамиз тушиб қолган даҳшатли ахволдан кутулишнинг тўрт йўли бор экан.

Бу боши берк кўчадан чикишнинг биринчи чораси билмаслик экан. Унинг маъноси шундан иборатки, хаёт ёвуз нарса эканини ва яшашнинг маъносизлигини билмаслик, англамаслик керак. Бу тоифа одамлар – айникса, аёлларнинг кўпчилиги, ё ҳали жуда ёш одамлар ёхуд ўта бефаросат кишилар – Шопенгауэр, Сулаймон пайғамбар, Будда қаршисида кўндаланг бўлган хаёт масаласини ҳали тушуниб етмайдилар. Улар на пастда кутиб ётган аждаҳони, на улар ёпишиб олган шохни кемираётган сичконларни кўришади, улар фақат асал ялаш билан овора. Аммо уларнинг асал ялашлари фурсати келиб тўхтайди, бирор кимса уларнинг эътиборини аждаҳо билан сичконларга қаратади-ю, шу билан уларнинг асал ялаши тўхтайди. Мен бу одамлардан ҳеч нарса ўргана олмайман. Билган нарсангни билмай қолишнинг иложи йўқ-да...

Иккинчи чора – эпикурона чора. Унинг маъноси шундан иборатки, хаётдан умидвор бўлмокнинг имкони йўклигини билагуриб, ҳозирча мавжуд неъматларнинг ҳаммасидан истифода этилади, на аждаҳога, на сичконларга қаралади, асални эса тўйиб-тўйиб ялайверилади, айникса, шоҳдаги асал мўл бўлса... Сулаймон пайғамбар бу чорани бундай ифодалайди:

«Ва мен шоду хуррамликни алқадим, негаки ёруғ дунёда одам фарзанди учун еб-ичиш ва шоду хуррамлик килишдан кўра яхшироқ нарса йўқ: бу ёруғ дунёда Худо унга ато килган умрнинг кунлари меҳнат билан ўтадиган бўлгач, у еб-ичмоғи ва хуррам бўлмоғи жоиз.

Шундай қилиб, бор, шоду хуррамлик билан ионингни е ва шоду хуррамлик билан шаробингни ич... Бехуда кетадиган ҳаётингнинг ҳамма кунларида, жамики бехуда кунларингда яхши кўрган аёлинг билан турмуш лаззатларини тот... Негаки, буларнинг ҳаммаси сенинг ҳаётдаги қисматинг, ёруғ дунёдаги меҳнатинг эвазига оладиган улушинг... Куч-кувватига қараб кўлинг нима ишни бажаришга қодир бўлса, ҳаммасини бажар, чунки сенинг сўнгги манзилингда – гўрда на иш бор, на мулоҳаза, на билим бор, на донолик».

Менинг доирамга мансуб одамларнинг кўпчилиги ана шу иккинчи йўлни маъқул кўрадилар. Улар яшайдиган шароит шунақаки, бу шароит уларни қуршаган ноз-неъматларни мўл-кўл килиб кўйган, улар ёмонликка камрок рўпара келадилар. Бунинг натижасида уларнинг виждони кўр бўлиб колган. Бу эса уларнинг фаровон шароити тасодиф эканини унутишга имкон беради. Улар ўйламайдиларки, ҳамма ҳам Сулаймон пайғамбарга ўхшаб 1000 хотинга ва 1000 қасрга эга бўлавермайди, ҳар бир 1000 хотинлик одамга 1000 та хотинсиз эркак тўғри келади ва ҳар битта қасрга пешонасининг тери билан бу қасрни кураётган 1000 та одам тўғри келади. Бир тасодиф билан бугун мен Сулаймон бўлиб колган бўлсан, шу тасодифнинг ўзи эртага мени Сулаймоннинг қулига айлантириб қўяди. Бу одамларнинг хаёлоти ҳам шу кадар саёз ва чекланганки, улар Буддага тинчлик бермаган нарсаларни унутиб юборишга имкон беради. Хасталиклар, карилик ва ўлим мукаррар эканини улар эсларига келтирмайдилар. Ҳолбуки, хасталик, карилик, ўлим келади-ю, ҳамма ҳузур-ҳаловат чиппакка чикади. Бу одамларнинг баъзи бирлари фикрлари ва хаёлотларининг ночорлигини фалсафа деб хисоблайдилар ва уни позитив фалсафа деб атайдилар. Аммо менинг назаримда, бу уларни саволни кўрмай асал ялаб ётганлар тоифасидан ажратиб олишга имкон бермайди. Мен бу одамларга тақлид қила олмасдим: улардаги хаёлотнинг ночорлиги менда йўқ эди ва мен уни ўзимда сунъий равишда бор килолмасдим. Мен ҳар кандай тирик одам каби бир марта кўзим тушгандан кейин сичконлар билан аждаходан кўзимни узолмасдим.

Учинчи чора – куч ва қувват чорасидир. У шундан иборатки, хаёт ёвуз нарса эканини ва унинг маъносизлигини англагач, хаётни маҳв этадилар. Камдан-кам одамлар бу ишни қиласидилар – улар бақувват ва изчил одамлар бўлади. Унинг устидан қилинган ҳазил накадар бемаъни эканини англаб ва ўлим неъмати тириклик неъматидан нечоғли афзал эканини ва ундан кўра яшамай кўя колган маъқул

эканини англаб, жонларига қасд килишади-ю, бу бемаъни майнавозчиликка чек қўйиша қолади. Суикасд воситалари ҳам анконинг уруғи эмас – бўйинга согани сиртмоқ, сув, юракка санчгани пичоқ, темир йўлларда поездлар... Бизнинг даврамизга мансуб кишилар ўртасида бу йўлга қадам қўяётганлари борган сари кўпайиб бормоқда. Бундай қиласидаги одамларнинг кўпчилиги ҳаётнинг авжи юксак пайтида, маънавий кучлари гуллаб-яшина турган кезларда, инсон тафаккурини таҳкирловчи одатлар ҳали табиатига сингишиб улгурмай, жонларига қасд қиласидар. Мен бу чоранинг энг муносиб чора эканини кўрдим ва ўзим ҳам шундай килмоқчи бўлдим.

Тўртинчи чора ожизлик чорасидир. У шундан иборатки, ҳаётнинг ёвуз нарса эканини ва маъносизлигини англаб, одам яшашидан ҳеч нарса чиқмаслигини олдиндан билса-да, яшашда давом этаверади. Бу тоифа одамлар ўлим ҳаётдан афзалрок эканини билишади, аммо оқилона иш килишга, яъни тезрок ёлғонга хотима қўйиб, ўзларини ўлдиришга кучлари етмаганидан, гўё бирор нарсани кутаётгандек юраверадилар. Ожизлик чораси ана шудир, негаки, агар мен яхширок чорани билсам ва уни амалга ошириш ўзимнинг ҳукмимда бўлса, нега энди шу яхширок чорани килмаслигим керак?.. Мен шу тоифага мансуб эдим.

Шундай қилиб, менинг тоифамдаги одамлар бу даҳшатли зиддиятдан ана шу тўрт чора билан халос бўладилар. Мен аклимини ишга солиб, ҳар канча ўйлаб кўрмай, ана шу тўртта чорадан бошқасини тополмадим. Биринчи чора – ҳаёт маъносиз эканини, ёвуз ва беҳуда нарса эканини, ундан кўра яшамай қўя қолган маъқул эканини англамаслик. Мен буни билмаслигим мумкин эмас эди ва уни билганимдан кейин эса ундан кўз юммоғимнинг иложи йўқ эди. Иккинчи чора – ҳаёт қандай бўлса, шундайлигича қабул қилиб, келажакни ўйламай ундан истифода этиш. Мен буни ҳам килолмасдим. Мен қарилик, изтироб, ўлим борлигини билиб туриб, Сакна-Мунига ўхшаб овга боролмасдим. Мен

нинг хаёлотим ҳаддан зиёд кучли эди. Бундан ташқари, мен менинг ҳиссамга бир лаҳзалик хузур-ҳаловат ато этадиган бир дақиқалик тасодифдан ҳам мамнун бўлолмасдим. Учинчи чора – ҳаёт ёвуз ва маъносиз нарса эканини англаб, ўз жонига қасд қилмоқдир. Мен буни англаб етгандим, лекин нима учундир ҳадеганда ўзимга қўл қўтаролмай келяпман. Тўртингчি чора – Сулаймон пайғамбар ва Шопенгауэр ҳолатида яшаш, яъни ҳаёт менга нисбатан қилинган бир бемаъни, таҳқири ҳазил эканини билиб туриб, яшашда давом этишдир. Ҳеч нарса бўлмагандай яшайверасан, ҳар куни бет-кўлингни юvasан, кийимларингни киясан, тушлик қиласан, гап сотасан ва ҳатто, китоблар ёзасан. Бу мен учун турган-битгани азоб-уқубат эди, ўз-ўзимдан ижирганар эдим, лекин шу ахволда қолишда давом этардим.

Эндиликда бир нарсани кўриб турибман – агар мен ўзими ни ўзим ўлдирмаган бўлсам, бунинг сабаби шундаки, юритган мuloҳазаларимда алланечук адолатсизлик бор эканини гира-шира ҳис қиласдим. Ҳаётнинг маъносизлигини тан олишга олиб келган мuloҳазаларимнинг ва донолар мuloҳазаларининг мантиғи ҳар қанча ишончли ва шубҳасиз туюлмасин, менда ўз мuloҳазаларимнинг ибтидоси чинлигига аллақандай шубҳа сакланиб қолган эди.

Бу шубҳа қуйидагича эди: мен ўз аклим билан ҳаётнинг бемаъни эканини эътироф этдим. Агар олий тафаккур бўлмаса (бундай тафаккур йўқ ва ҳеч нарса унинг борлигини исбот қилиб беролмайди), унда оддий тафаккур мен учун ҳаётнинг ижодкоридир. Агар менинг тафаккурим бўлмаса, мен учун ҳаёт ҳам бўлмас эди. Аммо тафаккурнинг ўзи, ақлнинг ўзи ҳаётнинг ижодкори бўлса, у қандай қилиб, нечук ҳаётни инкор этади. Ёки бошқа томондан олиб кўрайлик: агар ҳаёт бўлмаса эди, менинг тафаккурим, ақлим ҳам бўлмас эди. Бинобарин, акл – ҳаётнинг фарзанди экан-да! Ҳаёт – ҳамма нарса. Акл ҳаётнинг самараси ва шу акл ҳаётнинг ўзини инкор этади. Шу ўринда нимадир жойида эмаслигини, алланечук хатолик борлигини ҳис қиласдим. «Ҳаёт маъносиз ёвуз-

ликдир, бунга шак-шубха йўқ», – дердим мен ўзимга-ўзим. Аммо мен яшаб келдим, яшаяпман, бутун инсоният яшаб келди ва яшамоқда. Нечук шундай? Яшамай қўя қолса ҳам бўлаверадиган бир ҳолда у нима учун яшайди?

Нима бало, биз Шопенгауэр билан иккимиз шу қадар до-номизки, ҳаётнинг маъносизлигини ва ёвуз нарса эканини фактат икковимиз тушундикми?

Ҳаётнинг ўткинчилиги, беҳудалиги ҳақидаги муроҳазалар унчалик мураккаб эмас, энг оддий одамлар ҳам қўпдан бери шундай муроҳаза юритишади ва яшашда давом этишади. Қандок бўлди? Улар яшашда давом этавериб, ҳаётнинг аклга мувофиқлигига шубха қилишни ҳеч качон хаёлларига келтирмайдими?

Доноларнинг донолари томонидан маъкулланган ме-нинг билимим туфайли кашф қилдимки, бу дунёда ҳамма нарса – органик дунё ҳам, ноорганик дунё ҳам ҳаддан ташқари оқилона тартибга эга, фактат биргина менинг ахво-лим бемаъни, холос. Бу тентаклар эса, яъни оддий одамларнинг қўпчилиги оламда органик ва ноорганик дунё қандай тартибланганидан бутунлай бехабар, лекин шундай яшашадики, гўё уларга ҳаётлари ҳаддан ташқари аklga мувофиқ тартиблангандай туюлади.

Шунда бирдан миямга бир фикр келди – балки мен бирон нарсадан бехабардирман? Ҳали билиб улгурмаган бирон синоат бордир? Ахир билимсиз одам ҳам шундай қилади-ку? Билимсизлик ҳамма вакт шундай дейди-ку? Агар у бирон нарсани билмаса, билмаган нарсасини bemaya ni, aҳмоқона нарса деб атайди. Бундан келиб чикадики, инсониятни яхлит оладиган бўлсак, у ўз ҳаётнинг маъносини англаб етгандай шу пайтгача яшаб келди ва яшамоқда, агар уни англамаганида, тушуниб етмаганида инсоният яшай олмасди, мен бўлсам, бу ҳаётни бошдан-оёқ маъносиз деяпман ва яшай олмайман, деб нола чекяпман.

Ҳаётни инкор этишга Шопенгауэр икковимизга ҳеч ким халакит бермайди. Ундай бўладиган бўлса, ўзингни ўл-

дир-күй, мuloхаза юритмайсан. Яшашда давом этиб, ҳаётнинг маъносини тушуна олмас экансан, ҳадеб типирчилашни бас қил, ҳаётни англай олмаяпман, деб гап сотишларни, нола чекишлиарни бас қил. Бирор кувнок даврага тушиб қолсанг, кўрасанки, ҳамма шоду хуррам, ҳамма нима килаётганини яхши билади, сенга эса ёкмайди, зерикасан, сикиласан. Ўрнингдан тур-да, кет. Ахир чиндан ҳам, кимлармиз биз ўзимиз? Ўз-ўзимизни ўлдиришимиз зарур эканига амин бўлсак-да, уни амалга оширишга қурбимиз етмаса? Энг ожиз, энг бетайин одамлар эмасмизми? Бошқача айтганда, девона тўрвасини ҳаммага пешкаш қилганидай тентаклигимизни ҳаммага кўз-кўз килувчи уччига чиқкан бемаъни одамлар эмасмизми?

Ахир, донолигимиз ҳар канчалик чин бўлмасин, биз шу донолигимиз ёрдамида ҳаётимизнинг маъносини била олмадик-ку? Ҳар холда яшаб келаётган инсоният – миллионлаб одамлар ҳаётнинг маъносига шубха килмайди.

Ҳақиқатан ҳам, мен озми-кўпми бирор жиҳатини биладиган ҳаёт пайдо бўлган қадим-қадим замонлардан бери одамлар ҳаётнинг бехудалиги, ўткинчилиги ҳакидаги мuloхазадан хабардор холда яшаб келяпти. Бу мuloхаза менга ҳаётнинг маъносизлигини кўрсатди, ҳолбуки одамлар унда қай бир маъно бор деб биладилар. Одамлар бирон-бир тарзда ҳаёт кечира бошлаган замонлардан бери улар ҳаётнинг маъносидан вокиф бўлганлар ва шу вокифлик билан бизнинг кунларимизгача яшаб келдилар. Менда ва менинг теварагимда нимаики мавжуд бўлса, буларнинг бари уларнинг ҳаётни билиши са-марасидир. Мен бу ҳаётни мухокама килишда ва коралашда муайян фикр қуролларидан фойдаланаман. Бу қуролларнинг барини мен эмас, улар яратган. Мен ўзим ҳам улар туфайли туғилдим, ўсим-улғайдим, балоғатга етдим. Улар ер қаъридан темир қазиб чиқаришди, ўрмон кесишни ўрганишди, сингирларни қўлга ўргатишди, отларни ўргатишди, экин экишини ўрганишди, биргалиқда яшашни ўрганишди, ҳаётимизни тартибга солишди, мени ўйлашга, гапиришга ўргатишди.

Мен бўлсам, улар барпо этган боғнинг меваси бўла туриб, уларнинг тузини еб, сувини ичиб улгайиб, улардан ўрганиб, уларнинг фикрлари ва сўзлари билан фикр қилиб, уларга хаёллари маъносиз нарса эканини исботламоқчи бўлиб юрибман! «Бунда алланечук хато бор, – дейман ўз-ўзимга. – Нимададир адашяпман». Аммо бу хато нимада эканини, нимада адашаётганимни сира топа олмасдим.

## VIII

Бу шубҳаларимнинг барини мен ҳозирга келибгина бир-бирига боғлаб, маъноликкина қилиб айтиб беряпман. У пайтларда бундай гапириб беролмасдим. У пайтларда ҳаётнинг беҳудалиги ҳақидаги холосаларим мантиқан ҳар қанча муқаррар кўринмасин, энг буюк мутафаккирларнинг мулоҳазалари билан тасдиқланмасин, уларнинг кай бир жиҳатлари менга анча носоздай кўриниарди. Бу носозлик мулоҳазаларнинг ўзидами ёхуд масаланинг қўйилишидами – буни билмасдим, фактат ҳис қилардимки, унинг мантиқий ишонтириш кучи бениҳоя мукаммал, фактат бу кифоя эмас. Бу далилларнинг ҳаммаси мени инонтириб, ҳаракат қилишга мажбур этолмади, яъни мен мулоҳазаларимдан келиб чиқадиган ишни бажармадим – ўзимни ўзим ўлдирмадим. Агар бу ерда мен аклимин ишга солиб, мантиқий мулоҳазалар йўли билан шу холосага келдим ва ўзимни ўзим ўлдирмадим десам ёлғон гапирган бўлар эдим. Тафаккурим ишлаб турганди, лекин у билан бирга яна бошқа нимадир ишлаб турганди. Мен уни фактат биргина йўсунда ҳаёт туйғуси деб атай оламан, холос. Яна шундай бир куч ишлаб турган эдики, бу куч бошқа бир нарсага эмас, балки айни шу нарсага дикқатимни жалб қилишга мажбур этди ва мени ночор тушкунлик ахволидан олиб чиқиб, фикрларимни бутунлай бошқа бир йўналишга солиб юборди. Бу куч мени эътибор беришга мажбур килдики, мен ўзимга ўхшаган юзларча одам билан ҳали жамики инсониятни ташкил қилмаймиз, мен ҳали инсоният ҳаётидан бутунлай бехабарман, уни билмайман.

Менинг теграмни жипс куршаб олган тенгқүрларимга қараб, шундай одамларнигина күрардимки, улар ё масалани тушунмас эдилар, ё масаланы тушунар эдилару, бу тушунғанларини пиёнисталик худудларига күмишга уринишарди; ё масаланы тушуниб, яшашларига чек күйишарди ёки масаланы англаб, ожизликлари сабабидан ноумидлик ва ночорлик күйнида кунларини күришда давом этардилар. Бошқача одамларни күрганим йўқ. Мен унча кўпчиликни ташкил қилмайдиган ўқимишли, бадавлат ва бекорчихўжа одамлар тоифасига мансуб эдим ва ўйлардимки ана шу тоифа бутун инсониятни ташкил килади қолганлар, миллиард-миллиард яшаб ўтганлар ва яшаётганларга эса шунчаки бир гап, улар одам эмас аллақандай жониворлар...

Ҳозирда менга жуда ғалати, ақл бовар қилмайдиган даражада тушуниш қийин бўлиб туюлади – қандай қилиб мен хаёт ҳакида мулоҳаза юритга туриб, теварак-атрофимни ҳар томондан куршаб олган инсониятнинг ҳаётини кўрмай колдим экан? Қандай қилиб мен шу даражада кулгили хато қилдимки, ўзимнинг ҳаётимни, Сулаймон пайғамбар, Шопенгауэрлар ҳаётини чинакам ҳаёт, дуруст ҳаёт деб ўйладим-у, миллиардлаб одамларнинг ҳаётини диккатга арзимайдиган бир нарса деб ҳисобладим. Буларнинг бари бугун менга ҳар канча ғалати туюлмасин, эътироф этишим керак – ўша пайтда шундай ўйланган эдим. Мутакаббирлигим ақлимни кўр қилиб қўйган экан ўшанда. Шу сабабдан биз Сулаймон пайғамбару Шопенгауэр билан бирга масалани жуда тўғри ва чинакамига кўйдик, бошка ҳеч қанака гап бўлгани йўқ, бунга заррача шак-шабҳа бўлиши мумкин эмас, яна шуниси шубҳасизки, анави миллиард-миллиард одамлар ҳали масаланинг бутун моҳиятини тушуниб оладиган даражага етиб борган эмас, деб ўйлабман. Ва бирор марта ўйлаб кўрмабманки, «дунёда яшаб ўтган ва яшаётган миллиард-миллиард одамлар ўз ҳаётларининг маъносини нимада кўрганлар ва ҳозир нимада кўрадилар?»

Мен шу телбалик қучогида анча узоқ яшадим. Бу телбалик сўзда эмас, балки амалда содир бўлди. У бизга, яъни

энг либерал ва ўқимишли одамларга хос. Аммо менда ҳақиқий ишчи халқига нисбатан аллакандай ғалати мухаббат бор – шу мухаббат мени ишчиларни англашга ва улар биз ўйлаганчалик ахмок эмаслигини кўришга мажбур қиласди. Билмадим, шу сабаб бўлдими ёки ўзимни осмондан бошқа нарсага кучим етмаслигига, мен учун энг яхиси шу эканига астойдил ишонганим сабаб бўлдими – билмадим, ҳар ҳолда, мен агар яшамокни истасам ва ҳаётнинг маъносини билмокчи бўлсанм, мен ҳаёт маъносини, аллакачон бу маънони йўкотиб қўйиб, ўзини ўзи ўлдириш қасдида юрганлар орасидан эмас, балки яшаган ва яшашда давом этажган, яшаганда ҳам, ўз емакларида, ҳам ўз ҳаётларининг, ҳам бизнинг ҳаётимизнинг юкини кўтариб бораётган миллиард-миллиард ўтган ва ҳаёт одамлардан излашим кераклигини ҳис килдим. Шунда мен яшаб ўтган ва яшашда давом этажган одамларнинг, олим эмас, бадавлат эмас, оддий одамларнинг ҳаётига ўгирилиб карадим ва бутунлай бошқа бир манзарани кўрдим. Шунда ана шу ўтмишда яшаб ўтган ва ҳозир яшаетган миллиард-миллиард одамлар – жуда оз қисмини истисно қилмагандан – менинг таснифимга тўғри келмаслигини, мен уларни масалани тушунмайдиганлар тоифасига киради, деб ҳисоблай олмаслигимни кўрдим, кўша олмаслигимнинг боиси шунда эдики, уларнинг ўzlари масалани кўйишар ва ҳайрон қоладиган даражада равшанлик билан унга жавоб беришарди. Уларни айш-ишратга муккасидан кетган одамлар деб ҳам эътироф эта олмасдим, чунки уларнинг ҳаётида ҳузур-халоватдан кўра муҳтоҷликлар ва азоб-уқубатлар кўпроқ эди; уларнинг маъносиз ҳаётини гайришуурый тарзда бир амаллаб кечириб турган одамлар сирасига ҳам ҳеч кўша олмасдим, чунки улар ҳар қандай ҳаёт ҳодисасини ва ўлим ҳолларини изоҳлаб беришади. Ўз-ўзини ўлдиришни эса энг каттта қабоҳат деб биладилар. Шундай бўлиб чикардики, бутун инсоният ҳаётнинг маъносини билади, лекин мен бу маънони тан олмайман ва ундан нафратланаман. Шундай бўлиб чикардики, оқилона

билим ҳаётнинг маъносини бермайди, ҳаётни истисно эта-ди, миллиардлаб одамлар, бутун инсоният томонидан ҳаёт-га бериладиган маъно эса аллақандай сохта, лаънатланган билимга асосланарди.

Окилона билим олимлар ва донишмандлар шахсиятида ҳаётнинг маъносини инкор этади, миллионлаб одамлар, кенг халк оммаси, бутун инсоният эса ноокилона билимда бу маънени тан олади. Ана шу ноокилона ёхуд ғайришуурый билим иймон бўлиб чикяптики, мен уни назардан сокит килолмайман. Бу Худо, унинг ўғли, Муқаддас Рух, дунёнинг олти кунда яралгани, шайтонлар ва фаришталар ва мен аклдан озгунимга қадар сира қабул килолмайдиган бошка ҳамма нарсалар.

Менинг ахволим жуда ҳам ёмон эди. Мен билардим – мен окилона билим йўлида ҳаётни инкор этишдан бошка ҳеч нарса тополмайман, иймонда эса аклни инкор этишдан бошка ҳеч нарса йўқ. Аклни инкор этиш эса ҳаётни инкор этишдан кўра қийинроқ. Оқилона билимга кўра шундай хулоса чикардики, ҳаёт ёвуз нарса, одамлар буни билади, яшаш-яшамаслик одамларга боғлик, улар эса яшашда давом этишади, мен ҳам гарчи ҳаётнинг маъноси йўклигини ва у ёвуз нарсалигини кўпдан бери билсан-да, яшашда давом этяпман.

Иймонга кўра шундай хулоса чикар эдики, агар мен ҳаётнинг маъносини англамоқчи бўлсан, ўзи маънога мухтоҷ бўлган аклдан бош тортмоғим даркор эди.

## IX

Ғалати зиддият. Ундан кутулишнинг факат икки йўли бор: ё мен аклга мувоғик деб билган, окилона нарса деб ҳисоблаганим мен ўйлаганча окилона эмас ёхуд менга ноаклий бўлиб туюлган, ғайришуурый деб ҳисобланган нарса, менга туюлган даражада ноаклий эмас. Шундан кейин мен окилона билимим мулоҳазаларининг мантиғини текшира бошладим.

Окилона билимим мuloҳазаларининг мантигини текширар эканман, улар менга мутлако тўғри бўлиб кўринди. Ҳаёт хеч нарса экани тўғрисидаги хуласа муқаррар эди, бирок мен шу ўринда бир ҳатони кўрдим. Ҳато шунда эдики, менинг фикрлаш им ўзим қўйган масалага мувофиқ эмас эди. Масала бундай эди: мен яшаб нима қиласман? Яъни менинг ўткинчи, бебаҳо, маҳв этилажак ҳаётимда қандай чин нарса чиқади? Бу чексиз дунёда менинг чекланган ҳаётимдан қандай маъно чиқади? Бу саволларга жавоб бериш максадида мен ҳаётни ўргандим.

Қўйилиши мумкин бўлган ҳаёт масалаларининг барини ҳал қилсан-да, бу мени каноатлантирумаслиги мумкин эди, чунки менинг саволим бошда қанчалик жўн кўринмасин, чекланган нарсани чексиз нарса билан ва аксинча, изоҳлаб бериш талабини ўз ичига олар эди.

Менинг саволим бундай эди: менинг ҳаётимнинг ғайризамоний, ғайрисабабий ва ғайрифазовий қиммати қандай? Бу саволга эса мен бундай жавоб берардим: менинг ҳаётимнинг замоний, сабабий ва фазовий қиммати қанака? Шундай бўлиб чиқдики, хўп аклийни ишлатиб узоқ вакт қийналганимдан кейин мен «ҳеч қанақа» деб жавоб бердим.

Мен мuloҳазаларимда доимий тарзда чекланган нарсасини чекланганга, чексиз нарсани чексиз нарсага тенглаштириб кўярдим. Бошқача қилишга иложим ҳам йўқ эди. Шу сабабдан менинг мuloҳазаларимдан чиқиши керак бўлган хуласалар чиқди, холос. Яъни куч кучдир, жисм жисмдир, ирова иродадир, хечлик хечликдир. Бундан ортиқ бирон нарса чиқиши мумкин эмас эди. Математикада бўладиганга ўхшаш бир воқеа рўй берган эди – унда тенгламани ҳал қиляпман, деб ўйлайсан-у, айниятни ҳал қилган бўлиб чиқасан. Мuloҳазаларинг мантиқан тўғри, лекин жавоб  $A=A$ ,  $X=X$  ёки  $0=0$  бўлиб чиқади. Ҳаётимнинг қиммати масаласига тааллукли мuloҳазаларимнинг натижаси ҳам шундай бўлиб чиқди. Ҳамма илмларнинг бу саволга берадиган жавоби айниятдан иборатдир.

Ҳақиқатан ҳам, қатъий окилона илм шундай илмки, у ҳаёт саволига мен топган жавобдан, яъни мужмал жавобдан

бошқа жавоб берса олмайди. Чунки бундай илм худди Декарт қилгани каби ишни ҳамма нарсага шак келтиришдан бошлайди, шунчаки түгри деб қабул қилинган хар қандай тахминий билимларни улоктириб ташлайди ва ҳамма нарсаны бошидан акл ва тажриба конунлари асосида қайтадан күриб чиқади. Аввал-бошда менга шундай туюлдики, илм мусбат жавоб берди. Бу Шопенгауэр чиқарған холоса эди, яғни хаёт маъносиз нарса, у ёвуз нарса. Лекин масалани таҳлил килиб кўрдимки, жавоб мусбат эмас экан. У менга шундай бўлиб туюлган экан, холос. Аслини олганда эса бу жавоб брахманларда, Сулаймон пайғамбарда, Шопенгауэрда ифодалангандек катъий тарзда ифодаланадиган бўлса, фақат мужмал жавобдир. 0=0 деган айниятдир: менга ҳеч нарса бўлиб кўринган хаёт ҳеч нарсадир. Шундай килиб кўринадики, фалсафий билим ҳеч нарсаны инкор қилмайди, у фақат бу масалани фалсафа ҳал кила билмайди, мабодо ҳал килмоқчи бўлса, жавоби мужмал бўлади, деб жавоб беради.

Буни тушунгач, яна шуни тушундимки, оқилона илмлардан менинг саволимга жавоб излаб бўлмас эди, оқилона илмлар томонидан бериладиган жавоб масала бошқача кўйилган тарздагина, фақат мулоҳазалар доирасига чексиз нарсага чекланган нарсанинг муносабати ҳакидаги масала жалб қилинган тақдирдагина жавоб олиш мумкинлигига ишора бўларди, холос. Мен яна англадимки, дин томонидан бериладиган жавоблар хар қанча ақлга номувофиқ ва хунук бўлмасин, улар бир афзалликка эга: уларда хар бир жавобга чекланган нарсанинг чексиз нарсага муносабати киритилган. Ахир, бусиз жавобнинг бўлиши мумкин эмасда! Мен «қандай яшамогим керак?» деган саволни қўйишим билан «Худонинг қонунларига амал қилиб» деган жавобни оламан. «Менинг ҳаётимдан қанака бир чинакам нарса келиб чиқади?» деган сўроқка «Мангу азоб-уқубат ёки мангу роҳат-фароғат» деган жавоб оламан. «Ҳаётимда ўлим маҳв этолмайдиган қандай маъно бор?» «Ҳакнинг жамолига эришиш, чексиз Худога қўшилиш, жаннат».

Шундай килиб, авваллари оқилюна билимлар менга ягона нарса сифатида туюларди, энди эса мукаррар тарзда шуни эътироф этишга мажбур бўлдимки, хозир ҳаёт кечираётган жамики инсониятда яна бошқа аллақандай билим бор – бу нооқилюна билим – иймон. Шу иймон яшашга имкон беради. Мен хозир ҳам худди аввалгидай иймоннинг бутун нооқилюна хислатини кўриб турардим, лекин мен факат иймонгина инсониятга ҳаёт масалаларига жавоб беришини ва шунинг оқибатида яшашга имкон беришини тан олмаслигим мумкин эмасди.

Оқилюна билим мени ҳаётнинг маъносизлигини тан олишга олиб келди, менинг ҳаётим тўхтаб қолди ва мен ўзимга сунқасд қилиш йўлига тушиб қолдим. Теварак-атрофимдаги одамларга, бутун инсониятга ўғирилиб қараб турдимки, одамлар яшаяпти ва ҳаётнинг маъносини биламиз дейишяпти. Ўзимга ўғирилиб қарадим: мен ҳаёт маъносини билганим даражада яшаган эканман. Бошқа одамларга ўҳшаб менга ҳам ҳаётнинг маъносини ва яшаш имконини иймон берган экан.

Ундан нарига ўғирилиб, бошқа мамлакатларнинг менга замондош ва ўтиб кетган одамларига караб ҳам яна ўша ахволнинг ўзини кўрдим. Қаердаки ҳаёт бўлса, ўша жойда инсоният пайдо бўлгандан бери унга яшаш имконини берадиган иймон бор. Ва иймоннинг асосий белгилари ҳамма жойда ва ҳамиша бир хил.

Ҳар қандай иймон кимга бўлмасин ва қандай бўлмасин жавоб берган бўлса, иймоннинг ҳар қандай жавоби инсоннинг чекланган ҳаётига чекланмаган нарсанинг маъносини бахш этади ва бу маънони азоб-уқубатлар, муҳтожликлар, ўлим маҳв этолмайди. Бинобарин, факат иймондагина ҳаётнинг маъносини ва яшаш имконини топиш мумкин. Шунда англадимки, сўзнинг энг муҳим маъносида олиб карасак, иймон «кўз илғамас буюмларни» ва хоказоларни фош қилишгина эмас, кароматгина эмас (бу иймоннинг сифатларидан бирининг тасвири, холос), инсоннинг Худога муносабатигина эмас (Худо орқали иймонни белгилаш керак эмас, аввал

иймонни белгилаб олиб, сўнгра Худони белгилаш лозим), кўпинча иймонни мана бундай тушун, деб одамга айтилган гапларга қўшилишгина эмас, балки иймон инсон ҳаётининг маъносини билишдир ва шу билими важидан инсон ўз-ўзини маҳв этмайди, балки яшайди. Иймон ҳаётнинг кудратидир. Инсон яшар экан, у бирор нарсага ишонади, иймон келтиради. Агар у «нима учундир яшамок керак» деб бирон нарсага ишонмаса, иймон келтирмаса, унда у яшамас эди. Агар у чекланган нарсани кўрмаса ва унинг хаёлий бир нарса эканини англамаса, у ана шу чекланган нарсага ишонарди; агар у чекланган нарсанинг хаёлий эканини англаша, унда у чексиз нарсага ишонмоғи керак. Иймонсиз яшаб бўлмайди.

Шунда мен ичимдан кечгандарнинг ҳаммасини эслаб, даҳшатга тушдим. Энди менга бир нарса аён эди – инсон яшай олмоғи учун у ё чексиз нарсани кўрмоги керак ёки ҳаёт маъносини шундай тушунмоғи керакки, бунинг натижасида чекланган нарса чексиз нарсага teng деб хисобланмоғи шарт. Менда шундай тушунча бор эди, бироқ мен чекланган нарсага ишонар эканман, унинг менга кераги йўқ эди. Шунда мен уни акл тарозисида текшира бошладим. Акл тарозисига солиб кўришим билан аввалги изоҳларимнинг ҳаммаси тиркираб кетди. Аммо фурсати етиб, мен чекланган нарсага ишонмай қўйдим. Шунда мен оқилона асосларга таяниб, билгандаримдан шундай изоҳ туза бошладимки, бу изоҳ ҳаётнинг маъносини уқтиromoғи керак эди. Аммо ҳеч нарсани тузиб бўлмади. Инсониятнинг энг етуқ мутафаккирлари билан бирга мен  $0 = 0$  деган хulosага келдим ва бунака хulosага келганимни кўриб роса ҳайрон бўлдим. Ҳолбуки, ўшанда бошка ҳеч канака хulosага келиб бўлмас эди.

Тажрибага асосланган билимлардан жавоб излаганимда мен нима қилган эдим? Мен нима учун яшаётганимни билмокчи бўлган эдим ва бунинг учун ўзимдан ташкаридаги ҳамма нарсани ўрганишга тутингандим. Равшанки, мен жуда кўп нарса билмоғим мумкин эди, аммо ўзимга керак ҳеч нарсани билолмас эдим.

Фалсафий билимлардан жавоб излаганимда нима қилган эдим? Менинг ахволимга тушиб қолган, менга ўхшаб «нима учун яшаяпман?» деган саволга жавоб тополмаган одамларнинг фикрларини ўргандим. Равшанки, мен ўзим билган нарсадан, яъни «хеч нарсани билиб бўлмайди» деган хуло-садан бошқа ҳеч нарсани била олмас эдим.

Мен нимаман ўзи? Чексиз нарсанинг бир қисмиман. Масаланинг бутун моҳияти ана шу икки сўзда ифодаланган. Наҳотки факат кечаги қундан бошлабгина инсоният бу масалани ўз олдига кўндаланг қўйган бўлса? Наҳотки, менга қадар ҳеч ким ана шу жўн саволни, ҳар бир аклли болакайни тилининг учида турадиган шу саволни ўзига ўзи бермаган бўлса?

Ахир бу масала одамзод бино бўлган замонлардаёқ қўйилган, одамлар бино бўлган замонларданоқ англашилганки, бу масалани ҳал қилмок учун чекланган нарсани чекланган нарсага ва чексиз нарсани чексизга тенглаштирмок бирдай кифоя эмас ва одамлар бино бўлган замонлардаёқ чекланган нарса билан чексиз нарсанинг муносабатлари топилган ва ифодаланган.

Чекланган нарса чексиз нарсага тенглаштирилган ва бу нинг оқибатида ҳаётнинг маъноси келиб чиқадиган тушунчаларни, Худо, эркинлик, яхшилик тушунчаларини биз мантиқан тадқик қиласиз. Унда бу тушунчалар акл танқидига дош беролмайди. Биласизми, бу нимага ўхшайди? Биз бола каби ҳаддан ташқари ўзимизга-ўзимиз мағрур бўлиб, ўзимиздан-ўзимиз мамнун бўлиб, соатни оламиз-да, бутун ичак-чавогини ағдариб кўрамиз, қўғирчоқдек уни хўб ўйнаймиз, кейин эса соат юрмай қолганидан роса ҳайратга тушамиз. Бу ахвол жуда даҳшатли бўлмаганида ҳаддан зиёд кулгили бўларди.

Чекланган нарса билан чексиз нарса ўртасидаги зиддиятни ҳал килиш ва ҳаёт саволига яшашга имкон берадиган жавобни топиш керак. Бу ечим бор. Бу ечим ҳамма вакт, ҳамма жойда ва ҳамма ҳалкларда бўлган. Бу ечим замонлар қаъридан келиб чиқади, у шу қадар кийин ечимки, биз ўзи-

миз сира ҳам бундай ечимга кела олмаймиз. Ана шу ечимни ўзимиз кунпаяқун қиласыз, бундан мақсад ўша ҳаммага хос ва биз учун жавобсиз саволни яна қўйишдир.

Чексиз Худо тушунчаси, рұхнинг илоҳийлиги, одамзод қилмишларининг Худога боғлиқлиги, яхшилик ва ёмонлик, маънавият тушунчалари инсоният хаётининг кўзларимиздан яширин олисликлари каърида ишлаб чиқилган тушунчалардир. Бу тушунчалариз хаётнинг бўлиши ҳам, менинг ўзимнинг бўлишим ҳам мумкин эмас. Мен бўлсан, бутун инсоният бажарган бу ишни иткитиб ташлаб, ҳаммасини бошқатдан ўз билганимча қилмоқчи бўлиб юрибман.

У пайтларда мен ҳали бунақа деб ўйламас эдим, аммо бу фикрлар миямда уч бера бошлаган эди. Мен, биринчидан, шуни тушунардимки, ҳар қанча донолигимизга қарамай, биз Шопенгауэр ва Сулаймон пайғамбар учовимиз ғоятда бемаъни ахволга тушиб қолганмиз: биз ҳаётнинг ёвуз нарса эканини биламиз, биламиз-у, яшашда давом этаверамиз. Бу учига чиқкан бемаънилик эмасми? Мен жамики оқилона нарсани ҳаддан зиёд яхши кўраман, шундоқ бўлгач, ҳаёт бемаъни бўлса, ҳаётни маҳв этиш керак. Ўшандা уни инкор этадиган одам қолмайди. Иккинчидан, мен шуни тушунардимки, бизнинг ҳамма мулоҳазаларимиз беҳуда айланадиган гилдиракдай боши берк кўча ичида айланиб қолган. Биз ҳар қанча яхши мулоҳаза юритмайлик, масалага жавоб ола олмаймиз, оладиган жавобимиз ҳамиша  $0 = 0$  бўлади, сабабки, биз танлаган йўл, афтидан, хато бўлса керак. Учинчидан, шуни тушуна бошладимки, иймон томонидан бериладиган жавобларда инсониятнинг жуда теран донолиги мавжуд, акл асосида уларни инкор этишга мен ҳақли эмасман. Энг муҳими эса фақат шу жавоблардагина ҳаёт саволларига жавоб мавжуд.

## X

Мен буни тушунардим, лекин бундан ҳеч қанча енгиллик кўрмадим.

Мен энди ҳар қандай иймонни қабул қилишга тайёр эдим, фақат бу иймон мендан ақлни бевосита инкор этиш-

ни талаб қилмаса бўлди. Негаки, бундай килинса, ёлғон бўларди. Шу тарзда мен китоблардан буддизмни ҳам, исломни ҳам ўргандим, ҳаммадан кўра кўпроқ ҳам китоблардан, ҳам атрофимни курсаб олган одамларнинг ҳаётидан христианликни ўргандим.

Табиийки, мен ҳаммадан аввал ўз даврамга мансуб художўй одамларга, олим одамларга, православ диншуносларга, қари монахларга, янги йўналишдаги православ диншуносларга ва ҳатто тавба-тазарру билан гуноҳлардан покла-нишни тарғиб қилувчи янги христиан деб аталмиш тоифада-ги художўйларга мурожаат қилдим.. Мен уларнинг этаклари-дан маҳкам ушлаб олиб, улардан иймонлари канака эканини, ҳаётнинг маъносини нимада кўришларини суриштирдим.

Турли-туман масалаларда уларга имкони борича ён берганимга, ҳар хил баҳсу мунозаралардан ўзимни тийга-нимга қарамасдан мен бу одамларнинг иймонларини қабул килолмас эдим, чунки кўриб турардимки, улар иймон деб атаётган нарса ҳаётнинг маъносини ойдинлаштирадиган эмас, аксинча хиралаштирадиган нарса эди. Уларнинг ўз-лари ҳам иймонларини каттиқ тутган бўлсалар, буни мени иймонга олиб келган ўша ҳаёт саволига жавоб бериш учун эмас, балки аллакандай бошқа, менга бегона максадлар йў-лида килишган эди.

Бу одамлар билан мулоқотга киришганда неча мартараб менинг қалбимда умид чўғлари ялтиллади. Шу умид чўғларидан кейин яна аввалги тушкунлик, иложсизлик холатига кай-тиш мен учун жуда ҳам изтиробли бўлди. Улар менга ўз диний эътиқодларини канча кўпроқ ва батафсилоқ баён қилиб берсалар, мен уларнинг хатоларини шунча равшанроқ кўрар ва уларнинг иймонларида ҳаёт маъносининг изоҳини топа-ман, деган умидларим чиппакка чикаётганини хис килардим.

Менинг хафсаламни пир қилган нарса бу одамларнинг ўз диний эътиқодларини баён қилиб беришаётганида мен учун ҳамиша яқин бўлган христиан ҳакиқатларига жуда ке-раксиз ва ноаклий нарсаларни қўшиб юборгандари бўлмади;

йўқ, хафсаламни пир килган нарса бу эмас; мени бездирган нарса шу бўлдики, бу одамларнинг ҳаёти ҳам худди меникига ўхшаш эди. Факат фарки шундаки, уларнинг ҳаёти ўзлари диний эътиқодларини баён килиб айтган коидаларига мос келмасди. Мен аник хис килдимки, улар ўзларини ўзлари алдаяпти ва улар ҳам ўша мен билган ҳаёт маъносидан бошка маънони билишмайди. Яъни умринг ўтаетган экан, яшайвер, ҳаёт неъматларидан имконинг етганча истифода килавер. Мен буни шунга караб англадимки, агарда улар азоб-уқубатлар, муҳтожликлар ва ўлимдан кўркишни маҳв этадиган маънони билгандаридан, булардан кўркмаган бўлардилар. Ҳолбуки улар, яъни менинг даврамга мансуб бўлган бу художўлар худди менга ўхшаб тўқ ва фаровон турмуш кечиришар, шу фаровонликни кўпайтириш ва саклаб қолиш ғамини ейишар, муҳтожликдан, изтироблардан, ўлимдан кўркишар ҳамда динга ишонмайдиган бизларга ўхшаб энг ярамас нафсларининг гапига кириб ҳаёт кечиришарди. Биз – динга ишонмайдигандардан кўра улар кўпроқ гуноҳ боткоғига ботиб кетишган эди.

Ҳеч қанақа мuloҳазалар мени уларнинг иймони чин эканига ишонтиролмасди. Мени ишонтириши мумкин бўлган биргина нарса бор эди – уларнинг хатти-харакатлари шундан далолат берсаки, ҳаётнинг маъносини билишади; бу билиш эса уларга мен учун кўркинчли бўлган кашшоқлик, изтироб ва ўлимдан тап тортмасликка имкон беради. Бизнинг даврамизга мансуб бўлган бу турфа хил художўлар орасида эса мен бундай хатти-харакатни кўрмадим. Аксинча, бундай хатти-харакатларни мен бизнинг даврамизга мансуб бўлган динга ишонмайдиган одамлар орасида кўрдим, лекин бизнинг даврамизга мансуб художўлар орасида эса зинхор-базинхор кўрмадим.

Шунда мен тушундим – бу одамларнинг иймони мен излаган иймон эмас, уларнинг иймони, умуман, иймон эмас, балки ҳаётдаги ишратбозлик таскинларидан бири, холос. Мен яна англадимки, бу иймон, балки таскинликка ярамас

ҳам, ўлим тўшагида ётиб, жамики гунохлар учун тавба-тазарру килаётган Сулаймон пайғамбарни жиндай хотиржам килишга ярар, лекин у кўпчилик одамлар учун сира ярамайди, чунки бу одамларнинг зиммасида бошқаларнинг меҳнатларидан фойдаланиб, вактичоғлик килиш эмас, ҳаётни барпо этиш вазифаси ётади. Бутун инсоният яшамоги мумкин бўлсин учун, ҳаётга маъно баҳш этиб, яшани давом эттириш мақсадида яшамоги учун, улар – ана шу миллиардлар бошқа, чинакам иймонни билмоклари керак бўлади. Ахир, иймоннинг мавжудлигига мени ишонтирган нарса – Сулаймон пайғамбар билан Шопенгауэр учовимизнинг ўзимизни ўзимиз ўлдирмаганимиз бўлгани йўқ, балки миллиардлаб одамларнинг ҳаёт кечириб келгани ва ҳамон яшаётгани, мен билан Сулаймон пайғамбарларни ўз ҳаёт тўлкинларида кўтариб келганлари бўлди.

Шунда мен қашшоқ, оддий ўқимаган художўйлар билан, турли-туман дарвешлар, монахлар, мужиклар билан топиша бошладим. Халқдан чикқан бу одамлар ҳам худди бизнинг даврага мансуб қалбаки художўйлар каби христиан диний эътиқодига эга эдилар. Уларнинг христиан ҳакиқатларига ҳам жуда кўп хурофот аралашган эди, бироқ фарки шунда эдики, бизнинг даврамизга мансуб художўйларнинг хурофотлари уларнинг ўзига мутлако керак эмас эди, уларнинг турмушига сира мос тушмасди, факат ўзига хос бир ишратбозлик эрмаги эди, холос; меҳнаткаш халқдан чикқан художўйларнинг хурофотлари эса уларнинг турмуши билан шу қадар яқиндан боғланганки, бу хурофотларсиз уларнинг ҳаётини тасаввур ҳам килиб бўлмайди. Бу хурофотлар улар яшашининг зарурий шарти эди. Бизнинг даврага мансуб художўйларнинг бутун ҳаёти уларнинг иймонига бутунлай зид эди, меҳнаткаш халқка мансуб художўйларнинг бутун ҳаёти уларнинг иймони берган ҳаёт маъносини тўла тасдиклар эди. Шунда мен бу одамларнинг ҳаёти ва эътиқодларига синчилаб қарай бошладим ва қараганим сари чукурроқ амин бўла бордимки, бу одамларнинг иймони чин ий-

мон, бу иймон улар учун жуда зарур ва ёлғиз шу иймонгина уларга ҳаётнинг маъносини ва яшаш имконини беради. Бизнинг даврамизда иймонсиз ҳам яшайверадиганлар кўп, уларнинг орасида зўр-базур мингтадан биттаси ўзини художўй деб тан олиши мумкин. Бунга қарама-карши ўларок, уларнинг муҳитида мингтадан битта Худога ишонмайдиган одам топилиши амримаҳол. Бизнинг даврамиз одамларининг ҳаёти бекорчилик ичиди эрмаклар билан ўтади ва яна ҳамма ҳаётдан норози бўлади. Бу одамларнинг бутун ҳаёти эса оғир меҳнат ичиди кечади ва улар бадавлат одамларга қараганда ҳаётдан камрок норози бўлишади. Бизнинг даврамизга мансуб одамлар муҳтожликлар ва азоб-уқубатлар учун тақдирдан кўпроқ нолийдилар ва унга қаршилик кўрсатадилар. Бунга қарама-карши ўларок, оддий одамлар хасталиклар ва ғам-ғуссаларни хеч қандай норозиликсиз, қаршилик кўрсатмасдан, хотиржам қабул киладилар. Улар катъий ишонадиларки, буларнинг ҳаммаси худди шундок бўймоғи керак, бошқача бўлиши мумкин ҳам эмас, буларнинг бари – Худонинг неъмати. Биз канча аклли бўлсак, ҳаётнинг маъносини шунча кам тушунамиз, изтироблар чекишимиз ва казомизни алланечук ёвуз бир масхара деб ҳисоблаймиз. Бунга қарама-карши ўларок оддий одамлар осойишта бир тарзда ҳаёт кечирадилар, изтироблар чекадилар ва ўз қазолари сари борадилар. Улар изтироб чекканда ҳам қандайдир хотиржам бўладилар, ҳатто, мамнуниятлари сезилиб туради. Бизнинг даврамизда хотиржам жон таслим килиш, нола-фигонсиз, тушкунликка берилмай вафот этиш камдан-кам учрайдиган воқеа. Бунга қарама-карши ўларок, ҳалқ орасида нола-фигон билан исён кўтариб, ғам-ғуссага ботиб жон таслим килиш ҳаддан ташқари кам учрайди. Бу одамлар биз Сулаймон пайғамбар билан ўзимиз учун ҳаётнинг яккаю ягона ҳисобланадиган жуда кўп нарсаларидан маҳрум, лекин шунга қарамай улар ўзларини бенихоя баҳтиёр деб биладилар. Бундай одамлар ҳаддан ташқари кўп. Мен теварак-атрофимга кенгрок назар ташладим. Мендан

аввал ўтган ва мен билан бир замонда яшаётган сон-саноксиз одамларнинг ҳаётига чукуррек назар ташладим ва шунда ҳаётнинг маъносини англаган, яшашни-ю жон таслим килишни биладиган иккита, учта, ўнта эмас, юзта, минта, миллионта одамни кўрдим. Феъли атвори, акли, маълумоти, мавқеига кўра ҳаддан ташкари хилма-хил бўлган бу одамларнинг хаммаси менга қарама-карши ўлароқ ҳаётнинг маъносини баб-баравар дараҷада мукаммал билишарди, мухтожилклар ва азоб-уқубатларни бошларидан кечириб, хотиржам бетиним меҳнат билан умргузаронлик килиб вафот этишарди ва бунда маъносиз, беҳуда нарсани эмас, улуғ бир неъматни кўришарди.

Шундай килиб, мен бу одамларни яхши кўриб колдим. Мен тирик одамларнинг ҳаётига канча чукур кириб борсам, мен китобларда ўқиган ва эшитган шунга ўхшашиб одамларнинг ўтиб кетган ҳаётларига канча чукур кириб борсам, уларни шунча кўпроқ яхши кўрдим ва ўзим учун ҳам яшаш шунча енгил бўлиб колди. Шу ахволда икки йилча ҳаёт кечирдим ва менда инкилоб содир бўлди. Бу инкилоб менда анчадан бери пишиб етилиб келарди, унинг учқунлари ҳамиша мен билан бирга эди. Менда шундай инкилоб содир бўлдики, окибатда даврамиз ҳаётини, бадавлат, олим одамлар ҳаётини жинимдан баттар ёмон кўриб колдимгина эмас, бу ҳаёт мен учун буткул маъносини йўкотди. Бизнинг хамма хатти-харакатларимиз, фикр юритишларимиз, илм, санъат – буларнинг бари менга бир эрмакдай, тантликлайдай кўриниб колди. Англадимки, бундан маъно излаб бўлмайди. Ҳаётни ижод килувчи меҳнаткаш ҳалқнинг хатти-харакати эса менга бирдан-бир арзийдиган ҳақиқий иш бўлиб кўринди. Шунда англадимки, шу ҳаётга ато қилинган маъно ҳақиқатдир ва мен бу ҳақиқатни кабул килдим.

## XI

Фалати бир манзара: одамлар диний эътиқодларга сифи-ниб, уларга зид тарзда ҳаёт кечирганларини кўрганимда шу

эътиқодлардан безиб кетгандим. Аммо одамлар худди шу эътиқодларнинг ўзига амал қилиб яшаганларини кўрганимда улар менга ғоятда жозибадор ва оқилона кўринди. Шунда мен нега бир вактлар бу эътиқодлардан безганимни, нега уларни маъносиз деб хисоблаганимни, эндиликда эса нима сабабдан уларни қабул қилганимни ва жуда маънодор, деб хисоблаётганимни тушундим. Мен адашганимни ва қандай қилиб адашганимни англадим. Мен нотўғри фикр юритганим учун адашган эмас эканман, балки гуноҳкорона хаёт ке чирганим учун адашган эканман. Мен англадим – ҳакикат юзини мендан яширган нарса фикрларимдаги хатолик бўлмаган экан, балки фавқулодда ишратбозлик шароитида, маишатпарастлик шароитида, балои нафсни кондириш йўлида ўтказган ҳаётим бўлган экан. Яна англадим – «менинг ҳаётим нима?» – деган саволим ва «ёвузлик» деб берган жавобим мутлако тўғри бўлган экан. Хатолик шунда бўлган эканки, факат менгагина тааллукли жавобни бутун ҳаётга нисбатан қўллабман. «Менинг ҳаётим нима?» – деб ўз-ўзидан сўраб, «ёвузлик ва маъносизлик», – деб жавоб олганман. Чиндан ҳам менинг ҳаётим балои нафсни кондиришга картилган бўлган ва шунинг учун маъносиз ҳамда ёмон бўлган, шунинг учун ҳам «ҳаёт маъносиз ва ёвуз нарса» деган жавоб, умуман, одамлар ҳаётига эмас, ёлғиз менинг ҳаётимга тааллуклидир. Мен кейинчалик Инжилда топганим ҳакикатни англадим – унга кўра одамлар ёруғликдан кўра кўпроқ зулматни яхши кўрганлар, негаки улар ёвуз ишларни кўп қилишган. Сабабки, ёмон иш киласиган ҳар бир одам ёруғликни жуда ёмон кўради ва ишлари фош бўлишидан кўркиб, ёруғлик сари бормайди. Мен англадимки, ҳаётнинг маъносини тушунмоқ учун хаммадан аввал ҳаётнинг ўзи маъносиз ва ёвуз бўлмаслиги керак, шундан кейингина аҳд билан уни тушуниб олса бўлади. Мен ўз-ўзидан кўриниб турган ана шу ҳакикат теграсида нима учун бу қадар узок ўралашиб колганимнинг сабабини тушундим – инсониятнинг ҳаёти тўгрисида гапириб, ўйладиган бўлсанг, ҳаётдаги бир неча

текинхўрларнинг эмас, инсониятнинг ҳаёти тўғрисида ўйлаш ва гапириш керак. Бу ҳақикат  $2 \times 2 = 4$  га ўхшаш ҳамиша ҳақиқат бўлиб келган, лекин мен уни тан олган эмасман, чунки  $2 \times 2 = 4$  эканини тан олсам, мен ўзимнинг ярамас одам эканимни тан олмоғим керак эди. Ҳолбуки,  $2 \times 2 = 4$  лигидан кўра ўзимни яхши одам, деб ҳис этиш мен учун мухимрок ва зарурроқ эди. Мен яхши одамларни севиб қолдим, ўзимдан-ўзим нафратланиб кетдим. Энди менга ҳамма нарса равшан бўлди.

Мабодо бутун умрини кийнокларда одамларнинг бошини олиш билан ўтказган бир жаллод ёки бутун умрини бир коронғи хонада ўтказган, бу хонасини нажосатга тўлатиб, ифлос қилиб ташлаган ва «шу хонадан чиксан мукаррар ҳалок бўламан» деган фикрни сингдириб олган бирор уччига чиккан пиёниста ёхуд жинни ўз-ўзига «Ҳаёт нима?» деб савол берса нима бўларди? Ўз-ўзидан аёнки, «Ҳаёт нима?» деган саволга улар «Ҳаёт энг катта ёвузиликдир» деган жавобдан бошқа жавоб ола билмас эдилар. Бунда жиннининг жавоби мутлақо тўғри бўларди, бироқ фақат унинг ўзи учун тўғри бўларди. Унда қандоқ бўлади – мен ҳам ўшанга ўхшаган бир телбаманми? Нахотки, бизнинг ҳаммамиз – бадавлат, ўқимишли одамлар шунга ўхшаш телба бўлсак?

Шунда англадим – ҳа, биз чиндан ҳам ана шунақа телбалармиз. Ҳар ҳолда, мен мукаррар тарзда ана шунақа телбаман. Дарҳакиқат, қуш шундай ҳаёт кечирадики, у учмоги, овқат жамғармоги, ин қурмоги керак. Қуш шундай қилаётганини қўрсам қушдан хурсанд бўламан. Эчки, қуён, бўри шундай ҳаёт кечиришадики, улар қоринларини тўйғазиши, урчишлари, оиласарини боқишилари керак. Уларнинг шундай қилаётганларини қўрсам, мен қатъиян ишонаманки, улар баҳтиёр ва уларнинг ҳаёти оқилона. Хўш, инсон нима қилмоги керак? У ҳам худди жониворлар килган ишларни қилиб ҳаёт кечирмоги керак, фақат фарқ шундаки, бу ишларни инсон ёлғиз ўзи қилса, у мукаррар тарзда ҳалок бўлади, у фақат

ўзи учун эмас, ҳамма учун қилмоғи зарур. У ҳамма учун бу ишларни қилаётганини күрсам, мен қатыяң ишонаманки, у баҳтиёр ва унинг ҳаёти оқилона. Хўш, мен ўзимнинг ўттиз йиллик онгли ҳаётимда нима қилдим? Мен нафакат ҳамма учун ҳаётни барпо этганим йўқ, мен лоақал ўзим учун ҳам тирикчилик арконларини яратганим йўқ. Мен бир текинхўр тарзида ҳаёт кечирдим ва ўз-ўзимдан «нимага яшаяпман?» деб сўрадим-да, «хеч нарсага» деб жавоб олдим. Агар инсон ҳаётининг маъноси тирикчилик арконларини барпо этишда бўлса, мен ўттиз йил мобайнида бу арконларни барпо этиш ўрнига ўзимда ҳам, бошқаларда ҳам уларни йўқ қилиш билан шуғулланган бўлсан, қандай қилиб «ҳаётим бемаъни ва ёвуз нарса» дегандан бошқа жавоб олишим мумкин? У ҳақикатан ҳам бемаъни ва ёвуз бўлганда...

Дунёнинг ҳаёти кимнингдир иродаси билан содир бўлади – мана шу дунёнинг ҳаёти ва бизнинг ҳаётимиз оркали кимдир ўзининг аллақандай ишини рӯёбга чикаради. Бу ироданинг маъносини англашга умидвор бўлмоқ учун даставвал уни бажармоқ керак, яъни биздан истаётган ишларини қилмоғимиз керак. Агар мен мендан истаётган ишларини қилмасам, мендан нима исташларини ҳам хеч қачон билолмайман, бизнинг ҳаммамиздан ва бутун дунёдан нима исташларини эса инчуни билолмайман.

Чорраҳадаги оч, яланғоч бир тиланчини бир иморат ичидаги ажойиб бир муассасага олиб келишса, қорнини тўйдириб, ичириб, аллақандай бир дастани гоҳ юкорига кўташишга, гоҳ пастга туширишга мажбур этишса, ўз-ўзидан аёнки, тиланчини нега олиб келишганини, дастани нега кўтариб тушириш кераклигини, бутун муассасанинг қурилиши ақла мувофиқми-йўкми эканини таҳлил қилишдан аввал тиланчи дастани ҳаракатга келтирмоғи зарур. Агар у дастани ҳаракатга келтирса, бу даста насосни ҳаракатга келтираётганини, насос сув ҳайдайётганини, сув эса жўякларга тараалаётганини фаҳмлаб олади. Шундан кейин уни усти ёпиқ қудуқдан олиб чиқиб, бошқа ишга ўтказадилар – у меваларни тера бош-

лайди ва хўжайинни мамнун килади. Жўн ишлардан юкорирок ишларга ўтар экан, у бу масаланинг тузилишини борган сари чуқуррок англай боради ва унинг ишида иштирок этар экан, у ҳеч қачон ўзининг бу ерда нима килиб юрганини сўрамайди. Ҳар холда, зинхор-базинхор хўжайинга таъна килмайди.

Худди шунга ўхшаб, хўжайнининг иродасини бажо келтирувчи ўқимаган, оддий меҳнаткаш одамлар ҳам хўжайнингира га таъна килмайдилар. Ҳолбуки, биз уларни ҳайвон ўрнида кўрамиз-да, ўзимизни доно ҳисоблаймиз, хўжайнининг тузини еймиз-у, хўжайнин биздан истаган ишни бажо келтиришни хоҳламаймиз, унинг ўрнига давра олиб ўтириб оламиз-да, «Дастани кўтариб туширишнинг нима кераги бор? Жуда бемаъни иш-ку бу!» деб сафсата сотамиз. Шу тарзда бўладиганимиз бўлиб колган. Бўладиганимиз бўлгани шуки, хўжайнини тентак ҳисоблаймиз, бўлмагани ҳам тузук эди деб биламиз, ўзимизни доно деб биламиз, лекин ҳеч нарсага ярамаслигимизни ҳис киласиз ва бир амаллаб ўзимизни ўзимиздан халос этиш пайида юрамиз.

## XII

Оқилона билимлар хатолигини англаш беҳуда мулоҳа- забозлик васвасасидан халос бўлишимга ёрдам берди. Ҳакикат ҳакидаги билимни факат ҳаёт орқалигина топиш мумкинлигига катъий ишонч мени ўз ҳаётимнинг тўғрилигига шубха килишга унгади. Бирок мен ўзимнинг фавқулодда одамлигим ҳакидаги тасаввур чангалидан қутулиб қолишга улгурдим ва оддий меҳнаткаш ҳалкнинг чинакам ҳаётини кўриб, ҳакикий ҳаёт факат ана шу ҳаёт эканига иймон келтирдим. Шу нарса мени қуткариб қолди. Англадимки, агар мен ҳаётни ва унинг маъносини англамоқчи бўлсан, текинхўрга хос ҳаёт кечирмоғим керак эмас, балки чинакам ҳаёт қўйнида яшамоғим зарур, ҳакикий инсоният бу ҳаётга қандай маъно бераётган бўлса, шу маънони қабул килиб, шу ҳаётга сингиб кетмоғим ва уни текшириб кўрмоғим шарт.

Худди шу вактларда мен яна бир нарсаны кечирдим. Бутун бир йил мобайнида мен деярлик хар дақикада ўз-ўзимдан «бўйнимга сиртмоқ солсаммикан ё бир ўқ билан бир ёкли қилсаммикан?» деб сўраб юрган кезларимда мен айтган шундай ўйлар ва қўнглимдан кечган қузатувлар билан ёнма-ён юрагим алланечук бир хисдан изтиробда эди. Бу хисни мен «Худони излаш» деган иборадан бўлак бирон ибора билан атай олмайман.

Гапимга эътибор беринг: мен Худо излашни хис деяпман, мулоҳаза деяётганим йўқ. Сабабки, бу излашлар менинг мулоҳазаларим оқибатида келиб чиккани йўқ, колаверса, у, ҳатто мулоҳазаларимга буткул зид эди, бу излаш тўғридан-тўғри юракдан чикиб келганди. Бу туйғу жамики ёт, бегона нарсалар ўртасида кўркув, ёлғизлик, кимсасизлик туйғуси ва кимнингдир ёрдамидан умидворлик туйғуси эди.

Худонинг мавжудлигини исбот қилиш мумкин эмаслигига тўлалигича иймоним комил эди. Кант буни менга исбот килиб берганди ва мен Худонинг мавжудлигини исбот килиб бўлмаслигини аниқ анлаган эдим. Лекин шунига кара-масдан, Мен Худони изладим, уни топишга умид боғладим ва эски одатимга кўра ўзим излаётган нарсага илтижолар килдим, лекин тополмадим. Гоҳ мен дилимда Кант билан Шопенгаўрнинг Худонинг мавжудлигини исбот қилиш мумкин эмаслиги ҳақидаги далилларини тафтишдан ўтка-зардим, гоҳ уларни рад этишга киришардим. Мен ўз-ўзимга дердим: сабабият макон ва замон каби тафаккур категориялари эмас. Агар мен мавжуд эканман, демак, бунинг сабаби бор ва сабабининг сабаби бор. Ана шу хамма нарсанинг сабаби, сабабларнинг сабаби – Худо деб аталмиш нарсадир; мен шу фикр устида тўхтаб, бутун вужудим билан шу сабабнинг мавжудлигини англашга ҳаракат килдим. Оламда бир куч бор эканини ва мен шу кучнинг ҳукмида эканимни англай бошлишим биланоқ мен шу ондаёқ яшаш мумкин эканини тушундим. Бироқ мен ўзимга ўзим савол бердим: «Нимадир, ахир, бу сабаб, бу кудрат? Мен унинг тўғриси-

да қандай ўйламогим керак? Худо деб атаганимга қандай муносабатда бўлмоғим керак?» Бу саволларга фақат менга таниш жавобларгина кўндаланг бўларди: «У – яратувчи, барпо этувчи». Бу жавоблар мени қаноатлантирумас эди ва мен кўнглимда яшашим учун зарур нарса ғойиб бўлаётганини ҳис килар эдим. Мен даҳшатга тушиб, излаганимга сигиниб, ибодат қилиб, менга ёрдам беришини сўраб тавалло қилардим. Аммо ҳарчанд ибодат қилганим сари, у менинг таваллоларимни эшитмаётгани менга кўпроқ аён бўлар ва мен тавалло килиш мумкин бўлган бирон зот йўклигига амин бўлардим ва мен юрагимда Худо йўклигини сезиб, умидсизликка тушсам-да, «Эй Худо! Ўзинг раҳм қил! Ўзинг нажот бер! Эй Худо! Ўзинг мени тўғри йўлга сол!» дея тавалло қилишда давом этардим. Аммо ҳеч ким раҳм қўлини узатмас ва мен хаётим тўхтаб қолаётганини ҳис қилардим.

Аммо яна ва яна бошқа ҳар хил томонлардан ўша тўхтамга келаверар эдим – ахир, мен ҳеч қандай баҳонаю сабабсиз, бирон-бир маъносиз дунёга келган бўлишим мумкин эмас-ку? Ахир мен инидан тушиб кетган бир полапон эмасман-ку? Майли, шунака полапон ҳам бўла колай, майли, баланд майсалар орасида чалқанча ётганимча чийиллаб ётибман, дейлик. Аммо чийиллашимнинг боиси шуки, мен биламан – мени очиб чиқкан онам бор – мени иситган, бокқан, севган. Қани ўша онам? Агар мени ташлаб кетишган бўлсалар, ким ташлаб кетди? Кимдир мени яхши кўриб дунёга келтирганини мен ўз-ўзимдан яшира олмайман. Хўш, ана шу «кимдир» ким? – Яна Худо!

«У менинг изланишларимни, тушкунликларимни, курамини кўриб турибди. У – бор», – дейман ўзимга-ўзим. Бирлаҳзага буни эътироф этишим биланоқ менда ҳаёт жўш ура бошлайди ва мен яшаш имкони борлигини кўраман, яшаш кувончини ҳис қиласман. Аммо Худонинг мавжудлигини эътироф этгандан кейин мен яна унга муносабатни излай бошлайман ва менга яна ўша Худо, яратганимиз, уч қиёфа-

даги халоскор Ўғлини юборган Худо намоён бўлади. Яна ўша дунёдан ташқаридаги, мендан ташқаридаги Худо кўз ўнгимда муз парчасидек эриб битарди ва ундан ҳеч нарса қолмасди, яна хаёт булоги қуриб қоларди ва мен қайтадан тушкунликка тушиб, ўзимни ўлдиришдан бошқа иложим қолмаганини ҳис қиласардим. Энг ёмони шу эдики, мен буни ҳам қилолмаслигимга кўзим етиб турарди.

Икки марта эмас, уч марта эмас, мен ўнлаб, юзлаб марта-лаб, шу аҳволга тушдим – гоҳ шоду хуррам бўлиб колар ва жон киргандай бўлардим гоҳи яна яшаш имкони йўклигини англаб, тушкунликка берилардим.

Эсимда бор – навбаҳор кезлари эди. Ёлғиз ўзим ўрмонда сайд қилиб юриб, ўрмон товушларини тинглардим. Ўрмон товушларини тинглардим-у калламда ҳамон ўша ўй – сўнгги уч йил мобайнода доимий равишда миямни банд қилиб келган ўй чарх уради. Мен яна Худони излардим.

«Яхши, ҳеч қанақа Худо йўқ бўла қолсин, – дердим ўз-ўзимга. – Менинг тасаввуримдан ташқаридаги Худо йўқ дейлик, аммо воқелик худди менинг ҳаётим каби. Ҳеч нарса, ҳеч қанақа мўъжиза бунака нарсани исбот қилиб беролмайди, чунки мўъжизалар менинг тасаввурим доирасида, яна, бунинг устига, акл бовар қилмайдиган нарса бўлади».

«Аммо менинг тасаввурим Худо ҳақидами? Ўша ўзим излаётган Худо ҳақидами? – деб сўрайман ўзимдан-ўзим. – Бу тасаввурнинг ўзи қаердан келиб қолди? Бу фикр кўнглимга келиши билан яна менинг вуждимда ҳаётнинг хуррам тўлқинлари кўзғалди. Теварагимдаги ҳамма нарса жонланди, ҳамма нарса маъно касб этди. Аммо менинг шодлигим унча узоқ давом этгани йўқ. Акл ўз ишини давом эттиради. «Худо тушунчаси Худо эмас, – дердим ўз-ўзимга. – Тушунча менинг дилимда содир бўладиган нарса. Худо ҳақидаги тушунчани мен дилимда ҳосил қилишим ҳам мумкин, ҳосил қилмаслигим ҳам мумкин. Бу мен излаётган нарса эмас. Мен шундай нарсани изляпманки, усиз ҳаётнинг бўлиши мумкин эмас». Шундан кейин теварагимдаги ва дилимдаги

ҳамма нарса яна ўла бошлади ва мен яна ўз-ўзимни ўлдиригим келиб қолди.

Бирок шу ерга келганда мен ўзимга ўзим ўгирилиб қарадим, дилимда содир бўлаётган нарсаларга назар солдим, дилимда юзлаб марта содир бўлган ўлиб-тирилишларни эсладим. Мен факат Худога ишонган кезларимдагина яшаганимни эсладим. «Авваллари бўлгани каби хозир ҳам, – дердим ўзимга-ўзим, – Худони тан олишим билан менга жон киради, яшай бошлайман, уни унутсан, унга ишонмай кўйсан, дарҳол ўла бошлайман. Бу тирилиш ва ўлишлар нима бўлсайкин? Ахир, Худонинг мавжудлигига ишончимни йўқотган кезларимдаги ҳаётимни хаёт деб бўлмайди. Худони топишумга ғира-шира умидим бўлмаганида эди, аллақачон ўзимни-ўзим ўлдириб кўя қолган бўлардим. Мен факат уни ҳис қилган чоғларимда, уни излаган чоғларимдагина чиндан ҳам яшайман. «Хўш, мен яна нимани изляпман? – деб садо беради дилимдаги овоз. – Мана у. Усиз яшаб бўлмайди. Худони танимок ва яшамоқ – айнан бир нарса. Худо – ҳаётдир».

«Яша, Худони излаб топ, шунда ҳаётинг Худосиз бўлмайди». Шунда дилимдаги ва атрофимдаги нарсаларнинг ҳаммаси ҳар қачонгидан кучлироқ нурланиб кетди ва бу нур мени ортиқ тарқ этмади.

Шу тарзда мен жонимга сункасад қилишдан қутулиб қолдим. Мендаги бу инқиlob қачон ва қандай содир бўлганини айтиб беролмайман. Мендаги ҳаёт қудрати нечоғлиқ аста-секин, билинор-билинмас тарзда маҳв килина борган бўлса ва мен яшашнинг иложи йўклигига, ҳаётимнинг тўхтаб қолишига, ўз-ўзимни ўлдириш эҳтиёжига келган бўлсан, худди шу тарзда аста-секин, билинор-билинмас тарзда менга ҳаёт қуввати қайтиб келди. Ғалати жойи шунда эдикни, менга қайтган ҳаёт қуввати янги эмас, жуда эски ҳаётимнинг илк паллаларида мени ўзига жалб этган ўша қувват эди. Мен ҳамма нарсада аввалгиларига, болалигим ва ёшлигимдагига қайтдим. Мен мени барпо этган ва мендан нимадир истайдиган ифодага эътиқод қўйишга қайтдим; мен ҳаётимнинг бирдан-бир мак-

сади – асосий мақсади яхширок бўлмоқдир, деган эътиодга, яъни ўша ирода билан рози-ризоликда яшашга қайтдим; мен кўзимдан пинҳон бўлган олис тарихда бутун инсоният ўзиға раҳнамо килиб олиш учун бу иродани ишлаб чиқкан, деган тўхтамга қайтдим. Бошқача айтганда, мен Худога эътиодга, маънавий камолот сари интилишга ва ҳаёт маъносини ўзида элтувчи ривоятга қайтдим. Фақат фарқи шунда эдики, бир замонлар буларнинг хаммаси онгсиз тарзда қабул килинганди, энди эса мен бусиз яшай олмаслигимни билар эдим.

Гўё мен бошимдан бундай воқеани кечиргандай эдим: эсимда йўқ – қачондир мени қайикка ўтқаздилар, менга номаълум бўлган аллақандай соҳилдан мени йўлга равона килдилар, бошка соҳилга томон йўналишни кўрсатишиди, менинг тажрибасиз кўлларимга эшкакни тутказишиди-да, мени ёлғиз қолдиришиди. Мен билганимча эшкак эшиб, сузиб кетдим. Аммо ўртага етганим сари оқим тезлаша борди; оқим мени манзилдан бошка томонга судрарди. Йўлда эса оқим ихтиёрига тушиб менга ўхшаб сарсари сузаётган йўловчилар борган сари кўпроқ учрай бошлади. Эшкак эшишда давом этаётган ёлғиз йўловчилар хам бор эди. Эшкаклари кўлидан тушган йўлчилар ҳам бор эди. Одам лиқ тўла катта қайиклар, зўр кемалар ҳам бор эди – уларнинг баъзилари оқимга қарши курашар, баъзилари эса ихтиёрларини бутунлай оқимга топшириб кўйишган эди. Мен сузиб борганим сари йўналиш бўйлаб қуйига, барча сузиб бораётганлар оқимиға карар эканман, менга берилган йўналишни кўпроқ унутардим. Оқимнинг кок ўртасида, қуи томонга кетаётган кемалар ва қайиклар қаторида мен йўналишни бутунлай йўқотиб кўйдим ва эшкакларни ташладим. Менинг теварагимда ҳар томонимдан елканли ва эшкакли қайикларда йўлчилар шоду хуррамлик билан қийкиришиб қуи томонга елиб боришар ва мени ҳам, бир-бирларини ҳам бошка йўналишнинг бўлиши мумкин эмаслигига ишонтиришмоқчи бўлишарди. Мен уларга ишондим ва улар билан сузиб кетдим. Сузиб кетаверибман, кетаве-

рибман. Жуда олислаб кетиб қолибман. Шу қадар олиски, шовваларнинг овозини эшилдим. Мен бу шовваларда тошларга урилиб нобуд бўлишим мұқаррар эди. Шовваларда дабдаласи чиккан қайикларни кўрдим. Бирдан хушим жойига келди. Анча вактгача менга нима бўлганини, канака аҳволга тушиб қолганимни аниклай олмай турдим. Мен каршимда ҳалокатдан бошқа нарсани кўрмас эдим. Мен шу ҳалокат сари елиб-югурибман, ундан жуда қўркар эдим ва ҳеч каерда ундан қутулиш чорасини кўрмасдим, нима килишимни билмай қолган эдим. Аммо орқамга ўгирилиб караб, ҳормай-толмай оқимни ёриб келаётган сон-саноқсиз қайикларни кўрдим, соҳил эсимга тушди, эшкакларни, йўналишни эсладим ва орқага – оқимга қарши соҳил томонга суза бошладим.

Соҳил – Худо эди, йўналиш – ривоят эди, эшкаклар – менга берилган эрк эди. Мен уларнинг ёрдамида соҳилга – Худонинг жамолига эришмокка сузмогим керак эди. Шундай қилиб, менда ҳаёт қудрати қайта тирилди ва мен яна яшай бошладим.

### XIII

Даврамизнинг ҳаёти зохиран ҳаётга ўхшаса-да, аслида, ҳаёт эмаслигини тан олиб, ундан юз ўғирдим. Биз яшаётган фаровонлик шароити бизни ҳаётни англаш имконидан маҳрум килар эди. Ҳаётни англамоқ учун мен истиснолар ҳаётини, ўзимизнинг, яъни ҳаёт дараҳтига ёпишиб олган текинхўрлар ҳаётини эмас, оддий меҳнаткаш ҳалқ ҳаётини англамогим, шу ҳалқ ҳаётга берадиган маънони тушумогим лозим эди. Менинг теварагимдаги оддий ҳалқ рус ҳалқи эди. Мен унга мурожаат килдим, шу ҳалқ ҳаётга берадиган маънога мурожаат килдим. Бу маънони ифодалаш мумкин бўлса, у куйидагича эди: ҳар бир одам бу дунёга Худонинг иродаси билан келади. Худо одамзодни шундай яратганки, ҳар бир одам ўзининг жонини нобуд қилиши ёки асрар қолиши мумкин. Одамнинг ҳаётдаги вазифаси – ўз жонини сақлаб

қолишидир. Ўз жонини саклаб қолиш учун Худонинг буюрганларига амал қилиб яшамоқ лозим. Худонинг буйруқларига амал қилиб яшаш учун эса ҳётнинг ҳамма шароитидан воз кечиш шарт, меҳнат қилиб, мутелик билан, сабр-қаноат билан саховатлик бўлиб яшамоқ керак. Бу маънони халқ ўзи сиғина-диган диний эътиқоддан топади; бу эътиқодларни эса уларга руҳоний бузруклар етказиб келган ва ҳозир ҳам етказиб турадилар. Шунингдек, бу эътиқодлар халқ ичида яшайдиган ривоятларда, афсоналарда, мақолларда ва ҳикояларда ифодаланади. Бу маъно менга жуда аён ва юрагимга якин эди. Аммо халқ иймонининг ана шу маъноси билан халқимизда жуда кўп шунака нарсалар боғланиб кетадики, улар мени ўзидан узоклаштиради. Мен уларга изоҳ тополмайман: турли-туман сехру жодулар, черков маросимлари, рўза тутишлар, авлиёларнинг суякларига ва сувратларига сажда қилишлар шулар жумласидан. Халқ уларни бир-биридан ажрат олмайди, мен ҳам ажрат олмайман. Аммо халқ эътиқод қўйган нарсларнинг кўпчилиги менга ҳар канча ғалати туюлмасин, мен уларнинг ҳаммасини қабул қилдим, черковга қатнадим, эрталаб ва кечкурунлари ибодат қилдим, рўза тутдим, дастлабки пайтларда аклим ҳеч нарсага қаршилик килмади. Авваллари, назаримда, сира қилишининг иложи бўлмаган нарсалар Эндиликда менда ҳеч канака қаршилик уйғотмади.

Менинг иймонга аввалги муносабатим билан ҳозиргиси бир-биридан мутлақо фарқ қиласарди. Авваллари менга ҳётнинг ўзи маънога тўладай туюларди ва иймон менга мутлақо лузумсиз бўлган, акл бовар қилмайдиган ва ҳаёт билан боғланмаган қоидаларнинг кўнгил тусаган бир тарздаги тасдиғидай кўринарди. Ўша пайтларда мен ўзим ўзимдан бу қоидалар канака маънога эга эканини сўраб ва уларнинг маъноисиз эканига ишонч ҳосил қилиб, улардан юз ўғирганман Энди эса бутунлай бунинг акси – мен қатъий биламанки, менинг ҳаётим ҳеч канака маънога эга эмас ва эга бўлолмайди ҳам, шунинг учун иймон қоидалари менга нафакат лузумсиз кўрингани йўқ, балки мен чинакам тажриба оркали шундай тўхтамга келган эдимки, факат иймоннинг ана шу қоидаларигина ҳаётга маъно

беради. Авваллари мен уларга тишим ўтмайдиган мутлако кераксиз ёзувларга карагандек каардим. энди эса, мабодо уларни тушунмасам, билардимки, уларнинг маъноси бор ва мен ўз-ўзимга, уларни англамокни ўрганиш керак, дердим.

Мен куйидагича мулоҳаза юритардим. Мен ўзимга дердим: иймонни билиш ҳам бутун инсоният ва унинг акли каби сирли бир ибтидодан келиб чикади. Бу ибтидо Худодир, бу – инсон жисемининг ҳам, ахлининг ҳам ибтидоси. Менинг жисемим менга Худодан ворислик йўли билан кандай етиб келган бўлса, менинг ахлим ва менинг ҳаётни танишимнинг ҳамма ривожланиш боқичлари ёлгон бўлиши мумкин эмас. Одамлар чинакамига ишонган нимаики бўлса, у ҳақикат бўлмоғи керак; у ҳар хил йўсинда ифодаланмоғи мумкин, бирок у ёлгон бўлмоғи мумкин эмас, шунинг учун ҳам мабодо у менга ёлгон бўлиб туолса, бунинг маъноси шундан иборатки, уни мен англамабман. Бундан ташкари яна ўзимга дедим: ҳар кандай иймоннинг моҳияти шундан иборатки, у ҳаётга ўлим маҳв этолмайдиган маъно беради. Табиийки, ҳашамат қўйнида жон таслим қилаётган подшонинг, меҳнат азобида ўлаётган қари қулнинг, норасида гўдакнинг, донишманд кексанинг, девонасифат кампирнинг, баҳтиёр жувоннинг, эҳтирослар қуюнида ўртанаётган йигитнинг саволига жавоб бермок учун, яъни турфа хил шароитдаги ҳар хил маълумот даражасига эга бўлган одамларнинг саволига жавоб бермок учун – албаттаки, ҳаётнинг «Мен нима учун яшаеман? Менинг ҳаётимдан нима чикади?» деган ўша ягона мангу саволига бериладиган жавоб битта бўлса, иймон берадиган жавоб моҳиятига кўра бир хил бўлса-да, ўзининг кўринишларида чексиз хилма-хил бўлмоғи керак. Албаттаки, бу жавоб накадар бир хилрок, теранрок, чиррок бўладиган бўлса, ҳар битта одамнинг маълумоти ва мавкеяга мос тарзда ифода килишга уринилиши жиҳатидан шунчалик ғалати ва бадбашара кўринмоғи лозим. Аммо мен учун иймоннинг маросимиий томонларининг ғалатилигини

окладиган бу тарздаги мuloҳазалар мен учун ягона бўлган ҳаёт ишида, яъни иймонда кейин ўзим пушаймон қиладиган хатти-ҳаракатлар қилишимга йўл қўймоқлик учун ҳар ҳолда кифоя эмас эди. Мен ҳалқ иймонининг маросимли жиҳатларини бажо келтирап эканман, қалбимнинг жами кучлари орқали ҳалкка сингиб кетишни истардим, аммо бундай қила олмас эдим. Агар шундай қиладиган бўлсан, ўз-ўзимни алдаган бўлиб чикардим, ўзим учун мукаддас бўлган нарсани мазах килган бўлардим. Шу ўринда бизнинг рус диншуносларининг янги асарлари менга ёрдамга келди.

Бу диншуносларнинг тушунтиришига кўра иймоннинг асосий ақоиди гунохлардан ҳоли турувчи черковдир. Бу ақоидни тан олишдан мукаррар бир тарзда черков сифиандиган ҳамма нарса ҳакиқатдир, деган хуроса келиб чиқади. Бир-бирлари билан муҳаббат орқали боғланган ва шунинг учун ҳам чинакам билимга эга бўлган художўйлар мажмуи сифатида черков менинг иймонимнинг негизи бўлиб колди. Ўзимга-ўзим дедимки: «Худонинг ҳакиқатига бир одам ёлғиз ўзи эриша олмайди, у бир-бирлари билан муҳаббат орқали боғланган одамлар мажмуигагина намоён бўлиши мумкин. Ҳакиқатни танимок учун бўлинмаслик керак; бўлинмаслик учун эса бир-бирларимизни севмок лозим ва ўзинг рози бўлмаган нарса билан муроса килмок зарур. Ҳакиқат севги қархисида жамол кўрсатади; шундок экан, агар сен черков маросимларига бўйсунмасанг, севгига шикаст етказган бўласан, севгига шикаст етказиш билан эса ҳакиқатни таниш имконидан маҳрум бўласан». Мен ҳали у пайтларда бу мулҳаза замирида ётган сафсатани кўрмаган эдим. Мен ҳали у пайтларда севги орқали бирлашиш жуда улуғ севгини келтириб чиқариши мумкинлигини, лекин зинҳор-базинҳор Никей рамзиётида муайян сўзлар билан ифодаланган диний ҳакиқат берилиши мумкин эмаслигини билмаган эдим. Худди шунингдек, муҳаббат ҳакиқатнинг маълум ифодасини бирлаштироқ учун ҳаммага мажбурий бир нарса киломаслигини ҳам кўрмагандим. Мен ҳали у

пайтларда бу мuloҳазалардаги хатоликларни сезмагандим ва шу сабабдан православ черкови маросимларининг кўп қисмини тушунмаган ҳолда қабул қилиш ва бажо келтириш имконига эга бўлгандим. У пайтларда мен бутун қалб кучим билан ҳар қандай мuloҳазакорликдан қочишга, зиддиятларни четлаб ўтишга интилгандим ва ўзим унчалик қониқмаган черков коидаларини имкони борича оқилона изоҳлашга харакат килгандим.

Черков маросимларини бажо келтирас эканман, мен аклимни тизгинлаб олиб, бутун инсоният риоя қиласиган ривоятларга ўзимни бўйсундирдим. Мен ўз аждодларим билан, севикили отам, онам, боболарим, бувиларим билан бирлашдим. Улар ва улардан аввал ўтганлар динга ишониб яшашган ва мени дунёга келтиришган. Мен ҳалқдан чиқкан, ўзим ҳурмат қиласиган миллионлаб одамлар билан бирлашдим. Бундан ташқари, бу харакатларимнинг ҳеч қайсисида бирон ёмон жиҳат йўқ эди (ёмон деб мен нафс балосига берилишни хисоблардим). Эрта тонгда черков ибодатига туар эканман, бу ишим яхши эканини билардим. Негаки, фикратимдаги мурраккаб бирликни жиловламогим учун, ўтган аждодларим ва замондошларим билан яқинлашмогим учун, ҳаёт маъносини изламоқ ниятларида жисмим фарогатидан кечмоқда эдим-да. Рўза тутганимда ҳам, ҳар кунги тоат-ибодатни бажо келтирганимда ҳам, бошқа ҳар хил расм-русумларга риоя қиласиганда ҳам шу бўларди. Бу курбонлар ҳар қанча арзимас бўлмасин, улар яхшилик йўлидаги курбонлар эди. Мен рўза туттар, уйдаги ва черковдаги кундалик тоат-ибодатларни бажо келтирадим. Черковдаги ибодатлар вактида амри маъруфларни тинглар эканман, уларнинг ҳар бир сўзини англашга ва иложим бўлган кезларда уларга маъно беришга харакат қиласидим. Ибодатдаги мен учун энг муҳим гап – «Бир-биримизни севиб, ҳамфир бўлайлик...» – деган гап эди. Ундан кейин келадиган «Ота, Ўғил ва Муқаддас рухга сифинайлик» деган иборани тушириб қолдирадим, негаки уларни тушуна олмас эдим.

## XIV

Яшамоқ учун иймонга эга бўлмоқ ўша кезларда менга шу кадар зарур эдики, мен диний эътиқодларнинг зиддиятлари ва ноаникликларини ўз-ўзимдан онгсиз равишда яшириб келдим. Аммо маросимларни бундай идрок этишнинг чегараси бор эди. Ибодатлар вактида роҳиблар томонидан айтиладиган баъзи бир илтимосномаларнинг мазмуни менга борган сари равшанроқ бўлаверди. Мен улардаги айрим ибораларни бир амаллаб ўзимга ўзим тушунтириб бердим. Подшо ва унинг кариндош-уруғлари ҳакида тез-тез такрорланиб турадиган ибодатларни шу билан изоҳладимки, улар йўлдан оздирадиган парчаларга кўпроқ рўпара келадилар, шунинг учун уларнинг ҳаққига кўпроқ ибодат қилмоқ керак. Яна баъзи бир тушуниш қийин бўлган ибодатларни душманинг ёвузлиги билан изоҳладим. Аммо яна бир қатор ибодатлар ва сехрли маросимлар бор эдики, уларни ҳарчанд тушунтирган билан тушуниб бўлмас эди. Ёки мен уларни бир амаллаб тушунтироқчи бўлар эканман, гапларим ёлғон эканини хис қиласардим ва бу билан ўзимнинг Худога муносабатимни яксон этаётганимни ва иймонли бўлишнинг ҳар қандай имконини бутунлай йўқотиб кўяётганимни фаҳмлаб турардим.

Асосий байрамларни байрам килишда ҳам мен худди шуларни бошдан кечирардим. Шанба кунини ёдда тутиш зарурлиги, яъни бир кунни Худога мурожаат қилишга багишлиш кераклиги менга тушунарли эди. Аммо асосий байрам қайта тирилиш ҳодисаларини эслаш эдики, мен унинг чинлигини сира тасаввур кила олмас ва англай олмас эдим ва ҳар ҳафтада байрам килинадиган кун ана шу қайта тирилиш номи билан аталарди. Худди шу куни сирли Евхаристия маросими содир бўлар эдики, буни мен мутлақо тушуна олмасдим. Мавлуддан бошқа қолган ўн икки байрам мўъжизалар ҳақидаги хотиротлардан иборат эди. Эсласам, уларни инкор этмай деган мақсадда мен улар тўғрисида ўйламасликка харакат қиласардим. Бу байрамлар Меърож, Худонинг жамол

күрсатиши ва бошқалар эди. Бу байрамлар байрам қилинганда мен учун ҳаддан ташқари арзимас бўлиб кўринган нарсаларга алланечук мухимлик берилаётганини кўриб, мен ё ўзимга таскин берадиган бирон изоҳ топишга ҳаракат килардим ёки мени васвасага solaётган нарсани кўрмаслик учун кўзимни юмиб олардим.

Буларнинг бари менда энг мухим деб ҳисобланадиган, аслида, менга одатдаги бир нарса бўлиб туюладиган чўкинтириш маросимида жуда қучли бир тарзда содир бўларди.

Бунда мен тушунарсиз бир нарсага рўпара келардим эмас, аксинча, жуда тушунарли ҳаракатларнинг гувоҳи бўлардим. Бу ҳаракатлар менга жуда жозибадор кўринар ва мен ёлғон гапиришимни ҳам, инкор этишимни ҳам билмай аро йўлда қолардим.

Ўзим иштирок этган маросим куни кечирганим бир изтиробли туйғу сира эсимдан чикмайди. Ибодатлар, тавбатазаррулар, қоидаларнинг ҳаммаси менга тушунарли эди ва мен ҳаётнинг маъносини кашф этаёганимни туйиб, бенихоя хуррам бир кайфиятга берилган эдим. Маросимнинг ўзини Исони хотирлаш учун килинаётган бир ҳаракат деб ҳисобладим. Бу ҳаракат гуноҳлардан фориғ бўлишни ва Исо таълимотини тўла-тўқис қабул килишни англатарди. Мабодо бундай изоҳ сунъий бўлганда ҳам, мен унинг сунъийлигини пайқамаган эдим. Оддийгина, ҳуркаккина роҳиб қарсисида хўрланиб, мутегина бўлиб туриб қалбингдаги ҳамма нопокликни тўқиб солмоқ, гуноҳларинг учун тавба қилмоқ менга багоят катта шодлик баҳш этарди; қоидалар ибодатларини ёзиб кетган оталарнинг интилишлари билан фикран бирлашиб кетиш фоят қувонч баҳш этарди, жамики диндорлар ва художўлар билан бирикиш қувончли эди. Бунинг оқибатида мен изоҳларимнинг сунъийлигини ҳис қилмас эдим. Аммо мен подшо эшигига яқинлашганимда ва роҳиб мени мен ютадиган нарса чиндан ҳам жисм ва қон эканига ишонишимни такрорлашга мажбур килганида юрагимда бирдан санчиқ турди; бу шунчаки сохта гапгина эмас эди, бу умрида

ҳеч қачон иймон нималигини билмаган бир кимсанинг ўта шафқатсиз талаби эди.

Мен бу шафқатсиз талаб бўлган эди, деган гапни энди гина айтяпман, у пайтда эса буни хаёлимга ҳам келтирган эмасман. У пайтда жуда қаттиқ дилим оғриган эди, холос. Мен энди ортиқ ёшлигимдаги каби ҳаётда ҳамма нарса ойдин ва равшан деб ўйладиган аҳволда эмас эдим. Ахир, менинг динга келганимнинг боиси ҳам шунда эдики, ҳало-катдан бошқа ҳеч нарса кўрмай, нажот факат динда, деб ўйлаган эдим, шунинг учун бу иймондан юз ўгириш мумкин эмас эди. Шунда мен таслим бўлдим. Ўшанда юрагимда бир туйгу пайдо бўлдики, бу туйгу менга ўша ҳолатни кечиришга ёрдам берди. Бу хўрланиш ва мутелик туйғуси эди. Мен бўйсундим, бу кон билан жисмни ҳазар килмай ютдим, инонмоқ истадим. Аммо зарба бериб бўлинган эди. Мени нима кутаётганини аввалдан билганим учун бундан кейин мен ўзимни боришга мажбур қилолмадим.

Мен ҳали ҳам черков маросимларини аввалгидай бажо келтиришда давом этардим ва мен ҳали ҳам ўзим сигинадиган диний эътиқодларнинг ҳақиқат эканига ишонардим. Шунда мен алланарсаларни кечирар эдим. Эндиликда нимани кечирганим менга аён, лекин у пайтларда бу менга ғалати туюлган эди.

Мен бир саводсиз дарвеш мужикнинг Ҳудо ҳақидаги, иймон, ҳаёт ва покланиш тўғрисидаги гапларини эшиганиман. Шунда менга иймон билими намоён бўлган. Мен ҳалққа яқинлашдим, унинг ҳаёт ҳақидаги, иймон тўғрисидаги мулоҳазаларини эшиздим ва борган сари ҳақиқатни кўпроқ англадим. Четъя-Минеяни ва мұқаддималарни ўкиганимда ҳам худди шундай бўлди, бу китобларни мутолаа қилиш энг севимли машғулотимга айланди. Мўъжизаларни сокит қилиб уларга бир фабуладай қарап эканман, бу мутолаа менга ҳаётнинг маъносини намоён этди. Бу китобларда Улуғ Макарийнинг, Иоасаф – шахзоданинг (Будданинг тарихи) ҳаёти бор эди. Уларда Иоанн Златоустнинг сўзлари, кудукдаги йўловчи, тиyllа топиб олган Монах, саргардон

Петр ҳакидаги ҳикоялар бор эди. У ерда ҳаммалари якдиллик билан ўлим ҳаётни истисно килмайди, деган шахидларнинг тарихи бор эди.

Саводсиз, телбанамо, черков таълимотидан бутунлай бехабар одамларнинг тарихи бор эди.

Аммо мен Худога ишонадиган олимларга якинлашиб, уларнинг китобларини кўлга олишим биланоқ дилимда алланечук шубҳалар, норозиликлар, баҳслардан ғазабланиш пайдо бўларди ва мен уларнинг гапларини чукурроқ англай борганим сари ҳақиқатдан тобора узоклашаётганимни ва тубсиз жарлик сари бораётганимни хис килардим.

## XV

Мен неча марталаб саводсизликлари ва илмезликлари учун мужикларга ҳавас қилганман. Иймоннинг менга ўта маъносиз бўлиб кўринган коидалари уларга сира ҳам ёлғон бўлиб туюлмасди; улар бу коидаларни қабул қилишар ва ҳақиқат деб ишонишарди. Бу ҳақиқатга мен ишона олмасдим. Факат мен шўрликкагина аён эдики, ҳақиқат кўз илғамас ришталар орқали ёлғон билан чатишиб кетган ва мен уни бу аҳволда қабул қилолмайман. Шу аҳволда уч йил яшадим ва дастлабки пайтларда энди кўзи очилган одамдай ҳақиқатни бир чимдим-бир чимдимдан ўзлаштира бордим. Мен факат сезгимнинг чорлови билан менга нурлироқ туюлган томонга тусмоллаб борардим. Унда ҳақиқат ва ёлғон ўртасидаги бу зиддиятлар мени бу қадар лол қолдирмаган эди. Бирон нарсага аклим етмаган чоғларда ўз-ўзимга дердим: «Мен ўзим айборман, ўзим аҳмоқман». Аммо мен ўзим ўрганаётган ҳақиқатлар ичига кўпроқ кира борганим сари, бу ҳақиқатлар ҳаётимнинг асоси бўла боргани сари, бу зиддиятлар оғирроқ ва даҳшатлироқ бўлиб борар, мен аклим етмагани учун англамаган нарса билан ўз-ўзимга ёлғон гапирмасдан англаш мумкин бўлмаган нарса ўртасидаги чегара кескинроқ намоён бўларди.

Ана шу шубҳалар ва изтиробларга қарамай мен ҳали ҳам православия тарафида эдим. Бироқ бир жойга келиб ҳаёт масалалари кўндаланг бўлди, уларни ҳал қилмоқ керак эди. Черков бу масалаларни мен сигинадиган иймон асосларига зид тарзда ҳал қила бошлади. Бу эса мени православия билан мулокотда бўлиш имкониятидан узил-кесил воз кечишига мажбур қилди. Бу масалалар, биринчидан, православ черковининг бошқа черковларга – католикларга ва ихтилофчи-ларга муносабати масаласи эди. Бу кезларда диний эътиқодларга қизикишим оқибатида мен ҳар хил йўналишдаги, ҳар хил мазҳаблардаги диндорларга яқинлашган эдим. Улар орасида католиклар ҳам, протестантлар ҳам, қадимчилар ҳам, молоканлар ҳам бор эди. Уларнинг орасида мен виждони тоза ва чинакамига художўй одамларни кўп учратганман. Мен бу одамларга биродар бўлишни истардим. Хўш, нима бўлди? Мен билган диний таълимот менга ягона иймон ва севги орқали ҳаммамизни бирлаштиришни, яктан қилишни ваъда килган эди. Бунинг ўрнига бу таълимот ўзининг энг яхши вакиллари орқали менга бундай деди: бу одамларнинг ҳаммаси ёлғон ботқогига ботган, алланима уларга ҳаёт қудратини берармиш, бу – шайтон васвасасидан бошқа нарса эмас, фақат бизгина бўлиши мумкин бўлган ягона ҳақиқатга эгалик қиласиз. Шунда кўрдимки, православ роҳиблар ўзлари билан бир хил диний эътиқодларга сигинмаган одамларнинг ҳаммасини кофир ҳисоблашар экан. Худди шунингдек, католиклар билан бошқалар ҳам православларни кофир деб билишар эканлар. Кўрдимки, кимда-ким православларга ўхшаб ўз диний эътиқодларини ўша рамзлар ва ўша сўзларда ифодаламаса, православлар уларга душманлик муносабатида бўлар эканлар. Албатта, православлар буни яширишга уринишарди. Ҳолбуки, аслида ўзи шундек бўлиши ҳам керак. Сабабки, биринчидан, «сен ёлғонга ботгансан, мен ҳақиқатга эришган», деган гапнинг ўзи бир одам бошқа одамга айтиши мумкин бўлган энг шафқатсиз гапдир. Иккинчидан, ўзининг фарзандлари ва биродарларини ёлғон

иймонга сиғинтиришни истаган одамларга дўстлик муносабатида бўлиш мумкин эмас. Қизиги шуки, диний таълимотни қанча кўпроқ билишса, бу душманлик шунча кучая боради. «Ҳакикат одамларнинг севги орқали бирлашувидадир», – деб хисоблаганим учун беихтиёр менга шундай қўриндики, диний таълимот ўзи барпо қилиши керак бўлган нарсани ўзи вайрон киляпти.

Бизга ўхшаган маърифатли одамларга бу ҳолнинг бемаънилиги ўз-ўзидан аён; шу даражада аёнки, дастлабки паллаларда шунақа муносабатларнинг бўлиши мумкинлигига акл бовар килмайди. Биз аҳолиси турли динларга сиғинадиган ҳар хил мамлакатларда яшаганмиз ва кўрганмиз: католик православга ва протестантга, протестант католик ва православга, православ ҳам ҳар икковига нафрат билан муомалада бўлади, бир-бирларининг эътиқодини сира иккilanмай, комил ишонч билан рад этишади. Қадимчилар, пашковчилар ва бошқа мазхабларга муносабат ҳам худди шунинг ўзи. Ўз-ўзингга дейсан: «Ахир, бундай бўлиши мумкин эмас, наҳотки бу шу қадар жўн бўлса? Ахир, икки хил фикр қарама-қарши бўлиб, бир-бирини рад этса, на унисида, на бунисида иймонни ташкил қилувчи ягона ҳакикат бўлиши мумкин эмас».

Одамлар буни кўрмасликларининг сира ҳам иложи йўқ. Бу ерда нимадир бор. Бунинг қандайдир изоҳи бўлиши керак. Мен шундай изоҳ бор деб ўйлаган эдим ва уни қидира бошладим, шу масалага тааллуқли адабиётларнинг имкони борича ҳаммасини ўқидим, иложи бўлган одамларнинг бари билан маслаҳатлашдим. Лекин ҳеч канака изоҳ топа олмадим. Факат топғаним латифанамо бир изоҳ бўлди – унга кўра Сума гусарлари бутун дунёдаги энг пешқадам полк деб Сума полкини хисоблашади, сариқ уланлар эса дунёдаги энг пешқадам полк деганда сариқ уланлар полкни тушунишади. Турли-туман диний эътиқодларга мансуб рухоний арбоблар, уларнинг энг яхши вакиллари менга: «Биз ўзимизни ҳакқа эришган деб биламиз, колганлар адашади, уларнинг ҳакқига дуо қилишдан бошқа ҳеч нарса кўлнимиздан келмайди», – де-

ган гапни айтишди, холос. Мен архимандритлар, архиерейлар, пирлар, таркидунё қилган кексалар хузурига бордим, лекин уларнинг ҳеч қайсиси менга буни тушунтириб беришга уриниб ҳам кўргани йўқ. Фақат улардан биттасигина менга ҳамма нарсани тушунтириб берди, аммо шундок тушунтиридики, мен кейин ҳеч кимдан ҳеч нарса сўрамай кўйдим.

Мен деган эдимки, динга ишонмайдиган одамлар ичидан кимда-ким иймонга юз ўгирса (бизнинг жамики ёш авлодимиз иймонга юз ўтиргани керак) биринчи кўндаланг бўладиган масала «Нима учун ҳақиқат лютеранликда эмас, католикликда эмас, балки православияда?» деган масала бўлади. Католик билан протестант ҳам бирдан-бир ҳақиқат ўзларининг динларида эканини тасдиқлайди. Буни мужик билмаслиги мумкин, лекин ёшлар билади, чунки буни уларга гимназияда ўқитишади. Ҳар бир художўй ўз эътиқодларини рўёбга чиқараётганда ўз томонига тортқилайдиган далиллар кифоя эмас. «Диний таълимотни энг олий юксакликда англаса бўлмасмикин? – дедим мен. – Шу даражада юксак бўлсанки, унда тафовутлар йўқ бўлиб кетса? Қадимчилар билан бирга биз бир йўлдан борамиз-ку! Шу йўлдан яна нарига кетаверсак бўлмасмикин? Улар, салб, ҳамд-сано ва меҳроб теварагида айланиш бизда бошқача, дейишади. Биз уларга дедик: сизлар Никея рамзига, етти сир-синоатга ишонасизлар, биз ҳам ишонамиз. Келинглар, шунда баҳамжиҳат бўлайлик, қолганида истаганингизни қилинг. Бизни булар билан бирлаштирган нарса шу бўлдики, биз иймондаги энг муҳим нарсани номухим нарсадан юкори кўйдик. Энди католикларга ҳам «сизлар фалон ва фалон масалаларга ишонасизлар, булар энг муҳим масалалар, бошқа масалаларда истаган ишларингни қиласеринглар», десак бўлмасмикин? Худди шу гапларни протестантларга айтиб, улар билан ҳам энг асосий масалада ҳамжиҳат бўлсанк бўлмайдими?

Сұхбатдошим менинг фикримга қўшилди, лекин дедики, бунақа ён беришлар диний ҳокимиятни маломатга қўяди, уни ота-боболаримизнинг динидан чекинишда ва диндорлар

ўртасида ихтилоф туғдиришда айблашади, ҳолбуки диний ҳокимиятнинг асосий вазифаси бизга бобокалонларимиздан мерос бўлиб қолган юнон-rossия православ динини кўз қорачигидай покиза саклашдир.

Шунда мен ҳамма гапга тушундим. Мен иймон излайман, ҳаётнинг қудратини излайман, улар эса одамлар олдидағи мұайян инсоний мажбуриятларини яхшироқ адо этиш воситаларини излашади. Бу инсоний ишларни адо этар эканлар, уларни инсоний тарзда бажарадилар. Улар адашган биродарлари учун таассуфлари ҳакида, Худонинг тахтиравони олдида уларнинг ҳақкига қиласын ибодатлари түғрисида ҳар қанча гапиришмасин, инсоний ишларни адо этмок учун куч ишлатмок керак. Куч ҳамиша ишлатилган, ҳозир ҳам ишлатиляпти, бундан кейин ҳам ишлатилади. Икки хил тариқат ҳар қайсиси ўзини ҳакиқат йўлида деб билса, бир-бирларини ҳакиқатга жалб қилмоқ учун улар ўз таълимотларини тарғиб қиласидар. Агар ёлғон таълимотни черковнинг ўзини ҳакиқатга ошно деб хисобловчи тажрибасиз қавми ўртасида тарғиб қиласа, черков бу китобларни ёкиб юбормаслиги, қавмини васвасага солган одамни кўздан нари қилмаслиги мумкин эмас. Православ черковининг фикрига кўра сохта олов алансасида ёнаётган ва энг мухим масалада, – иймон масаласида черков қавмини ўйдан оздираётган мазҳабпарастни нима қилмоқ керак? Унинг калласини олмоқдан ёки ўзини зиндонга солмоқдан ўзга илож борми? Алексей Михайлович замонида гулханда ёкишган, яъни замонасининг олий жазосини қўллашган; бизнинг давримизда ҳам яна ўша олий жазони қўллашади – бир кишилик ҳибсга маҳкум этишади. Мен диний эътиқод йўлида қилинаётган ана шунака ишларга эътиборимни қаратдим-да, даҳшатга тушдим ва православиядан деярли юз ўғирдим. Черковнинг ҳаётий масалаларга иккинчи муносабати унинг урушга ва қатлларга муносабати эди.

Шу пайтда Россияда уруш бошланиб қолди. Руслар христиан севгисини алқаб ўз биродарларини ўлдира бошлашди.

Бу тўғрида ўйламасликнинг иложи йўқ эди. Қотиллик ҳар қандай диннинг бирламчи асосларига зид бўлган ёвузлик эди. Буни қўрмаслик мумкин эмас эди. Ҳолбуки, черковларда бизнинг қуролимизнинг муваффақияти учун ибодатлар қилинди ва дин пешволари қотилликни диндан келиб чиқувчи иш, деб тан олишди. Нафакат урушдаги бу қотилликни, балки урушдан кейин содир бўлган ғалаёнлар вактидаги одам ўлдиришларни ҳам шаръий бир нарса деб эътироф этишди. Мен черков арбобларини, пирларини, монахларни кўрдим – улар адашган ночор йигитларнинг ўлдирилишини маъқулашди. Мен христиан динига сифинадиган одамлар томонидан қилинадиган ишларнинг ҳаммасига эътиборимни қаратдим. Қаратдим-у, даҳшатга тушдим.

## XVI

Шунда шубҳаларни йигиштириб, узил-кесил амин бўлдим : – мен келиб баридан тутган иймон билими ҳали тўла ҳақиқат эмас экан. Авваллари, бу диний таълимот бошдан-оёқ ҳаммаси ёлгон, дердим; аммо эндиликда бундай деб бўлмас эди. Бутун ҳалқ ҳақиқатни билишга эришган эди, бунга шубҳа бўлмоги мумкин эмас эди, акс ҳолда бу ҳалқ яшамаган бўлар эди. Ҳақиқатни таний оладиган бўлиб қолганимдан ташқари мен аллақачон шу ҳақиқат билан яшамоқда ва унинг жамики чинлигини ҳис қўлмоқда эдим, бироқ ана шу билимимнинг ўзида ёлғон ҳам бор эди. Бунга ҳам менинг шубҳам йўқ эди. Шундай қилиб, авваллари мени бездирган нарсаларнинг ҳаммаси эндиликда жонли бир тарзда қаршимда гавдаланди.

Аммо ёлғон қаёқдан келиб қолди-ю, ҳақиқат қаёқдан келди? Ёлғон ҳам, ҳақиқат ҳам черков деб аталган нарса томонидан тарқатилади. Ёлғон ҳам, ҳақиқат ҳам ривоятларнинг таркибиададир. Уларни муқаддас ривоятлар ва муқаддас китоблар деб аташади.

Шу тарзда хоҳласам-хоҳламасам мен ана шу ривоятлар ва китобларни ўрганишга, тадқик этишга мажбур бўлдим. Ҳолбуки, хозиргача айни шундан қўркар эдим.

Мен бир вақтлар кераксиз нарса сифатида нафрат билан ўзим улоқтириб ташлаган диншуносликни ўрганишга киришдим. У пайтларда диншунослик менга бир қатор кераксиз, бемаъни нарсаларнинг йигиндисидай туулганди, у пайтларда менинг теварагимни ҳар томондан менга аник-равшан ва маънога тўлиқ бўлиб туулган ҳаёт ҳодисалари куршаб олган эди, эндиликда эса соғлом каллага сифмаётган нарсани бажонидил улоқтириб ҳам ташлар эдим-у, аммо ноилож қолган эдим. Бу – диний эътиқоднинг пойдевори эди, ҳар ҳолда, у менга намоён бўлган ҳаёт маъносини яхлит билиш билан чамбарчас боғлиқ эди. Менинг кекса, бақувват ақлимга у ҳар қанча ваҳшиёна қўринмасин, у ҳолос бўлишнинг бирдан-бир омили эди.

Уни англамоқ учун, ҳатто, мен илм қоидаларини англайдай эмас, шунчаки жўн англамоқ учун уни эҳтиёт билан синчиклаб текшириб чиқмок керак эди. Иймон билимининг хусусиятини билиб туриб, мен буни изламайман ва излай олмайман. Мен ҳамма нарсанинг изоҳини излаб ўтирамайман. Мен биламан – ҳамма нарсанинг изоҳи ҳамма нарсанинг ибтидоси сифатида чексизлик ичida яширинган бўлмоги керак. Аммо мен шундай англамоқ истайманки, мен бунинг оқибатида мукаррар тарзда изоҳлаб бўлмайдиган нарсага келай; истайманки, жамики изоҳлаб бўлмайдиган нарса ақлимнинг талаблари нотўғри бўлгани учун эмас (ақлимнинг талаблари тўғри, улардан ташкарида мен хеч нарсани англай олмайман), балки мен ўз ақлимнинг чегараларини кўриб турганим учун изоҳлаб бўлмайдиган бўлса. Мен шундай англамоқ истайманки, ҳар қандай изоҳлаб бўлмайдиган қоида менинг каршимда мен ишонишим керак бўлган нарса сифатида эмас, ақлнинг зарурияти тарзида намоён бўлса... Диний таълимотда ҳақиқат борлиги менда зарра шубҳа туғдирмайди. Аммо унда ёлғон мавжуд эканига ҳам зарра шубҳам йўқ. Мен ана шу ҳақиқат билан ёлғонни топиб, уларни бир-биридан ажратиб олмоғим керак. Мен ана шу ишга киришдим.

Диний таълимотда мен кандай ёлғон нарсани топганим, кандай ҳақиқатни топганим, кандай хулосаларга келганим навбатдаги асаримнинг таркибий қисмини ташкил қиласи. Бу асар бирор нарсага арзиса ва бирор кимсага кераги бўлса, бирор вактда ёзилар ва бирор жойда чоп этилар...

Мен буларни уч йил аввал ёзган эдим. Эндиликда унинг чоп этилаётган қисмини қайта кўриб чиқар эканман ва ўша пайтдаги фикрларим мантиғига ҳамда кўнглимдан кечган ҳисларга қайтар эканман, якинда бир туш кўрдим. Шу тушда жамики кечирган туйғуларим ва тилга олган ҳодисалар жуда ихчам бир тарзда ифодаланган эди. Шунинг учун ўйлайманки, тушим мени англаганларнинг ҳам хотирасини янгилайди, мен юкоридаги саҳифаларда узундан-узок баён қилиб берган нарсаларни бир жойга жамлаб, аниқроқ тасаввур килишга ёрдам беради. Мана ўша туши: мен тўшакда ётган эмишман. Ўзимни яхши ҳам, ёмон ҳам хис килмаётганмишман. Чалқанча чўзилиб, яхши ётибманми, дея ўйлай бошлабман. Шунда оёғимни нокулай хис қилибман, калта эмишми-ей, таги нотекис эмишми-ей, билмадим, хар ҳолда, нокулай эмиш-да. Мен оёғимни кимиirlатиб кўрибман ва шу билан бирга ниманинг устида қандай ётганимни ўйлай бошлабман. Шу пайтгача бу гап хаёлимга келмаган экан. Тўшагимни кўздан кечириб қарасам, аркондан тўқилган тўр каравотда ётибман. Оёғимнинг учи паст томонда ётиби, тиззам очилиб колибди. Шундан нокулайлик сезаётган эканман. Негадир билар эканман – тагимдаги тўр тўшакни у ёқ-бу ёқка сурса бўларкан. Оёғимни қимиirlатиб, тўр каравотнинг этак қисмини бир ёнга жиндай сурибман. Шундай қилсан, тинчрок ётадигандай кўринибман. Лекин мен уни кўпроқ суриб юборибман, оёғимга илинтиrmокчи бўлибман, лекин оёғим етмабди, аксига олиб тўр каравот яна жиндай силжибди-ю, оёкларим осилиб қолибди. Кулайрок ўрнашиб олишга комил ишонч билан, бутун гавдам билан харакат килиб тўр каравотни ўнглаб олмоқчи бўлибман, аммо бу харакатим билан иш ўнгланиш ўрнига бата-

мом чаппасига кетибди. Бир маҳал қарасам, бутун гавдам ҳавода муаллақ осилиб қолган эмиш, оёғимни чўзсан, ерга тегмасмиш. Юрагим ваҳимага тўлиб, қўркиб кетибман. Шу ерга келгандан аввал миямга келмаган бир нарсани сўрайман: «Мен каердаман ва нимада ётибман?» Теварак-атрофимга аланг-жаланг қарайман. Ҳаммадан аввал пастга – гавдам осилиб турган томонга қарайман. Ҳализамон ўша томонга қулашимни туяман. Пастга қарайман-у, кўзларимга ишонмайман. Мен шунақа юксакдаманки, қўяверасиз. Энг баланд миноранинг ёки тог чўққисининг баландлиги ҳам унинг олдида ип эшолмайди. Бунақа баландлик авваллари етти ухлаб тушимга кирган эмас.

Мен аник-тиниқ илғай олмайман – куйида, тепасида муаллақ турганим ва ҳадеб мени ўз бағрига чорлаётган тубсиз ўпконда бирор нарсани кўряпманми-йўқми? Юрагим увшади, ўзим даҳшатга тушаман. Куйига қараш қўрқинчли. Сезиб турибман, пастга қарасам, ётган жойимдан сирғаниб тушиб кетаман-у, нобуд бўламан. Мен қарамайман, лекин қарамаслик яна ҳам ёмон, чунки мен «ҳозир тушиб кетсан нима бўлади?» деб ўйлайман. Сезиб турибман, кўрқувдан энг сўнгги кучларимни йўқотиб, аста-аста оркамда сирғалиб, пастга тушиб кетяпман. Яна бир лаҳзадан кейин тамом. Шунда бирдан хаёлимга: «Бу ҳақиқат бўлиши мумкин эмас, – деган фикр келади. – Бу – туш. Уйғон». Мен уйғонишга ҳаракат қиласман, лекин уйғонолмайман. «Нима қилиш керак? Нима қилса бўлади?» – дея ўзимдан-ўзим сўрайман ва юқорига қарайман. Юқорида ҳам тубсизлик. Мен самонинг бу тубсизлигига қарайман-у, куйидаги тубсизликни эсдан чиқаришга тиришаман ва чиндан ҳам унута бошлайман. Куйидаги чексизлик мени даҳшатга солади ва ўзидан бездиради, юқоридаги чексизлик эса ўзига тортади ва менга куч беради. Мен ҳамон тубсизлик устида тўр каравотда илинار-илинмас осилганча муаллақ турибман. Муаллақ турганимни биламан, лекин фақат юқорига қарайман. Қўрқув мени аста-секин тарк эта бошлайди. Кўпинча

түшдә бўладиган каби аллақандай овоз дейди: «Билиб қўй, бу – ўша!» – шунда мен юкоридаги тубсизлик қаърига боргандар сари ютоқиб қарайман ва секин-аста хотиржам бўла бошлаганимни хис қиласан. Нимаики бўлиб ўтган бўлса, ҳаммаси эсимда; буларнинг бари қандай рўй берганини эслайман – мана, оёкларимни кимирантдим, мана, муаллақ осилиб қолдим, мана, кўркувдан даҳшатга тушдим, мана, юкорига караб, кўркувдан халос бўлдим ва ҳалокатдан омон қолдим. Шунда ўз-ўзимдан сўрайман: «Хўш, энди бу ёғи нима бўлади? Ҳамон муаллақ осилиб турибманми? Энди мен аланг-жаланг бўлмайман, лекин бутун вужудим билан қайси нуктага таяниб турганимни хис қиласан. Кўраманки, мен ортиқ муаллақ осилиб турганим йўқ, кулаётганим ҳам йўқ, балки турган жойимда маҳкам турибман. Мен ўзимдан нечук бунчалик маҳкам турганимни сўрайман, теварагимга қарайман, пайпасланаман, карасам, остимда, белимнинг тагида тўр каравотдан бир бўллаги бор экан, мен шунинг устидаги осмонга қараганча ётибман ва у мени аввалгидай кўтариб турибди. Худди шу чоғда худди тушларда бўладигандек, мени кўтариб турган куч кўз ўнгимда намоён бўлади. Гарчи бу куч ўнгимда ҳеч қанака маънога эга бўлмасада, тушимда ғоятда табиий, тушунарли ва ҳеч қандай шубҳа туғдирмайдиган бўлиб кўринади. Мен тушимда ҳатто таажжуб қиласан – нечук мен буни авваллари англамадим экан? Буни қарангки, менинг миямнинг ичидаги бир устун бор экан. Бу устуннинг мустаҳкамлиги ҳар қандай шубҳадан ташкари эди. Ҳолбуки, бу нозик устуннинг ҳеч қандай таянчи йўқ эди. Кейин шу устундан бир ип ўтказилган экан. У шунақа усталик билан ва айни чоғда шунақа жўн бир тарзда ўтказилган эканки, шу ипнинг устига белинг билан ётиб, юқорига қарасанг, пастга қулаш ҳакидаги фикр, ҳатто, хаёлингга ҳам келмас экан. Буларнинг бари менга аён бўлди ва мен бундан мамнун бўлиб, хотирим жам бўлди. Гўё аллаким менга: «Буни кўриб, эслаб қол», – дегандай бўлди. Шу жойда уйғониб кетдим.

## Қайдлар учун

## Қайдлар учун

*Адабий-бадиий*

Лев Толстой

## **ИҚРОРНОМА**

Мухаррир	<i>Maҳmуд Bўronov</i>
Бадиий мухаррир	<i>Шавкат Илҳомов</i>
Техник мухаррир	<i>Умида Яхшибоева</i>
Кичик мухаррир	<i>Зигола Maҳкамova</i>
Мусаххих	<i>Tўxtamurod Xasanboev</i>
Сахифаловчи	<i>Умида Махамаджонова</i>

Нашриёт лицензияси АI № 160, 14.08.2009.

10.02.2020 й.да босишига рухсат этилди.

Қоғоз бичими 84x108  $\frac{1}{32}$ . Офсет қоғози.

«Times New Roman» гарнитурасида оғсет усулида босилди.

Шартли босма табоги 5,88. Нашриёт-хисоб табоги 4,44.

Адади 5000. Шартнома № 02–20.

54 -Буюртма рақами

«O'zbekiston milliy ensiklopediyasi»

Давлат илмий нашриёти.

100011, Тошкент ш., Навоий кўчаси, 30-уй.

Ўзбекистон Республикаси Президенти

Администрацияси ҳузуридаги Ахборот ва оммавий

коммуникациялар агентлигининг

Ғафур Ғулом иомидаги нашриёт-матбаа

ижодий уйида чоп этилди.

100128, Тошкент шаҳри, Лабзак кўчаси, 86 уй.

Т 64 Толстой, Лев

**Икрорнома.** [Матн]: кисса / Л. Толстой. – Т.: «O'zbekiston milliy ensiklopediyasi» Давлат илмий нашриёти, 2020. – 96 б.

ISBN 978-9943-07-745-4